

**SIXTH LEGISLATIVE ASSEMBLY OF MIZORAM  
(FIFTH SESSION)**

**LIST OF BUSINESS**

**FOR SIXTH SITTING ON WEDNESDAY, THE 24<sup>TH</sup> MARCH, 2010**  
(Time 10:30 A.M. to 1:00 P.M. and 2:00 P.M. to 4:00 P.M.)

**MEMBERS PRESENT**

1. **Pu R.Romawia**, Speaker at the Chair, Deputy Speaker 11 Ministers and 25 Members were present.

**QUESTIONS**

2. **QUESTIONS** entered in separate list to be asked and oral answer given.

**STATEMENT MADE BY A MINISTER**

3. **Pu S. HIATO**, Minister to make a Statement on the damage of Multipurpose Building at Berawtlang by fire.

**SHORT DURATION DISCUSSION**

4. **Pu LALDUHAWMA** to raise short duration discussion under Rule 55 of Rules of Procedure and Conduct of Business in Mizoram Legislative Assembly on Disaster Management at Tlawng River, Sairang.

**DISCUSSION AND VOTING ON DEMANDS**

5. **Pu P.C. ZORAM SANGLIANA**, Minister to submit to the vote of the House various demands under his charge.
6. **Pu J.H. ROTHUAMA**, Minister to submit to the vote of the House various demands under his charge.
7. **Pu NIHAR KANTI** Minister to submit to the vote of the House various demands under his charge.

**S P E A K E R** : Lalpan In a sak loh chuan, A satute chuan an thawkrim thlawn mai a ni, LALPAN khawpui a vawn that loh chuan, A vengtu chu a meng thlawn mai a ni. Sam 127:2

Tunah zawhna leh chhanna hunah kan kal ang a, Starred Question No. 61-na zawt turin Pu K.Liantlinga ilo sawm ang.

**Pu K. LIANTLINGA** : Pu Speaker, ka lawm e. Kan Hon'ble Minister Health & Family Welfare Department changtu ka zawhna chu hei hi a ni. Starred Question No. 61 na (a) Refrigerator Mechanic lak takte kha, Refrigerator Mechanic Certificate nei dik tak an ni em? (b) Nei lo ta se, he hna diltu te zingah hian Certificate nei dik tak engzatnge awm? An hming leh Address nen min hrilh thei em? tih a ni e.

**S P E A K E R** : A enkawltu Minister zahawm tak Pu Lalrinliana Sailo chhang turin ilo sawm ang.

**Pu LALRINLIANA SAILO, MINISTER** <sup>1</sup>: Pu Speaker, Aizawl South I bialtu zahawm tak Pu K.Liantlinga zawhna chhanna chu hetiang hi a ni e. (a) An ni lo. (b) He hna diltu zingah hian Fridge & AC Mechanic (Refrigerator Mechanic) Certificate nei dik tak chu mi 9 (pakua) an awm a, an hming leh address chu a hnuia mi ang hi a ni e. (1) Zohmingliana Pachuau S/o Lalroenga Pachuau Bethel Veng. (2) Lalhazuala Hrahsel S/o Lalrohluchhara, College Veng, Aizawl. (3) J.Lalawmpuia S/o J.Lalrinchhana Saikhama Kawn. (4) C.Vanhmingthanga S/o C.Vanchana, Zotlang Lunglei (5) R.Vanlalhrauaia S/o R.Chhuanvawra, Lunglawn, Lunglei (6) P.Lalrintluanga S/o P.Lalthasiama, Rahsiveng, Lunglei (7) T.Lalramnghaka S/o T. Hrahla, Meisavaih Saiha. (8) Lalchawliana S/o Chawngdailova Hmunhmeltha (9) H.Zarzoliana S/o H.Piangthanga, Hmunhmeltha, tih a ni e

**S P E A K E R** : Zawhbelhna, Pu K.Liantlinga.

**Pu K. LIANTLINGA** : Pu Speaker, ka lawm e. Regrigerator Mechanic lak zingah khan mi pathum an lakte, K.Lalawmpuia, Keifang, M.F.Dawngliana, Electric Veng leh C.Lalremruata te kha Mechanic Certificate neilo ni a hriat a ni a. Tin, tuna an chhiarchhuah leh heti laia list of selected candidates elegible to appear for personal interview for the post of Refrigerator Mechanic, tih ah hian M.S.Dawngliana Colney, Lalawmpuia, R.Lalzamlova, C.Lalruatkima, K.Lalawmpuia lalrinmawia Hnamte, Zohmingthanga Pachuau, Lalhazuala, J.Lalawmpuia, R.Lalbiakdika, C.Vanhmingthanga tih te hi tuna mi nen khan a inmil lova. Chuvang chuan helaiah hian a awm nge ni ka hre lova, hei hi Assembly hmasa zawhna Unstarred Question ami ka rawn lakchhuah chhanna a ni a. Hetah hianin Refrigerator Mechanic hi Zohmingthanga Pachuau leh Lalhazuala Hrahsel leh J.Lalawmpuia te chauh hi nei nia hriat anni a. Tin, K.Lalawmpuia an lak tak phei hi chu Principal-in a ziah sak, training lai a ni a. A dang zawng hi chu Electrical Mechanic lampanga Certificate nei an ni a. Helaiah hian heng certificate nei lo hi Refrigerator Mechanic dik tak an ni lo a. Certificate dik tak nei hi a lak theih mai loh em ni? A qualified lo te lak an ni.

---

Engatinge tuna chhanna leh a hmaa Unstarred Question a chhanna hi a in an loh? Tih lai kha kan zawh belh duh a ni e.

**Pu LALRINLIANA SAILO, MINISTER** : Pu Speaker, ka hriat chinah chuan thla 8 chhung vel anih ka ring a, he thu hi a zawttu ngai hian vawi 3 a zawt tawh a. Ni 23.7.2009 ah te, ni 16.10.2009 ah te, ni 21.10.2009 ah te tih tawh a ni a. Tichuan a awmzia chu hei hi a ni. RR/Dan lo in kan la thiang lo a. RR hi 1987 a siam a ni a. RR ah chuan HSLC or equivalent with ITI training in Electric tih a ni a. Hetah hian tuna Member zahawm tak sawi kha Mechanic Fridge bikah khan RR ah a lang si lova. Tunlaiah Court te a hnai tawh a, kan inkhing zeng zung tawh mai si a. Kan Advertisement siam danah pawh khan tuna kan lak dang ang chiah chiah hian RR dang kan la neih si loh avang khan tih a ni a. Chuvang chuan RR kan neih ang thlapa leh Dan ang thlapa tih a ni a. A fridge Mechanic bik kha RR hian a la huam tel si lova. Hei hi RR pawh hi tih leh ah chuan Amendment siam angaiin kan ring a. Kan fridge Mechanic lak te hi dan ang thlapa lak an ni. Court an hlau si a. Advertisement kan chhuah lai a mite khan, la ti lo ila chuan minleh khin zawk dawn a. Tunah hian Court pawh local ta se kan him a, dan ang thlapa lak a ni e.

**Pu K. LIANTLINGA** : Pu Speaker, zawh belhna Recruitment Rules ah pawh Electrical Mechanic tih a nih chuan Electric Mechanic khan Advertisement chhuah sela, la sela a dik a. RR kalhin Refrigerator Mechanic tiin an chhuah si a. Refrigerator Mechanic pathum an awm a, an la leh si lova, heti laiah hian RR te siamthat hmasak a, an duh anih chuan kha kha tih mai awm tak a ni a.

Tuna ka zawh duh chu - Engatinge Refrigerator Mechanic tiin an chhuah si, Electrical Mechanic ti khan a chhuah theih mai lo em ni? Helaiah hian dan palzut khera Advertisement chhuah hi engnge a awmzia?

**Pu LALRINLIANA SAILO, MINISTER** : Pu Speaker, RR hi siam dawn ta ila kan hre theuh anga, a kawng a kual thui em em a, chuvangin he Refrigerator Mechanic lak tur a hi January thla a tih kha a ni a, mamawhna a sang tawh bawk si a. Damdawi In hrang hranga khawl enkawlte kan ni a, chuvang chuan January thla a tih kha a ni a. Advertisement ah khan tuna kan himna tur chiah khan Advertised a ni a. Eng anga qualification sang pawh nise RR in a tih loh chuan a theih loh a ni. Tin, RR kan neih sa ang thlapa tih a ni e.

**S P E A K E R** : Duh tawk ang aw. Kan thiam tho kha chuan, pawl kha a buai lo turah ngai ila, tunah Starred Question 62 na zawt turin Pu Lalduhawma ilo sawm ang.

**Pu LALDUHAWMA** : Pu Speaker, PHE changtu Minister chhan atan, Mizoram University Tanhril tana Water Supply hna hi zawh a ni tawh em ?

**S P E A K E R** : A chhang turin Pu S. HIATO, Minister, Public Health Engineering.

**Pu S. HIATO, MINISTER:** Pu Speaker, member zahawm tak Pu Lalduhawma zawnha Starred Question No. 62 na chhanna chu - Mizoram University Tanhril tana Water Supply hna, PHE Department in a thawh tur chin a ngaih chu zawk a ni tawh e.

**Pu LALDUHAWMA** : Pu Speaker, khulai area khu Central Jail, Sakawrtuichhun, Tanhril University tih lai khu kumtin tui tamin kan tam thin a, Nikumah te pawh kan buai em em tawh a. Kuminah pawh kan Official ten theih tawpin hma an la a, lawmawm ka ti khawp mai a. Ka zawhbelh duh chu tunah hian Setlak lui pump chhuah tum mek a ni a, a kawng hi kumtin sial chawp ziah a ngai a. Industry Department-in a maintain bawk si lo a, chuvang chuan tui mamawh hnua a kawng buaipui nana hun rei tak mai khawhral ziah thin hi a tawp theihna turin tun atang chuan kan lo in hmakhua thei tawh angem ? tih ka zawt duh a. Tin, Setlak panna kawng a chhiat avang khan Diesel drawing line an siam a, pipe 30 lai min an ru a, an la thlak thei si lova, Cable a bo leh a. Cable chu vawiin hian an thlak dawn ni awm tak a ni a. Khatiang neuh neuh karah khan mipuiin an tuar hman hle thin. Chumi a reh theihna tur chuan a hmunah khuan Transformer a bun theih lawm ni? tih kan zawt duh bawk a. Tin, Setlak lui tui khu a tawk lova. A bulah khuan Zihngthal lui leh Changpui lui a awm a, hnaite, han lak belhchhah awl deuh mai a ni a. Chu chu min tih sak theih chuan Phase II ring lo pawn khulai chu kan inchawm thei dawn a. Kan Minister zahawm takin min lo hriatpui sela, hma a lak theih angem ? tih ka zawt duh bawk a.

Phase II hi Tanhril leh Central Jail ah te a pipe chu a awm ve tawh a, mahse, a leak in welding te a ngai deuh reng a. Tui hi kan hmu tha ve lo a ni. Phase II hi lo kal tha sela, Setlak kha chu a ngai lo a ni ve mai a. Chuvangin Phase II hi khulai Central Jail, Sakawrtuichhun, University leh Tanhril tan connection awm tawh sa hi regular deuh hlekin min peve thei tawh ang em ? tih kan zawt duh bawk a.

A tawp berah chuan Pu Speaker, kan Minister zahawm tak hi hmanah ka zawt tawh a. Phase II hi Rangvamual thleng a lo kal tawh a, awlsam tea Phunchawng pawh pek theih a ni tawh a. Tunah hian Municipal areaah a awm chiah chiah dawn lehngthal a. Hei hi chu PTC nen khuan Phase II hian min chhunzawm sak thei sela khulam chu kan fel fai a ni mai a. Sairang lam chu Project hranin a lo kal tawh a. PTC leh Phunchawng hi min tihsak ve thei hram em? tih kan zawt bawk a ni.

**S P E A K E R** : Pu R. Lalrinawma.

**Pu R. LALRINAWMA :** Pu Speaker, ka zawh belhna chu Phase II kha Congress sorkar hmasaa ruahman ang khan Durtlang leh Sihphir te huam tura kalpui tum a la ni zel em? tih a ni e.

**Pu S. HIATO, MINISTER:** Pu Speaker, Pu Lalduhawma Member zahawm tak hi a bial a ngaihtuah a, zawh pawh a zaws hnem a, a lawmawm ka ti a. Khulaia tui harsat thu hi keini pawhin kan hria a. Tin, zawhna hran hranah hian a zawhna kha a awm teuh mai a, a lo chhuak hman nge, ka chhang vek dawn ka hre lo a. Tuna a zawhna Tanhril University kha chu kan sawi tawh ang khan Chanmari booster pump atang hian Luangmu reservoir ah kan chhung thla a. Tin, Tanhril atangin University Campus ah hian pek a ni a, chumi lo pawh chuan by pass in 100mm GI Pipe in a zawnna kan siam sak a. Mahse, Phase II hi kan la zawh loh avangin duh angina tui an la hmu rih lo tih hi chu kan hria a, theihtawpin tan kan la mek a ni tih kan sawi hmasa duh a.

Tin, Setlak lui pump hi a sawi a, a dik a. Setlak lui hi Centrally Sponsored Scheme hnuiah khan Industrial crop centre, Industry bik atana siam a ni nain, khilai vel hoin tui an harsat avangin theih ang tawkin kan pump hi chuan kan han sem ve thin a, sem ve thin mah ilangin a changin a diesel pekna pipe te ruk bo a ni a, a changin a cable te a lo chhia a, a kalkawng te a tha tawk lo a, theihtawp chhuahin tan kan la a, nimin lam te pawh khan cable repair tur te pawhin kan buaipui zak zak a nih kha, member zahawm takin min hriatpui ka duh a. Theihtawp kan chhuah a, kan ti mek a ni tih kha kan chhanna ni se.

Tin, PTC Lungverh hi habitation, mihring habitat area a Census ah khan a tel loh avangin kan lo telh thei lo a, mahse, State sum atangin tihsak kan tum mek a ni tih ka chhanna ni se.

Tin, Rangvamual atanga hnaite Phunchawng hi tunah hian rinluh mai kan tum tawh a, Phase II ah hi chuan kan rin lut ang a, kan pek theih ka beisei a ni. Pu Lalrinawma member zahawm tak zawhna kha tunah Phase II atang hian hma kan la chho a. Booster pump Durtlang bulah, Bawngkawnah din kan tum a. Chu chu a insak hna te, a culvert te, tui pipe hna te pawh contractor hnenah kan pe tawh a. Tanky engemaw zat siam tawh a ni a, a reservoir pawh siam a ni a. Engemaw chen chu pipe pawh siam tawh a ni a. Booster pump kan phum hi kan zawh chuan khilam harsatna bik Durtlang te pawh hi kan phuhruk thuai kan beisei a ni.

**S P E A K E R :** ICFAI University pawh khian ka bulah te an rawn sawi ve nasa mai a. Tuizem lian tlangah hian min dah sak ve thei sela an rawn ti a. Chungte pawh chu kan Minister zahawm tak khan khinglaia hma in lak hunah min lo hriatsak ve ula tih kan ngen che u a ni e.

Tunah Starred Question No. 63 naah kan kal ang a. A zaws turin Pu John Siamkunga ilo sawm ang.

**Pu JOHN SIAMKUNGA :** Pu Speaker, ka lawm e. Hon'ble Minister for Law and Judicial chhan atan heng zawhnate hi ka'n zawt e.

- (a) Court rorelnah hian sorkar a inrawlh thei em ?
- (b) Gram Nyayalayas (Village Court) hi a takin kalpui a ni dawn em ?
- (c) Khawi hmunah te nge Village Court hi din a nih dawn ?

**S P E A K E R :** A chhang turin Minister zahawm tak Pu Lalsawta, Law and Judicial changtu ilo sawm ang.

**Pu LALSAWTA, MINISTER :** Pu Speaker, ka lawm e. A zawhna hmasa ber, Court rorelnah hian sorkar a inrawlh thei em? tih chhanna chu "Sorkar a inrawlh thei lo" tih a ni a. (b) na Gram Nyayalayas (Village Court) hi a takin kalpui a ni dawn em ? tihah hian A takin kan kalpui dawn tan. Kumin Financial Year 2010 – 2011 atang hian kan kalpui tan dawn a ni. (c) na Khawi hmunah te nge Village Court hi din a nih dawn? Tih chhanna chu a hnuaia mi ang hian din tum a ni – 2010 – 2011 Financial Year chhungin hmun 4 ah (1) Phullen khua te, (2) Dungtlang khua te, (3) E.Lungdar ah te, (4) Ngopa ah te din kan tum a. 2011 – 2012 ah hian (1) West Phaileng (2) Bilkhawthlir (3) S.Vanlaiphai leh (4) Bunghmun ah te din tuma Zawlnuam khuaah te din tum a ni.

**S P E A K E R :** Awle, Pu John Siamkunga.

**Pu JOHN SIAMKUNGA :** Pu Speaker, ka lawm e. Kan Minister zahawm tak min chhannaah khan Court rorelnah sorkar a inrawlh thei lo tih chiang takin min hrilh a. Kan hriat angin kan Chief Minsiter zahawm takin eiruk thubuai tute emaw beihna avangin kum engemaw zat kha a lo nei tawh a. He a thubuai an chhui chhung hi a rei hle a. Vanneih thlak takin thla hlui ni 26 khan Judgement order tihchhuah a ni a. Court-in an hriat tur tul te, mamawh zawng zawng te hria nia inhriain Court rorelna/thutluknaah chuan eiruk thubuai neia an hriatna zawng zawngah khan kan Chief Minsiter hian thiam a chang chiang a ni tih Court-in a puang a ni. Hetih lai hian Party thenkhat leh mimal thenkhat ten an "Sorkar vanga thiam chang" tiin khawi khawiah emaw te hriattirna te an lo siam a. Chuvangin, he kan Chief Minsiter zahawm tak thiamchannaah hian sorkar hi a inrawlh lo tak tak nge a inrawlh tih hi chiang lehzuala mipuite min hrilhfiah turin Law Minsiter zahawm tak hi kan zawt leh a ni.

**S P E A K E R :** Pu R.L. Pianmawia'n han zawt leh phawt rawh se.

**Pu R.L. PIANMAWIA :** Pu Speaker, ka lawm e. Ka zawh belhna chu - Tuivawl biala Chhinlung Development Council hqrs. Sakawrdaiah khian Village Court kha a rang lama tih tur zingah telh ve dan a awm thei hram lawm ni? tih a ni e.

**S P E A K E R** : Chhang turin Minister ilo ko ang.

**Pu LALSAWTA, MINISTER** : Pu Speaker, ka lawm e. Zawhna hnuhnung zawk atang khan chhang ila. Member zahawm tak Pu R.L.Pianmawia zawhna, khilai, a bial chhung ami khaw pakhatah khan dah ve ilang a tih kha chu - Hei kum thum chhung atan programme nei kan ni mai a, tunah chuan kan han puan theih chin chu "A dawt leh zel atan kan lo ngaihtuah ang e" tih kha ni phawt mai se.

Tin, member zahawm tak Pu John Siamkunga zawhna kan House Leader, Mizoram Chief Minister chungchangthu leh Court rorelna chungchang thuah kha chuan original a zawhna (a) na in a chhanna tho kha a ni mai a. Court rorelnaah hian sorkar a inrawlh thei lova, a inrawlh ngai bawk hek lova. Tin, engemaw hun laite kha chuan a inrawlh thin a nih pawhin kan sorkar hnuah hi chuan a inrawlh lo. Chumi ka sawina chhan khera chu Pu Lal Thanhawla case hi term hmasa hun chhung khan thiam changa, fel daih tawh tur niin ukil ho hi chuan kan ngai a. Mahse, sorkar lam khan engemaw chen inrawlhna an neih avangin, inhlana a thubuai han khai chhuah leh a tan han khek muanna an nei nia han hriatna chen kha a awm thin a. A dik pawh a dik viau mai thei a ni. Mahse, tun sorkar ah hi chuan Court rorelna ah hian Pu Lal Thanhawla case a ni emaw, tupawh mirethei ber emaw, mi hausa ber emaw pawh ni se, thiltithei ber pawh nise, court rorelnaah hian sorkar a inrawlh lo a ni tih kha ka chhanna a ni.

**S P E A K E R** : Starred Question No. 64 na zawt turin Pu Lalduhawma.

**Pu LALDUHAWMA** : Pu Speaker, Animal Husbandry & Veterinary Department changtu Minister zahawm tak chhan atan ka zawhna -  
 (a) Piggery Farm, Kawlkulh – II hi engtika din nge ? (Hei hi Model Piggery Village tihna angah min lo ngaihsak sel) (b) Sum sen tawh zat ? (c) Tuna chhungkaw awm zat? (d) Sorkarin kalpui a tum zel dan ?

**S P E A K E R** : A chhang turin a changtu Pu Nihar Kanti ilo sawm ang.

**Pu NIHAR KANTI, MINISTER** : Pu Speaker, Aizawl West I bialtu zahawm tak Pu Duhawma zawhna chhanna chu hetiang hi a ni. (a) Piggery Farm, Kawlkulh – II hi kum 2002 ah din tan a ni. (b) Piggery Farm, Kawlkulh – II atan hian Rs. 1,41,14,996/- sen ral tawh a ni. (c) Tunah hian chhungkaw 25 an awm mek. (d) He Piggery Farm-a vawk vulhtute tan VFA (Veterinary Field Assistant) Muster Roll Employee 1 (pakhat) dah a ni a, a tul anga hman turin

damdawi leh vaccine te pek chhunzawm zel a ni. Tanpuina awm thei ang angte pe a hmalak mek a ni.

**S P E A K E R** : Pu Lalduhawma zawhbelhna.

**Pu LALDUHAWMA** : Pu Speaker, hemi chungchang hi Demand kan sawi hunah a rem chuan la point out leh ka duh tho a. Tunah hian thil pahnih han zawh ka duh chu - He Piggery Village hi abandon ang deuhhlekin tunah hian a kal a, mihring chhungkaw 30 vel an la awm si a. A buaithlak hle a, Consultative Committee pawhin kan Minister hovin hmanni lawkah an zu tlawh a, kei pawhin a hnuah ka tlawh leh a. Khutianga hmalakna lo awm tawh si, kal ngaihna awm tawh si lo, ran chaw pawh engmah pek chhunzawm awm tawh bawk si lo, karah khuan sorkar hian engmah sum te pawh a pualin a dah tawh lo niin a lang a. On-going Project anga kalpui zel, NLUP ah hian thun dan a awm thei em ? tih ka zawt duh a ni. Vawk vulh trade ah pawh a tha a, Ar pawhin a ngeih em em mai a. A scheme hrim hrima hi kalpui zel a nih loh pawhin chhungkua in vawmlut tawp tawh ho khu chu NLUP ah hian an zavai khuan Vawk vulhin emaw Ar vulhin emaw dah ni ta sela. Tichuan an kal leh theiin ka ring a. Chu chu min ngaihtuah sak thei angem ? tih kan zawt duh a.

A pahnihnaah chuan, Transformer hi Vety Department-in a dah ve a. Kumin kum thar tuk January ni 2 atang khan a eng tawh lo reng reng a. A chhan chu Vety. Department-in a maintenance charge P&E a an chhunluh loh vang a ni a. Chu pawh chu sum engmah khumi puala ruahman a nih tawh loh vang pawh a ni mai thei a. Tunah chuan maintenance charge kha an tlak tawh a. Kar hmasa khan an zuk en a, a chhia a siam turin a la chhova, tun dinhmunah hian Pu Speaker, engchen nge an thim dawn hriat a ni ta lova; mobile phone charge tur pawhin Sairanga an kal a ngai a, an inthawn luih luih mai a, an khawngaihthlak khawp mai a, nghah rei a ngaih lutuk te hi a hlauhawm a. Hei hi in han repair thuai thuai thei em ? tih leh repair hleih theih a nih tawh loh chuan Transformer dangte sorkar hian a ngaihtuah sak thei mai lawm ni tih kha kan zawt duh a ni.

**S P E A K E R** : Zawhbelhna Pu R.Lalrinawma.

**Pu R. LALRINAWMA** : Pu Speaker, kan zawhbelh duh chu Kawlkulh II Piggery Farm, Sairang piah a awm daih mai a khu, Sorkar hmasa remhriatna niawm tak a ni a. A hmun khu kawng atangin a hla em em mai a. Vawk vulhtu hei, tunah chhungkaw 25 lai mai an awm tih a ni a. Pawisa senso tawh a kha one crore chuang daih mai a ni a. An vawk thar chhuah a hi a awm leh lawi si lova. Khatiang sorkarin sum tam tak sen a, tute emaw dah khawm a, spoon fed (chawm) ringawt maia dah khawm mai a kha an fintlhak em ni? A tih tawp theih mai lawm ni? tih kha ka zawhna a ni a.

Tin, kan ti tawp lo rau rau anih chuan, Vety. Chauh ina hma lakna a ni a, sorkar hmasaah khan : Department dang Horticulture te, Agriculture ten hma lak ve an han tumin, Vety Department ta a ni a, hma lak phal loh thin a ni a. Khatianga Vawk vulh ngawr ngawr a eizawnna khu a bulah thlai te lo siam se, Horti ten hma la ta se, hlawhtlinna pawh an hmu tur a ni a. Vawk atang ringawt chuan an hlawhtling si lova. Chumi reng tura khutia dah khu a finthlak si lova, department dang ten hma an la thei lawm ni? tih kha kan zawt belh a ni.

**S P E A K E R** : A chhang turin, Minister ilo sawm ang.

**Pu NIHAR KANTI, MINISTER** : Pu Speaker, Supplementary zaghna Pu Duhawma sawi kha a dik khawp mai a, a bial anih vangin a ngaihtuahna a sawi a, lawmawm ka ti khawp mai, hemi Model Piggery hi sorkar hmasa tih a ni a. NLCPR fund hmangin din a ni a. A tum ber chu Development of sustainable for meat production leh self sufficiency niin meat production leh employment for rural people vangin a ding ta a ni. Amaherawhchu, an dil ang ang erawh chu a hlawhtling lo a ni. Kan Department enkawlna tur sum hi harsatna a awm a, Electric bill ringawt pawh Rs. 6,000/- aia tam thlatin pek a ngai thin a ni. Hei hi kan Department tan extra financial burden a ni a.

Tin, chubakah Model Piggery Village Kawkulh – II Sairang chungchang hi Consultative Committee ah pawh kan sawi tawh a. Khawtlang mipui te nen pawh meeting neih a ni a, an harsatna te pawh kan sawiho a ni. Amaherawhchu, hemi hi la ennawn leh tur a ni a. Financial decision a la sawi theih chiah loh a ni. He scheme hi one time grant a ni a, kan member zahawm tak hi a bialtu a nih angina min hriat thiam a ngai a ni.

Vety. Department-in thlatin bill erawhchu, kan pe vek tawh a ni. Engpawhnise, harsatna an neih erawh chuan ka lo enzui ang e. Pu Lalrinawma sawi pawh ka lo enzui dawn a ni, Pu Speaker, ka lawm e.

**S P E A K E R** : Starred Question No. 65 na zawt turin Pu Lalduhawma ilo sawm ang.

**Pu LALDUHAWMA** : Pu Speaker, Social Welfare changtu Minister zahawm tak chhan atan - (a) ICPS hi hman a ni ve dawn em ? (b) Children Home te enkawlna atana Dan hman engnge ? (d) De-Addiction Centre te enkawlna atana Dan/Regulation a awm em ? tih a ni e.

**S P E A K E R** : A chhang turin a changtu Minister, Pu P.C. Lalthaniana ilo sawm ang.

**Pu P.C. LALTHANLIANA, MINISTER :** Pu Speaker, West – I bialtu zahawm tak zighthna chhanna (1) Integrated Child Protection Scheme (ICPS) hman theih thuai tura buaipui mek a ni. (2) chhanna chu Children Home te enkawlna atan hian Juvenile Justice (Care & Projection) Act, 2000 leh Amendment Act, 2006 hman mek a ni. (3) na chhanna chu - A awm a, hei hi Central siam a ni a. Ministry of Social Justice and Empowerment, Govt. of India chuan manual of minimum standard of services for the Programme under the scheme for prevention of Alcoholism and substances drug abuse tih a nei a, chumi hmang chuan heng De-Addiction Centre te hi enkawl an ni tih kha ka chhanna a ni e.

**S P E A K E R** : Zawhbelhna - Pu Lalduhawma.

**Pu LALDUHAWMA** : Pu Speaker, Dan hman lai kan Minister zahawm takin a han tarlan te kha a copy min pe ve thei an gem? Tin, chutih rual chuan hmannia ka sawi kha .. inpek awm chuang silo ka tih kha ka la dawng lo vek a. A engamah khan ka hnen a la thleng lo vek a. Chu chu Pu Speaker, i hriat atan ka han sawi nawn leh duh a.

Tin, ICPS hi sum tam taka wm theihna tur, kan tana thahnem ngaihawm tak nia ka hriat a vangin “buaipui mek” tih reng mai hi a hun tawh lova, engtikahngé kan hman ve theih tawh ang? Kumin chhungah tih emaw, specific deuhvin min chhang thei em? tih ka insist hram a.

Tin, children Home te hi registration an tih bakah Social Welfare atang hian license hran a lak leh a ngai a, Social Welfare centre te a enkawl aia khirh leh close zawk a enkawlte an ni a. Chuti chung si chuan tanpuina hi engatinge an dawn tlem em em bik tih ka zawt duh a ni. De-Addiction te hian an dawng tawk tawk a, an lawmpui awm a. Children Home te hi ka hriatsual loh chuan an zavai atan hian nuasinga emaw lek tunah pawh hian/current financial year-ah hian pek niin ka hria a. Chu chu khauh zawk enkawl ni bawk si heta De-Addiction centre te Central lutuk loh zawk tena sum an dawng tha zawk reng hi itsikna lam ni lovin dawng tawh lo se tihna lam ni lovin, Children Home pawh hi hei aia nasa a ngaihsak theih a ni angem tih ka zawt duh a.

Tin, Women and Child Development Department hrang din kan sorkarin a tum kha engchen nge hmalak a nih tawh a, engtikah nge din a nih theih ang ? tih ka zawh belh duh bawk a ni.

**S P E A K E R** : Awle, a chhang turin Minister ilo ko ang.

**Pu P.C. LALTHANLIANA, MINISTER :** Pu Speaker, member zahawm tak thahnemngaih puina Department-in kan dawng hi lawmawm ka ti khawp mai. Session hmasaah he thil hi zighthna a lut tawh a. Sorkarin hei hi hman kan duh a, kan buaipui mek a ni tiin kan chhang tawh a. Chu chu vawiinah hian kan kalpui

mek a, kan scheme siamte a felhlel deuh a. Kan Department lam ten en tha turin min ti a. A tul leh tha tur anga an ngaih angin kan tifel thawkhat tawh a. Planning Department pawhin min pawmpui thlap tawh a.

Tin, he Scheme hi North East leh Jammu & Kashmir bik atan phei chuan 90% hi Central-in a tum tur a ni a. 10% hi State in a tum tur a ni. Chuvangin he thil hi scheme tha tak he ICDES kan tih ai pawha lian thei tura ngaih a ni a. Tichuan kan Department hotute pawhin theiawpin Project te an han siam a. Kan Project siamah chuan a tlangpuiin vaibelchhe nga leh point sawmsarih leh pakua a ni a. Tin, he ICPS hnuiah hian vawiina Home kan enkawl hrang hrang, Remand Home kan tih te, adoption of children kan tih te, adoption of co-ordinating agency kan ti ang chi hova kha, he ICPS hnuiah hian a la kal dawn a. Chutiang chuan he Scheme a hi a lian em em a, a tha a, chutiang anih rual chuan, employment atan pawh Zofate tan thil tha a ni dawn a. Hna tam tak hetiang lama special bik tan naupang enkawlna lamah te, kan nei thei dawn bawk a. Chuvang chuan tunah hian Finance lamin Financial concurrent min la pe fel chiah lo naa, Planning Department phei chuan go-ahead turin min ti a. Central chuan ‘kan inpeih e, in inpeih hun hun’ an ti a. Reiloteah MoU hi kan sign theih kan beisei a. Tuna kan Plan-ah pawh khan a hmingin token ang deuhvin nuainga te kha kan hand ah ve a, he scheme tha tak hi kan tihpuitlin theih ngei kan inbeisei.

Tin, De-Addiction Centre te leh Home te enkawl nana dah kan neih kha, Pu Speaker, member zahawm takin a copy a duh ang khan pek kan lo tum ang a, pe thei turah inngai ila a thain ka hria a.

Tin, Child Welfare Directorate hrana dah tumna a awm em ? tih leh Congress-in a manifesto-ah pawh a neih a ni a tih a ni a. Nia, hei hi kan House Leader zahawm tak pawhin a ngai pawimawh a. Nikum kan Plan budget-ah pawh khan Planning atanga year mark ngatin Child Welfare lam hi ngaih pawimawh ni sela, a tul angin hma lo lak nise tih te pawh hriattir kan nei a. Tunah hian Department lam chuan hemi atan hian engtinngé kan tih ang? tih te, eng angin nge kan siam ang tih te rawtna sorkara thehluh turin ngaihtuah mek a ni tih kha ka chhan theih dan ni mai sela tha awm e. Ka lawm e.

**S P E A K E R** : Tunah Starred Question No. 66-na zawt turin Pu K.Liantlinga ilo sawm ang.

**Pu K. LIANTLINGA** : Pu Speaker, ka lawm e. Hon'ble Minister, Health & Family Welfare Department ka zawnha Starred Question No. 66 na chu hei hi a ni e. (a) Health Department sum tam tham tak draw chhuah A.C.B. in an man tih kha a dik em ? (b) A dik anih chuan engzat amount nge a nih ? Tu mawhpfurhna nge ?

**S P E A K E R** : A chhang turin a changtu Minister i sawm ang. Pu Lalrinliana, Minister.

**Pu LALRINIANA SAILO, MINISTER:** Pu Speaker, Member zahawm tak Pu K.Liantlinga zawhna chhanna chu hetiang hi a ni e - (a) Health Department sum tam tham tak draw chhuah ACB in man an nei lo. (b) ACB in sum man an neih loh vangin amount zat leh mawhphurtu an awm lo.

**S P E A K E R :** Zawhbelhna zawt turin Pu K.Liantlinga i ko leh ang.

**Pu K. LIANTLINGA :** Pu Speaker, ka lawm e. Hei Health Department hi rin aiin a buarchuar a, crore 6.5 a bo kan hmu zo lo tih te a ni a. Cheng nuainga pek kir leh tih te, tin, cheng nuai 21 pek, inseum tih te leh nuai tam tak bo tih te Health Care tih te thil chi hrang hrang hi a tam hle mai.

Heng hi Crime a tling a ni. Criminal tling a ni a. Chuvang chuan Public ah an puang pawp zel mai a, action lak kan hre zui mang silova. Hetiangah hian, kan Health Minister hian engtiangin nge hma a lak zel tih leh hmuh chhuah a nih loh chuan Tehelka ah te khan George Fernandez-a Union Minister te pawh khanin Rs. 1,00,000/- (one lakh) inpek chungchangah pawh khan a nihna te pawh kha achawl phah hial a ni. Chuvang chuan thil serious em em hi a tam em em mai a. Tin, Press hmaah te sawi a ni thin a. Press hmaa sawi tumte pawh khan kan Chief Vigilance Officer te pawh an awm a, action lak mai theih awm a ni a. Hetiang hi bawhzui a nih si loh chuan a tih tawh loh theih em ? Mi tam tak tan hming chhiatna leh pawi thei a ni a, Mizoram mipui hi min tibuai a ni. Chungte avang chuan hetiang thilah hian fimkhur a ngai em emin ka hria a, chungah te chuan eng angin nge achangtu Minister te hian hmalakna a kalpui zel tih kha ka'n zawt duh a ni e.

**Pu LALRINIANA SAILO, MINISTER :** Pu Speaker, a zawhna kha a relevant lo deuhhlek a. Amaherawhchu, member zahawm tak ten taima t akin ram tan an rawn sawi a. Hriat chian a that ka ring a. ACB khan 4.1.2010 khan BHME kan ti a. Hei hi pawisa a bo a, tih ni chuang lovin Bank atanga an draw teuh mai a kha, engemaw tia zu kal an ni a. Tah chuan tuna kan han chhannaah hian “Man an nei lo” han tih deuh tawp a kha a ni a. Tin, a amount zat pawh sawi theih kha a ni lova.

Nia, tuna an sawi leh kha, kan Media te hi an chak em em a. Khawvel hmun hrang hrang leh Central a kan Media te angin Zoroma kan Media te hi an chak em em tawh a. Chuvangin an nin min zawh chuan kan Media te kan zah a, ram tana thawk an ni tho a. Chuvang chuan hemi cheng vaibelchhe 6 leh nuai 50 tiha pawh hi an nin document te an neih vek tho avangin a nih ka ring a, in zawhnaah khan kan hrilhfiah ang a. Ni e, Dt. 9/2009 khanin Central Under Secretary to the Govt. of India khan Health Ministry atang khan NRHM Director lehkha an rawn pe a. Kan sawi ang a. inphalnain, ‘Subject : Provisional for Construction of District Hospitals at Khawlzawl, Kolasib, Mamit, Saiha and Saitual in Mizoram at the cost of Rs. 232.31 crores tih a ni a. Sir, I am directed to refer to a letter No. D.11011/10 (D/07/17 MHS/3 Dt. 10<sup>th</sup> February, 2009 on the

subject noted above to say that an amount of Rs. 16.5 crore was released for State Civil Hospital at Aizawl during 2007. It is requested that the fissual and Financial achievements made against the fund released for a formation of Hospitals may pleased be intimated' a ti a. Kan Officer ten hemi Rs. 16 crore (vaibelchhe sawmparuk) hi kan release tawh si a. 2007-2009 ah . Hetah a sawi ang hian in hmanna rawn thehlut thla rawh ule, min rawn hrilh rawh u, an ti a, kan vai hian kan ni a, sum kan zu dil a, a petute hnenah. Hei hi min rawn hrilhfiah vat rawh u, an tih avangin an hmu si loh kha kan buai ta a ni. Chanchinbuah te pawh khan kan sawi lo thei lova. Cheng vaibelchhe sawm chiah mai kha kan dawnna kan hmu si a. Cash Book te Ledger te uluk takin kan han en vek a, an hmu si lo kha, lehkha ah a chiang si a, an buai ta a, an zawng an zawng ta a, chumi zawng na na na chu a bo a ni mai e, kan ti a.

Keini hian tumah hming hmerhrin kan sawi lova, chanchinbu February ni 11, a chhuak hrang hrangte, Electronic Media atang te leh National Rural Health Mission atangin Aizawl Civil Hospital tih changtlunna tur sum vaibelchhe 54.23 ruahmanah Ministry of Health &Family Welfare chuan cheng vaibelchhe 16.50 a sanction tih sorkar a rawn hriattir a. Chumi atang chuan vaibelchhe 10 sanction-na chiah hmuh niin vaibelchhe 6.5 hi sanction-na lehkhahmuh a ni ta love, tiin fimkhur takin Pu Speaker, ka sawi a ni. ‘Central hian a tisual palh nge, he pawisa hi a bo tih Central-ah kan zawt chiang mek a ni. Health Minister Pu Lalrinliana Sailo chuan a ti’ tiin a ziak a. Hei hi ka ziah dan chiah chiah a ni a. Helaiah hian tu hming mah tih mualphona, sawina a awm lo a ni. Chanchinbu hrang hrangah pawh tiang chiah chiah hi a ni. Chuvangin, tah pawh hian Central pawhin an rawn tisual ve thei a ni, ka la ti lawm lawm a. Chutihlaia mipui fuihpawrh ang zawnga thu a lokal hi hriatsual palh liau liauah ka ngai a.

Tin, ni 9<sup>th</sup> September a lehkhah kan hmuh chu ni 29 ah a hmasaber atan lehkhah kan zuk thawn thla leh ta a, ka hnenah an lo kal a, kan meeting pawhin chiang t akin zawt ula, hemi lehkhah atanga in thuhmuh atang hian he pawisa vaibelchhe 16 leh nuai 50 an rawn release ang a an sawi hi eng angin nge an rawn release a. Electronic – transfer nge ni a cheque - system-in tih te pawh zawt ula; tin, telephone pawhin ti rawh u, kan ti a, nangmahni pawh remchangah kal rawh u, ka ti a. Kei pawhin ka lo ti ang, ka ti a. Chuvang chuan hei hi midang han mawhpuhna leh chumi chuan a hmangsual tihna a awm lova, fimkhur takin Central pawhin an rawn tisual thei a ni, kan ti a. Tichuan, hmannah a bo hmuh a ni leh ta an tih a kan member zahawm tak tho, tun a miin an rawn chhiar chhuah pawh kha, hei pawh hi keimahniin correspondence a kan chhan a kan tih tawh hnua rawn thleng, tuna kan hnena awm lai mek a ni a, a la chiang chuang lo kan ti cheu a, a hmaa vaibelchhe 16 leh nuai 50 rawn release tawh a chiang taka sawi si, hei hi engtikah nge tu hnenah nge, eng angin nge an rawn tih kan zuk tih khan, an rawn ziah leh chuan ti hian a rawn ti ta a. “An amount of 16.5 crores has been approved for released through the SPIP during 2009 – 2010” SPIP tih hi State Project Implementing Programme tihna a ni a. It is requested that fructual position in this regard may be clarified along with detail statement of accounts etc. a rawn ti a. Tah hian a hun hi 2009 leh 10 inkarah kan rawn released tur a ni ti si khan 2009-2010 ah kan release tawh tih bawk si kha a la chiang lo kan ti ta cheu

a ni. Hei hi zuk ti leh rawh u kan ti a. Mahni pawh zuk kal rawh u kan inti a. Rawn sanction tak tak nge an nih, helaia kan hmuh si loh lai kha kan hun hmalam a ni bawk a. Helama kan lo hmansual lo anih chuan khulam kha kan charge ngam turah ngai ila, a Mizoram angin kan tanrual pawh a ngai zawk a. Hetianga an rawn phawrh chhuak pawh hi a lawmawm ka ti a.

Kan Media te hi an chak em em mai a. Internet te, Website ah an lut a, engkim an hmu zung zung mai a. An ni finchhuahna a tangin hetiang hi a lo chhuak a ni a. Ka sawi te, ka tawng te, ka fimkhur khawpin ka hria a. Tu hming mah leh tu pawl mah kha ka sawi lova, Central pawhin an rawn tisual thei a ni, kan ti ngawih ngawih zawk a ni. 21 lakh kha chu keima sawi chhuah pawh a nilova, contractor-in ka pe a, hna dang min pe leh rawh a tih atanga lo kal chhuak a ni a. Action lakk a ni em tih chu heng zawng zawng hi action lakk a ni a. ACB ten an chhui mek a. Thahnemngaia action lakk anih leh si loh chuan tih kha ACB ten an chhui mek tih kha kan sawi duh a.

**Pu B. LALTHLENGLIANA** : Pu Speaker, ka zawhna Aizawl Civil Hospital Building chhawng bo tih fo kha chhuichhuah a ni ta em ? tih Health & Family Welfare Department Minister chhan atan ka zawt e.

**S P E A K E R** : Chhang turin Pu Lalriniana Sailo a enkawltu Minister sawm ang.

**Pu LALRINIANA SAILO, MINISTER** : Pu Speaker, Pu B.Lalthlengliana zawhna chu - Anti Corruption Branch in an chhui a, an record bawhzuin PWD in Engineer John Rammawia hmangin he building sak dan hi enfiah mek a ni. Hei hi Health Department lamin kan hriat chin a ni e.

**S P E A K E R** : Starred Question No. 68 zawt turin Pu K.Liantlinga ilo sawm ang.

**Pu K.LIANTLINGA** : Pu Speaker, Hon'ble Minister, Minor Irrigation Department ka zawhna Starred Question No. 68 chu hei hi a ni e.

(a) Minor Irrigation Department hnuia hna hrang hrang awmte hi Tender thin a ni em ? (b) Kum 2000-2010 chhung hian Central sorkar a h detailed Project engzahnge thehluh anih tawh ? A amount nen min hrilh thei em ?

**S P E A K E R** : Chhang turin Minister Pu Liansailova.

**Pu H. LIANSAILOVA, MINISTER** : Pu Speaker, kan Member zahawm tak Pu K.Liantlinga zawnha chhanna chu hetiang hi a ni e. (a) Minor Irrigation Department hnuai a hna hrang hrang awmte hi tender a ni em? tih chu Tender a ni lo tih a ni. (b) Kum 2009-2010 chhung hian Central Sorkarah Detailed Project Report AIBP-te hnuai a Project 41 thawnha tur 41 thehluh a ni a. A sum senso zat tura ruahman chu 4732.83 maktaduaih a ni a. Tin, hemi bakah hian AIDP pariatna hnuai a Minor Irrigation 73 ah hmatak mek a ni a, a total estimate hi hemi BPR ang chuanin 78.765 crores a ni a. Kumin 2009-2010 chhung hian crores 45 hmang tura ruahman a ni a, a bang 33.7654 crores chu nakum 2010-2011 chhunga hman tura ruahman a ni tih a ni e.

**S P E A K E R** : Zawhbelh tawh lo mai rawh. A nih han zawt mai rawh.

**Pu K. LIANTLINGA** : Pu Speaker, ka lawm e. Zawhbelhna min phalsaka ka lawm e. Tender loh a ni a, khami Tender loh anihna chhan criteria a kha fel deuha hriat thani ka hria a. Tin, heti laiah hianin ka zawh duhna pakhatah chuanin kan sawi mai ang a.

Pu Speaker, a ram leh huan neitute in an chan a ni em? A huan neitute khan an thawk em? tih kha ka zawh belh duh a ni a. Huan neitute hian thawk sela, anmahni leilet tur leh an tuilakna atan hian a tha duh zawk a. Mi tam tak thawh tir vak hian a hna hi nikum hmasa lam pawh khan tha tawh lova hriatna avangin enge acriteria an hman lai taka kha kan hre duh a, kan zawt pah a nih chu.

**S P E A K E R** : Kan chhan tir duh angem member ten. Anih, chhang tawh lo mai se aw. Sorkarin tha ber tura ngaihin a ti a ni ang e tih kha pawm phawt mai ila, a tha ang e. Vawiinniah hian kan member te Pu Lal Thanhawla zin a lo la haw lova, Pu Hmingdailova Khiangte hi chhiat tawh vangin Kawnpuiah vuina atel turin a kal a, min rawn dil a, ka lo phalsak a. Midang chu kan kim a ni awm e.

Tunah chuan Minister zahawm tak Pu S.Hiato-in Multipurpose building a kan thu ah Business Conduct Rules 60 na angin Statement pek a rawn dil a. Dan ang thlapa dil anih avangin admit a ni a. Chu hun chu hmang turin Minister zahawm tak ilo sawm ang.

**Pu S. HIATO, MINISTER** : Pu Speaker, Multipurpose Hall, Tourist Lodge, Beraw Tlang hi Aizawl ah pawh kan neih that pawl tak a ni a, hemi kangral ta chanchin report pek hi pawi ka ti khawp mai a, mahse, pek min phalsak avangin ka lawm e.

Multipurpose Hall, Tourist Resort, Beraw tlang hmanlai mek chu nimin 23.3.2010 chhun dar 12:30 A.M. khan vanduaithlak takin a kang a, a chhung chu a kang chhe hneh hle a, Hall chhung bungrua, thutthleng, dawhkan, sound system, air condition te engmah chuh hman lohin a kang ral vek a ni. Multipurpose Hall hi Re structure niin a chung rangva a ni a, a bang leh a ceiling chu sound proof panel chhuah vek a ni. Hengte hi kangral vekin a chung rangva pawh a kang chhe hneh hle a ni. Tin, Steel beam pawh pahnih chu a kawi vek a ni. Multipurpose Hall hnuiah hian Staff Quarter lian vaklo pathum a awm a, kangmei chhuah lai hian tumah inah an awmlo hlauh mai a. Tourist Home lamah staff ho hi an awm vek lai niin, cafeteria pakhatin a nghak a ni a. Cafeteria a nghah lai hian puak ri a hria a, tlanchuak nghalin Multipurpose Hall khu leh kang chu a zuk hmu hman a ni. Nimin khan Hall hi tumah hmang an awm lo hlauh a. Kalh a ni a, Multipurpose Hall hi Tourist Resort Beraw tlang ti changtlungtu pakhat ani a. Meeting, Conference, Seminar, Workshop atana sorkar leh pawl hrang hrang ten an hman tangkai em em a ni. Pu Speaker, Multipurpose Hall hi Bangladesh leh Myanmar conclave kan neih lai pawha kan hman kha a ni. Tin, thalai te pawhin programme changtlung tak tak he hmunah hian an buatsaib thin a,inneih lawman reception atan pawh hman thin a ni. Multipurpose Hall hnuiah hian Staff bungruate hi thiар chhuah hman vek a ni a. Kangmei lut ve hman lo mahse building tui far lut repair-na atana hman alkatra kang farin hmun thenkhat lai a luan a. Tin, a chung kangin ceiling hmun thenkhat lai a tipuar nasa hle bawk a ni.

Kangmei chhuah tan dan hi hriat a la nil ova. Rin dan chuan electric short circuit atanga intan a niin a lang a ni. Tourist resort, Berawtlang a staff te report dan chuan zinglam atangin current hi mumal lovin a sang leh vak thin a ni an ti. Multipurpose Hall hi 24 March, 2006 khan hawn a ni a. CSS hnuiai sak niin he building sakna atan hian cheng nuai 49.68 sanction hmuh a ni a. Hall seating capacity hi mi 200 that theihna a ni a. He Hall ah hian assets Reception, Lounge leh Dinning Room te a awm a. Heng chhungte pawh hi a kang chhe hneh hle a ni.

Multipurpose Hall hi a kang tih hriat anih veleh Fire and Emergency Service phone nghal a ni a. Rang takin a hmun rawn thlengin kangmei hian nasat lam a pan zel hmain an rawn thelh hman a. Tlin taka hna an rawn thawhnaah hian lawmthu kan sawi takmeuh a ni. Tin, Bawngkawn Police Station atangin SDPO leh a naute rang takin an rawn thleng a. Anni pawhin kang thelh hna an rawn thawk a. An chungah lawmthu kan sawi bawk a ni. Aizawl S.P. pawh a hriat veleh a rawn tlan nghal a, kan lawm hle a ni. Lungbrial YMA Section an fakawm hle a. YMA ze hlu tak tlawmngainhain Multipurpose Hall hi keinin a kang tih pawh kan hriat hmain an thleng teuh hman a. Huisen takin bungruate thiар chhuakin kang thelh hna an thawk a. An zarah chhiatna nasa tak kan pumpelh a ni.

Hei mai hi ni lovin kan Staff te bungrua leh Office bungrua te a dahna turah felfai takin Police te nen thiarin an dah fel thlap a, Lungbrial branch YMA hi an fakawm hle a, tin an tlawmngainhain hi keini department chuan kan hrereng dawn a ni. Zemabawk V/C, YMA leh mipuite leh midang kangmei thelh

tura lokal te chungah lawmthu kan sawi bawk a. Power & Electricity Department leh PWD official te pawhin a bula lokalin thelhin min tanpui a, kan lawm em em a ni. Bungrua chhia leh ral hriat theih chin chu a building Civil Work chhiat dan leh a hlutna hriat theih chin chu tiang hi a ni. Furnishing sound box leh thutthleng zawng leh thil dangte chu nuai 26.20 vel hi kang chhiain kan hria a. Tin, Civil works ah hian nuai 71.13 a vaiin nuai 97.33 a chhiain kan hria.

He In hi Pu Speaker, repair tlak a ni dawn nge dawn lo keini inkhan sawi thei lova, mithiam technical lam mi ten an en anga, repair tlak a nih loh phei chuan nuai 97 hi senral a ngai dawn a ni. He building a kang tih kan hriat veleh kei pawh ka chho a, kan building tha tak kan lo chuan ve em em kang hmuh hi hrehawm kan ti em em a, mahse, tihngaihna a awm ta lova, pawi kan ti a, he thu hi House zahawm tak leh kan member zahawm takte min hriatpui turin ka rawn report a ni e. Ka lawm e.

**S P E A K E R** : Sawiho tur a nilova, tikhan statement kan ngaithlaa a pawi hle a ni. Tunah short duration discussion kan dan 55. leh 56 tein a phalsak ang khan kan la hmang dawn a ni. Pu Lalduhawma, member zahawm tak hnen atangin dan ang thlapin short duration discussion a rawn putluhna kan hmu a, mipui tana thil tangkai, thil hmanhmawh a nih vangin, thildang kaihhnawih vak lova a pawimawh lai chiah thui lutuk lo a sawi turin member zahawm tak Pu Lalduhawma ilo sawm ang.

**Pu LALDUHAWMA** : Pu Speaker, ka lawm e. March, 19, 2010 khan Ramhlun Vengchhak Branch K.T.P. te chu Chanmari kawi Li Tlawng luiah blan ket suin an hnatleng a. Vanduaithlak takin he liah hian mi 2 an lo tlahlum leh ta a ni. Helai vel Tlawng lui dungah hian a fur a thalin tui tla an awm ren ga. Nunna hlu tak tak 100 tel chan a ni tawh a ni. Chanmari kawi Li ah ringawt pawh hian mi 40 chuang zet an tla hlum tawh a hriat a ni. Sairang, Dinthar, Sihhmui leh Aizawl veng hrang hrangte tuitla buaipuiin, a chang phei chuan ni engemaw zat chhung chhun zan zawmin ruahpui leh thosi karah ei tur mumal nei lo leh hmanrua sawi tlak nei lovin kum tam tak an lo phili buai tawh thin a.

Chuvangin, nunna kan chan belh zel loh nan sorkarin heng a hnuua mamawh chi hrang hrang te hi a rang thei ang bera a ngaihtuah ka ngen a ni. (1) Rubber boat te hi 1 tal, hei hi tuitla han zawn velna atana lawngleng te hi mi 2 vel chuan theihna a ni. (2) A dang lehah chuan life jacket 10 tal. Heng hi India siamte a awm a, foreign siamte a awm a. YMA in hman ami neihsa an nei a, a chhe em em tawh a hak ngam pawh a ni tawh mang lova. Hei hi tuitla zawn nan a tul ngawih ngawih a. Tin, Generator 3, Dintharah 1 Sairangah 1, Sihmmuiyah 1 awm sela, chu chu zanah thim tham hnuua tuitla zawn anihin mipuiin an mamawh thin a, chumi atan chuan mamawh a ni a. Tin, tuichunga lang thei hruizen - hei hi mamawh tak a ni bawk a. Tin, liluh nana hman tur oxygen equipment mamawh a ni bawk a. Tin, tui chhunga hman chi Torchlight 3 dozen vel emaw t al awm thei sela. Tin, ruang zawnna tur hi, tawih tawh lamte anih phei chuanin a buaithlak thei khawp mai a. Chuvangin stretcher engemaw zat awm bawk sela. Tin, ruang

sawngbawlna tur hian kutkawr thahnem tawk tak pek niselangin, a chhan chu ruang tawih tawh te han ham bawrh bawrh te alo ngai a, contamination te pawh alo awm theih thin avangin, khangah khan tlwmngaite pawhin an han bun turin hei hi a tul viauva.

Tin, hmannia tuitla hnuhnung ber kan neihah khan an sawi dan chuan “Oxygen kha chu a bur han phurh mai tur veng chhungah chuan awm se, a thi lo ang a” an ti a ni. Chuvangin Oxygen bur khat hi chu khawimaw laiah khuan awm ve se, chu chu mamawh zuala han inpek that mai tur awm se, nunna engemaw zat kan chhan hman a rinawm bawk a. Heng hmanrua chi hrang hrangte hi sorkarin tih tak taka min tihpua V/C emaw, YMA emaw kutah dah ta sela. A chang chuan khaw sarih khaw riat te zan khaw tlaivarin mitthi ruang zawngin kan kal khawm thin a, a hautak em em mai a. Hei hi tangkaipui tur a nih avangin ka han sawilang duh a ni a. Pu Speaker, a tawp berah chuan tuna an tlakna hnuhnung ber Chanmari Li ah hian mi 40 vel an tlahlum tawh a ni.

Tin, Chengkawl Lui an tih Tlawng lui fintuah hian luite a ni nain Li vir a awm a, mi pali vel an tlahlum tawh bawk a, khatiang bik accident prone areas kha a awm ve ani. Transport Department-in Inland Water Transport hmanga luidung siamthat hna an thawh pah te khuan lungpui lian zualte khu han bomb darh nisela, khatiang hlauhawm zualte pawh kha han hria se, accident pawh a tlem phah ka ring a. hengte hi a tute tan pawh thil tul a nih avangin ka rawn raise a ni e. Ka lawm e.

**S P E A K E R :** Kan ngaithla zo ta a, hemi chungchanga a changtu Disaster Management lam changtu Minister-in han sawi ve duhte a nei em? hun lo pe ila

**Pu NIHAR KANTI, MINISTER** Pu Speaker, ka lawm e. Kan member zahawm takte thusawi kha lawmawm ka ti khawp mai a. Ka Department chan a nih angin tawite kan sawi ve ang e. Disaster Management and Rehabilitation Department chuan chhiatna thleng thei laka mihring chhanchhuahna tur thahnem tak ruahmanna an nei tawh a. A bikin tuitla, Inflamable boat - 2, life jacket 1, leather suit complete set 1 lei a ni tawh a. Tin, hengte hi Deputy Commissioner, Aizawlah a tul anga hman turin dah a ni tawh a. Tin, Under Water Torchlight lian leh a te Deputy Commissioner, Aizawl hnenah pek a ni bawk a. Hengte hi a tul huna hman theih mai turin Deputy Commissioner, Aizawl hnenah a awm a ni.

Tin, ATI Disaster Management Cell te leh Sairang YMA tangkawp nen kum 2008 khan Tlawng luiah tuitla chhanchhuah dan practical training an lo nei tawh a, la neih leh zel pawh tum a ni. ATI Disaster Cell leh Sports & Youth Services tang hovin training centre-ah practical training on search and reserved an lo pe tawh bawk a ni. Disaster Management and Rehabilitation Department chuan Tlawng, Turial etc. tuitla te zawnna atana tangkai tur, len lian te pawh a lei tawh a. Hengte hi Sairang leh Tuorial YMA te hnenah pek an ni bawk.

Nikum June thla khan UNDP tanpuina atanga an sum hmuh atangin D.C. zawng zawng hnenah chhiatna thleng thin a hman atan thahnem tak Disaster Management and Rehabilitation chuan a lo sem chhuak tawh a ni. Hengte zingah hian Inflammable Tower light leh Generator pawh a tel a ni. Current awmloh lai te leh tui bula hman tur an telh a ni. Tin, hruizen, leihlawn, tracer, helmet, etc. te pawh complete list a tel vek a ni. District, Emergency Centre D.C. Office-ah te sak zawh vek tawh a ni. A tul anga D.C. phalna lakin thawh theih a ni.

Tin, veng tinah Disaster Management Committee V/C te kaihhruaina hnuia din a ni bawk a. Govt. of India chuan Natural Calamity, Cyclone, khawkheng, lirnghing, (earthquake), kangmei, rial den, Tsunami, leimin, vur tawlh, ruah bawhawk, rannung puang, a chhuah hian tanpuina relief assistant a pek theih a ni. Mahse, Mizoramah hian, tuitla te, thingkung atanga tla te, kumtinin an awm thin a ni. Tunah hian Disaster Management Act, 2005 a tarlan angin State Disaster Management chuan a tul ang tanpuina pek turin a ngaihtuah mek a ni. Pu Speaker, ka lawm e.

**S P E A K E R :** Le, Sairang te, Tuirial lei kai chhak lawk, hlauhawm bik tak, tlak hlum lehna thin te, hetiang hi a bik tak hi a awm miau thin mai a. Tunah Minister Pu P.C. Zoram Sangliana a sawi duh sawi turin kan sawm anga, chumi hnuah House Leader kan sawm ang.

**Pu P.C. ZORAM SANGLIANA, MINISTER :** Pu Speaker, Aizawl West – I bialtu MLA zahawm takina kan rama chhiatna kan hriat lar em em mai, a bial chhung a chhiatna thleng chungchang a House, Information pek pah leh sorkarin a hma lakna tur te sawi chhuahna hun remchang i pe hi lawmawm ka ti khawp mai a. Nichina a rawn sawi point hrang hrangte leh Minister in-charge-in a rawn sawite han ngaihthlakin sorkarin hma a lo lak tawhna te, engemaw chen awm bawk mahsela, Department pakhat angin a point hnuhnung sawi tum tak ber iti mai ang, a rawn sawi ang khan IWT kaltlanga hemi Inland Water Transport Bairabi - Sairang inkar a hma lak chhohna mekah pawh hian heng lungpui khawkrawk te leh suar chhia te leh a hlauhawm zual lai livir in a siam thin ang zawng zawngte hi hna hmasaa neih kan tum pawh an ni a, tunah hna hmasa kal mek a awm a. Chumiah chuan khulai bawr tak khu la cover kim loh lai a ni a. Second Instalment nghah mek a ni a. Kan hmuh vat kan ring a, chumi a lo thlenah chuan heng ang lai te hi tih tum a ni a.

Nichina kan rawn sawi ang khan heng thil chi hrang hrang Generator, han tih te, Sairang khua atan chauh ni lovin, Hortoki atan te, Bairabi te thleng pawh hian tuitla hi kan buaipui em em vek thin a ni a. Mi tuia an lo tlak chuan lui dung tluan khuan kan inzar pharh a ni a, YMA te zingah vawi engemaw zat tui thiamlo nimah ila, tawiawm tute zingah ka lo tel ve thin a.

Nichina member zahawm takin a rawn sawi ang khan a rawn sawi zawng zawngte kha thil mamawh a ni a. House hian kan hriatpu a. Disaster

Management Department lo hmalakna mai kha atawk zo tawh lo a ni tih kei ka pawm dan a ni a. Heta D.C. Aizawl hnena dah daih khan mi an lo tla hman tawh si a. D.C. Office ah ni lovin Sairang YMA ah te, VCP ah te Hortoki ah te, Bairabi ah te, khang ang mamawh an sawi chi ang a kha kan chhawp a ngai a ni. Awlsam taka inchhan theih mai niawm hian tui thiam ten an sawi thin a hi a tih tur lam hi kan tih thin loh vang ni te pawhin a lang a. Chuvang chuan kan Department bik ang chuan hemi Inland Water Transport (IWT) hmanga hma kan han lakna turah pawh hian hengte hi kan hmalakna hmasa tura kan dah a ni tih kha remchangah han la ila, vawiinah ka Demand sawi dawn tho mah ila, member zahawm tak khan a rawn beisei lai kha anih tel avangin House information ka pek pah nisela, chu chu kan sawi tel duh a. A pawimawhna kha tul ka tih zia ka rawn sawi tel duh a ni e. Ka lawm e.

**S P E A K E R** : House Deputy Leader Pu R.Lalzirliana ilo sawm ang.

**Pu R. LALZIRLIANA, MINISTER** : Pu Speaker, ka lawm e. Tuna Member zahawm tak Pu Lalduhawma'n helai Sairang vela kan mamawhte chhiat kan han tawh nia kan hriatchhuah thin, amaherawhchu, chhiat tawh loh lai chuan kan hriat leh lem loh thin te a rawn sawichhuak a, a lawmawm khawp a. Hei hi thawk khat deuh lai khan CLP (Congress Legislature Party) ah pawh kan lo sawi tawh a. Amaherawhchu, bawhzuina hetiang ang Picnic te, a picnic zawng zawng hi kan tlak thin loh avangin kan lo mangnghilh ve deuh bawk thin a, kan lo ti lova, kha Disaster Management Department khan an lo buaipui ve nual tawha. Amaherawhchu, a kimchang lo deuhvva, kha aia tam zawk kha rawtna ang hi kan ti thei lo anih pawhin hetiang ang dungzui deuh hi chuan tih kan lo tum ang a.

Tin, kan han hriat ang khan Oxygen te phei hi chu a pawimawh khawp mai a. Kum khatah bur khat pawh kan hmang hman lo mai thei a. A danga pawimawh zuala an lo pawt te anih loh chuan. Chuvangin, hengte pawh hi neih dan kawng ngaihtuah nisela.

Sairang luidung khumi Tlawng lui dung zawng zawng a khaw awmah khu chuan tum khatah hi chuan kan ti thei lo turah ngai ta ila. Tin, mipui ina kan harsat zualna ber Tlawng, Sairang, Aizawl atanga kan thalaite Aizawl atanga zuk kalna phak, khulai khu a ni deuh bik a. Chungah chuanin a hmanrua kan neih ang angte hi D.C. Aizawl-a dah daih lovin, khulaiah sorkarin a la ngaihtuah ang a, CLP a kan han ngaihtuahna ah kha chuan kan Police te hi khulaiah Police Station kan nei bawk a, chungah te chuan dah nisela, khulaiah deployment siamin, kan han dah tur Police te pawh hi tuithiam zual deuh deuhte pawh khulaiah khuan dah nita sela. Vantlang tan hianin thil danga an tangkai bakah, an tangkai zual angem tih te pawh chu ngaihtuahna kan lo nei a ni. Chuvangin, Aizawl D.C. in a kawl tih te pawh kha arang thei ang berin lakchhuah dan kan lo zawng anga sorkarin khulamah dah dan kan lo zawng ang e, tih kha ka sawi theih ni rawh se.

**S P E A K E R :** Member zahawm takin Short Duration Notice tura a rawn putluh kha ka hria a. A pawimawhzia leh a hmanhmawhthlak zia te pawh. Tin, sorkar lamin hma an lak dan leh hmalak zel an tum dan te pawh kan lo ngaithla ta a. Sawihona dang neilo ilangin vote lakna tur chi pawh a ni chuang lova. Tihian duh tawk tawh mai ang aw. Tichuan, business dangah kal ang.

Vawiina kan business pui berah kan lut tan dawn a. Vawiin chu Demand kan la ang a. Kan business a a lan angin Minister 3 te Demand kan la dawn a ni. Vawiina zawh nghal tur a ni ang a. Minister pakhat Demand lak a pass nghal zel tur niawm tak a ni a. Mahse, kan tihdan angin hun kan heh loh zawk nan an pathum hian la kawp leh mai ilangin, min pawmpui thei em? a pathuma lak kawp kan remtih chuan a lawmawm e. Kan Demand detail-a a lanna kha Bulletin Part – II No. 9 ni 22.3.2010 ah khan member te kha kan rawn sem tawh che u a. A hrampain kan sem leh d awn tawh lo a ni.

Awle, tunah Pu P.C. Zoram Sangliana, Minister zahawm takin a Demand No. 18, 23 leh 42 te hi House-ah rawn submit sela.

**Pu P.C. ZORAM SANGLIANA, MINISTER :** Mr. Speaker sir, On the recommendation of the Governor of Mizoram and with your permission sir, I moved the demand No. 18, 23 and 42 for Rs. 42 crore 13 lakh 12 thousand only for meeting expenses during 2010 and 2011 in respect of the following departments. Demand No. 18 Printing & Stationery amounting to 10 crore 4 lakh 34 thousand. Art and Culture - 6 crore 29 lakhs 35 thousand. Demand No. 42 Transport - 25 crore 79 lakhs 43 thousand. Total Rs. 42 crore 13 lakh 12 thousand only. Thank you sir.

**S P E A K E R :** Awle, tunah Pu J.H. Rothuama, Minister zahawm takin a Demand No. 6 leh 37 House-ah rawn submit ve leh sela.

**Pu J. H. ROTHUAMA, MINISTER :** Mr. Speaker sir, On the recommendation of the Governor of Mizoram and with your permission sir, I moved the Demand No. 6 and 37 for Rs. 25 crore 58 lakh 94 thousand only for meeting expenses during 2010 and 2011 in respect of the following departments - Demand No. 6 Land Revenue and Reforms, amounting to 14 crores 71 lakh 29 thousand. Demand No. 37 Cooperation - 10 crores 87 lakh 65 thousand. Total 25 crore 58 lakhs 94 thousand only. Thank you sir.

**S P E A K E R :** Tunah Pu Nihar Kanti Chakma, Minister zahawm takin a Demand No. 30, 34 leh 41 te House-ah rawn submit ve leh sela.

**Pu NIHAR KANTI, MINISTER** : Mr. Speaker sir, on the recommendation of Governor of Mizoram and with your permission sir, I moved the Demand No. 30, 34 and 41 for Rs. 54,35,00,000/- for meeting expences during 2010 and 2011 in respect of the following Departments - Demand No. 30 - Disaster Management & Rehabilitation Rs. 10,70,45,000/. Demand No. 34 - Animal Husbandry & Veterinary Department Rs. 34,77,88,000/- and Demand No. 41 - Sericulture Rs. 8,86,67,000. Total - Rs. 54,35,00,000/- Thank you.

**S P E A K E R** : Awle, Minister pathum ten House-ah an chan Department te Demand an rawn submit ta a, kan sawiho dawn anga. Member tin te minute 10 inpe mai ila tha kan ti em aw? A tha ang maw?

Kan hriat ang khan vawiinah hian zawh ngei ngei tur a ni a. Member ten sawi tur in ngah chuan a hnuah a changtu Minister in an han wind up ve anga an han highlight ve leh ang a. Chutih laiah chuan a tawp hun an hman kha Minister pathum an ni a. Dar 10 hmalamah te chuan zawh tum ta ila, an zo tlai deuh dawn a nih chuan Minister pathum chuan pum ruak chuan min dah lo ang chu maw, ti leh ringawt ila a tha awm e.

Tunah tunge han sawi hmasa dawn le? Minute 10 kan inpe ang a, minute 9 ah bell an han hmet anga, chutah chuan members ten thuawi takin tawp vat in tum dawn nia.

**Pu LALDUHAWMA** : Pu Speaker, tun tum hi sawi hmasa tur kan inhmu zo lo ziah mai a, a mangan thlak deuhin ka hria. A engtik hunah pawh hian ding ila, kei chu ka sawi tur hi a in ang vek mai a. A bul ka'n tan leh mai ang e.

Demand No. 34 - Animal Husbandry ah hian han sawi tan ka duh a. Nichin lawk khan kan sawi kha kan hriatna a la thar lam laiin han sawi zuite pawh thain ka hria a. Ka bial chhunga Piggery Village, Kawlkhul II Sairang ni tlat bawk si kha, a location te, a scheme engkim mai khu fuh lo tak a ni ringawt mai a. Amaherawhchu, anih ang anga lo ni laklawh tawh si a. Chhungkua khuti zat kan khakh khawm tawh si a. A tihnum hram hram dan hi a awm em tih hi zawn a ngaiin ka hria a. Khumi ram khu Chawilung ram a ni a. Chawilung chu ram buai lai khan Sairangah khawm a lo ni ta a. Tichuan 2008 kum khan a area leh a ram te Chaltlang hnuia awm tawh lovin Sairang hnuia awm turin Sorkarin Gazette Notification a siam fel tawh nghe nghe a ni.

Tin, ram an pek khu a zim khawp mai a. Chhungkaw pakhat khuan tin chanve hmun vel theuh an neih bakah reserve ngaw hmun hniah an siam a. Han hawi vel khuan thui lo te chin khu an ram chin a ni mai a, a bak chu mimal huan leh ramin a khat vek a. I pek belh ang u, pawh ti dawn ila, ram khu pek belh ngaihna vak pawh a awm tawh lo a ni. A kawng khu MIP (Mizoram Intodelh Project) sum atanga laih sak a ni a, a chhak leh deuh, Thingfanghma Farm thlenga

laih a ni a. Amaherawhchu, maintain zui a ni tawh lova. Thal lai pawhin Motor nem ngai lai te a awm a. Hmannia kan kal pawhin kan in nam ngat ngat a ni.

Tin, School hi a awm lo reng reng a. Chhungkuu han awm tak tak dawn pawhin School hi a awm loh chuan tupawhin harsa kan ti vek ang. Thil chiang lo tak ka dawnah chuan School a awm lo naa, zirtirtu khumi school hminga hlawh la an awm a ni tih hi mipuite hriat dan deuh a ni a, source chiang takin ka dapchhuak thei lova. Chungte pawh chu a department concerned lampangin lo bengvar thei se chuan a lawmawm hle ang a, thil dik lo a ni a. Quarter 7 a awm a, a ruak vek a, tuman an luah ngai lova. Doctor quarter chenin a a wm ve thliah a tunah khuan VFA pakhatin a enkawl a, chu pawh chuan a riah chih chuang lo, riahchilhtu chu Chowkidar a ni a, Vawk injection-na te nen Chowkidar kutah te an dah a, Chowkidar in a jection ngam chuang si lova, tichuan enkawltu lamah pawh an tlachham em em a ni. Vawk note hi 2007 thleng khanin, tuna kan Home Minister zahawm takin hmania a zawhna an chhan naah chuan 2002 vela a din kha a ni a, 2007 thleng khan Vawk note 152 kan pe tawh an ti a, chu chu chhungkaw khat tan vawk note 5 a ni a, vawkte 5 kum nga chhung atana pek a, dingchhuak rawh u intih kha chu a huphurhawm len lawn hle a ni. Chutiang chu a ni. 2008 ah hian Vawkte pawh an pe tawh lova, Wheat vai leh Atta pawh an pe tawh lova, an awm ta tlawk tlawk a ni.

Tin, a vawk vulhtute awmna tur quarter, chhungkaw 30 tan an sa a, Vawk In 30 bawk an sa a, repair te a ngai tawh tan a. Khumi an Vawk In sak khu a contractor hna a that loh avangin a cement plaster-na khu a chhe em em mai a. Wawkin an han nawr ta a, tichuan balu nawi leh cement nawi kha an liak ta a, an lem ta a, kum khati chen Vawk an vulh tawh a, vawk a tha duh lo, khulai ram khu wawkin a ngeih lo emaw ni le? tih phah hial turin an awm a.

Amaherawhchu, an han en chhin zel a, khami Vawk In plaster-na cement leh balu nawi an lo liah thin kha Vawk hian an lo ngeih lo a ni ang tih an ring ta a. Mizo tihdan pangngaiin Vawk In an tikang a, an han dawh kang a, a tha ta em em si a. Wawkin a liah khawk theih mai mai loh turin repair sak kan traditional method-a sum tlemte pek a, tih tir leh mai te pawh a tha zawkin ka ring a. Ar erawh chuan an ngeih em em bawk a, ran vulhna atan, NLUP Trade-ah te hian an zavai hian han lut mai se chuan, a department ina buaipui em em lo hian an ding chhuak ve theiin ka ring a.

Khulai thlang lawkah khuan 2 lane kawngpui a lo chhuak mek a, 4 lane in khulai area khu a tan tlang dawn bawk a, tin, rail kawng khu a hla lo hle dawn bawk a, khulai khu hmun pawimawh a ni dawn a ni. Ran vulh kher lo pawhin huan thlai hmanga eizawn nan pawh dinchhuahna remchang a ni dawn a, khua a lo awm ta sa sa tih puitlin ni thei se a thani ka hria.

Tin, Transformer chungchang nichinah ka sawi tawh a, zawhna hunah khan. Minister zahawm tak khan min chhang tawh a. Department-in Transformer chungchange an sum sen kha tam viau angin min chhang a, a tam miah lova. A maintenance charge chauh department hian a pe a, a bill chu anmahni chhungkuu ten an chawi vek a ni. Chuvang chuan department-in a tum ve tur chu a

maintenance charge chauh a ni a, khangte lehzel pek sak loh avanga rei tak han thim te kha chu humanitarian ground hrim hrim atang pawh hian mipui rawngbawltu kan nih chuan mite ber thleng pawhin khaw rethei ber leh kilkhawr ber pawh hi kan rilruah a awm tur a ni a, kan ngaihsak tur niin ka hria.

Tin, Management Committee ah te pawh DVO (District Veterinary Officer) te Chairman-ah an tang a, an ngaihsak em em a. Official lam chuan an enkawl tha hle a, an rilruah pawh an khawngaihin ka hria a, lawmawm ka ti a.

Tin, nichina rawtna lo awm ang khan, khulai area ah khuan chutiang anga rail kawngte 4 lane te a lo chhuahna tur khawpui hnai si, market ban phak mai a awm, thlai lampanga kan intodelh theihna tur anih avangin Minor Irrigation Department nen hianin tang tlang thei se, kan Minister zahawm tak pawhin khati zawng khan lo ngaihtuah thei sengin ka'n duh tel a, a demand a ni lo nain. Hman deuhah khan Minor Irrigation-in a zuk survey vek tawh a, term hmasaah khanin, tui lak tur te pawh a tha a, a ram a tha si a, chutiang anga in coordinate-a thil tih tum kha a ni a. Pu Speaker, minute 8 emaw chiah a nia ka la sawi.

**DEPUTY SPEAKER** : Minute 8 khi minute khat ila nei. Minute 15 kha Group Leader kan pe a mi, chuti anih chuan carry on.

**Pu LALDUHAWMA** : Pu Speaker chuan, Minor Irrigation-in phur t akin hma an lak lai khanin a Vety. Department atang khan Official lam nilovin, khatih laia a changtu Minister khanin a ti tawp a ni, an ti a, a tak nge dawt ka hre lova, uiawm ka ti hle mai. Chuvangin, Vety. chauh nilovin Minor Irrigation te nen Horticulture te a theih ang angle nen khulai ram khu bawh tlana, tih puitlin a khaw lo awm tawh sa khu ran vulh kher lo pawha dinchhuahna tham tura siam a, huan tha tak tak siam nan a tha hlein ka hria a, nakin deuhah te phei chuan sub V/C te, Retailer te pawh nei vein, khatiang khan an la inbengbel ve thei turah kan ngai a ni.

Pu Dy. Speaker, a pahnihnaah chuan Demand no. 6 ah hian Land Revenue & Reforms ah hian kan lut ang a. Ram a lo buai khan khaw tam tak an khawm tak rup rup avang khan, mipui khatianga khawm rup rup te kha a rem remah ekbeng anni ta a. Mimal ram nei zau deuh deuh huanah te in an sak tir ta mai mai a. Chutiang chu tun thleng hian a la awm a, ka bialah te ngei pawh Sairangah pawh khuanin tuna kan VCP ramah khuan chhungkua 50 lai an la awm reng a ni, luah man chengkhat mah dawng lovin kum 42 vel an awm tawh a ni. 1968 atang khan, a ram neitu tan chuan dik chiah chuan a na a ni. Han hnawtchuak dawn se, Mizo leh Mizo kan ni a, a theih si loh, an hnen atang khan a luah man la dawn se a dik chiah si lo. Sorkarin engmah a ti bawk si lo. Chutiang chu Mizoramah hmun engemaw zatah a la awm a. Hetianga a neitu dik tak pawhin a khawih theih tawh loh midangin neitu nihna chang chuang silo a, an luah tak reng hi sorkar hian a acquire thei law law mai lawm ni? Acquire ila, duh leh a tlan te pawh tlan ve se, a chhungkua te khan In hmun atan te pawh a thlawn ngawt lo pawhin. Tichuan, Mizo tlawmngaihna hmanga mi chhiat tawkte lo tuam hlawmtu/ram lo

petu pawh kha dawng lutuk a siam lovin, a tawpah lukhawng tlem tal hmu ve thei tura siam nise a tha hlein ka hria a ni.

Cooperation-ah hian kan lut leh zawk ang a, 37 naah hian, NLUP Sorkarin a programme pui bera a neihah hian a hmala tu Department an han ziak thliai thliai a, Corporation hi a fel tlat lo mai a. Hei hi a pawh ka ti a. Co-operative movement hi kan ngaisang a, Ram tih changkanna atana pawimawh tak a ni tih kan pawm theuh a. Manifesto ah pawh kan ziak theuh si a, flagship programme ah ber hian engatinge hmaih a nih le? Thil a la tih theih a, engmah a la tlai lova, sum pawh sen a la nilova, chuvang chuan Cooperation Department hi NLUP a nodal Department pakhatah hian telh ve leh nise, tichuan an hnuia Society hrang hrang te hian an hman tangkai ve theih nan remchanna siam sak ila, a tha hle ang. A bik takin PIGFED hian kumin Financial Year chhung hian a chan ang thin pawh kha an la dawng miah lo a sawi te a awm a. Hengte hi a dik anih chuan enge a chhan, ngaihven a pek nise tha ka ti a. Kan Corporation neih zingah hian lost a kal an tam em em a, anni ho hi production nei leh chhuanawm pawl an ni a, enkawl zui a tha hlein ka hria.

Tin, Disaster Management & Rehabilitation a kan sawi duh chu, hmannah zaghna ka zawt a, Silpauline chungchangah, Silpauline, Sorkar mi ni si lote hnenah semchhuah leh tur a pek a awm em ? tute hnenah nge pek a nih? tih ka zaghna min chhanah 40 hming an rawn tlar ringawt mai a ni. MLA ten kan semchhuah kha chu ka zaghna a ni lova. MLA nilo, sorkar hnathawk pawh nilo, Civil mi ve ringawt, Silpauline sem tur dawng thin hi an awm avanga zawt ka ni a, hei hi a mawi lo, Sorkar hmasa kih hnawkte kan sawi thin a, thil fello, party taka an thiltih te kan sawisel a, vawiinah hian enge kan danglamma ve aw? Ka bialah ngei pawh Congress General Secretary in ka sem theih zat Silpauline sem tur a dawng reng a ni. Civil mi ve mai a ni. Ruling Party a nih avangin khatia a lo sem ve vak te kha a dik em ni ? A dik ka ti lo, hetiang thil mawilo hi kan sawichhuak thin a. Min ngaihpawimawh sak te pawh a awm thina, awmzel se ka duh a. Heng hi chin tawh loh nise ka duh a. MLA chan tur te min pe pung thei anih chuan a lawmawm a. A nih lem loh chuan Politic khelh nan taka hman chi a ni lo, mimal tuamhlawmna thil a ni tih ka sawi duh.

Tin, nimin khan Tanhril ram a kang a, a kang zo vek tih theih a ni. University kawng phei zawng zawng, thelh zagh tawh emaw tih hnuah nizanah zankhua deuhthawin an in thelh leh a. Kan tui neih zawng zawng kan hmang ral a, Khanghu leh thildang huan tam tak a kang chhia a ni. Khatiang te kha a hohovin Rehabilitation kan rawn dil dawn a, ram pumah problem a ni a. Fund te pawh hi Disaster Management & Rehabilitation ah hian kumin chu tam deuh sela, nunna hial chante pawh kan awm si a. A ranglamin Rehabilitation changtute hian lo process thuai thuai thei se thain ka hria. Chu chu vawiin Demand sawinaah hian a pawimawh zual ka sawi theih nise, ka lawm e.

**DEPUTY SPEAKER** : Kumin chu ram a kang nasa hle mai a, ka bial lamah pawh khaw thenkhat chu kang thelh turin khaw nawtin an la thawk chhuak a ni. Le tunge ni han sawi leh tur le? Pu Zothangliana.

**Pu H. ZOTHANGLIANA** : Pu Speaker, ka lawm e. A hmasa bera ka sawi duh chu mi tam takina an lawm leh loh tur, mahse tul vea ka hriat Printing & Stationery chungchang centralized a ngai tih hi a ni. Stationery supply hi centralized ni sela, a department buaipitu tur dik tak hian buaipui mai sela, quality tha emaw chu ‘procure’ ve tum bawk sela, tih hi a pawimawhin ka hria a ni.

Pahnihnaah chuan Art & Culture Department lamah, hei kan Minister zahawm tak hian tun hnaiah Zoram pawnah thawh tur tlem tlem a nei hlawm a, “Keini lam ve hi ka pu, a awm ve em” ka ti a. “Awm lo” a ti a, pawi ka ti viau a, ‘tih leh pekah chuan ngaih pawimawh kan tum dawn nia’ tiin min assured a ka lawm khawp mai a. Chutih hunah chuan Mizoram pum pawha kan tlang hmingthang leh tlang sang ber Phawngpui vela Tialpari puk humhalh leh enkawl thatna tur kawngahte hma min lak sak theih ka beisei a. Chubakah chuan Lawngtlai atanga 18 Km leka hla Mampui daiah Milu Puk kan nei a, he Milu puk hi tun hma chuan ruhro awm khawmna a ni thina. Ruhro milian ruh ni ngei tura ngaih loh theih loh a awm khawm ruih thin a, tunah erawh chuan humhalh mumal a nih loh avangin a bo zo tawh niin ka hria a; a pawi khawp mai a, zawn khawm chuan mimal leh khawi khawiha emaw kawlte chu an awm a. Chungte chu min ngaihtuahpui ta sela, ka ti a, ka ngen duh a ni.

Chubakah chuan Art & Culture hian ka hriatsual loh chuan a bikin upa lam deuhnte tan excursion/tour te an buatsaih thina. Keini lam atang pawhin mi engemaw zat an kal tawh a. A lawmawm ka ti a, chumi rualin kan MUP (Mizoram Upa Pawl) lamin ngenna an rawn thlen tam ber chu ‘Aizawl hi ka thih hmain vawikhat tal hmuh ve ka duh a ni’ an rawn ti fo maia. Hei hi kan Minister zahawm tak hian min lo hriat sak sela kan va lawm dawn em ka ti a ni.

Transport Department lamah, Pu C.Ramhluna bial Lawngtlai West ah sawn induhthawhna a sang hle a. Lawngtlai an hmunpui a ni a, kiltin atangin an rawn pan a. Private Maxi Cab ah an chuang ber a, Sorkarin rate ‘fixed’ thin mahse, a man a to em em mai a, an zawm tha hleithei lo a ni, kan retheih tlan tehlul nen. Chuvangin Lawngtlai a kan Transport Station saw min tih changtlun sak thei sela, DTO (District Transport Officer) pawh sorkar hmasa khan a ruahmanna tha tak te zinga mi niin ka hria a, a thu chuan Lawngtlaiah min dah sak a. Vawiin thleng hian DTO tak tak hi kan la nei lova. Hengte pawh hi kan Minister hian chak takin hma min lak sak a, min dah sak a tum hnai niin ka hria a, lawmawm ka ti a. Kan nghakhlel em em a ni tih ka’n sawi duh a.

Tin, Lawngtlai ah sawn a chhak a thlang a kal turin Bus tawng tawh lutuk pahnih/khat lek tak tak chauh an nei a. Nikhat an tlan a, a chhe siam nan ni 2/3 an hmang leh zel a, chutiang chu a nih avangin a enkawl tu te pawh saw an lu a hai em em a. An indaihlo em em mai lehngthal a chungte pawh chu khawngaih taka

min lo hriatpui a, a tih hlawhtlin dan min ngaihtuah sak theih chuan kan lawm hle ang tih ka'n sawi duh a.

Land Revenue and Reforms lamah hian Ministry hmasa MNF Ministry hunlaiah khan sawlai Lai-ah te, Mara leh Chakma lamah te thlengin MNF in sorkarna a chelh chhoh lai khan, Central sorkar atanga tanpuinain Cadastral Survey, Land Survey changtlung tak hlenchhuah theihna turin pawisa tam tham tak mai min rawn pe hlawm a. District Council pathumte pawhin kan dawng theuh niin ka hria a.

Lai District Council-a kan pawisa dawn a chu Land Survey atana, Cadastral Survey atana tih ni si kha, khatih hunlaia rorel pawl MNF sorkara EM, CEM, tih vel te motor leinan an hmang zo a ni deuh ber mai a. Cadastral survey hi kan neih that loh chuan engtikah mah leilung chungchanga kan buainate leh kan inhnialna te hi a reh thei dawn lovin ka hria. Chuvangin hemi kawngah hian kan Minister zahawm tak hian initiative a thara min laksak theih dan min lo ngaihtuah sak theih hram chuan kan lawm em em ang tih ka'n sawi duh bawk a ni.

Tin, Disaster Management & Rehabilitation lamah hian nichina Aizawl 'W' bialtu zahawm takin a sawi ang khan kan harsatna lian tak mai pakhat chu Road accidents tam, kan buaipui fo thin piah lamah Chhimtuipui (Kolodyne) lui khitah Sangau, Pang khaw bul atangin Burma ram lam a tangin a rawn luang thla zel a, a kawi nasa a, a rawn hrut thla zel a, Hnahthial bial te a rawn hrut thla a, Darzo kai a hrut thla a, tichuan, kan Minister zahawm tak Pu S.Hiato a bial lamte a rawn hrut thla zel a. Lawnglai, Kawlchaw leh a mawnglamah a luang thla zel a, chung luidung zawng zawngah chuan chetsualna a thleng nasa em em mai a. Saw lamin a min chah leh an sawi fo chu nichina kan sawi rik tawh Diving gear te, Diving suit, rubber boat tih vel ang chi te, under water torch light te, generator te, khang ang zawng zawng kha kan mamawh ve em em mai a. D.C. hnенah engemawchen te chu a awm a. Mahse, sawi rik tawh ang khan chetsualna a thlenin D.C. hnен a mi lak vang vang a, han inthuam that chhung kha chuan a nih tur ang kan lo ni zo hman tawh thin si a, a pawi hle a. Chuvangin, hemi kawngah pawh hian ngaihtuahna thar keini lamah pawh hian kan mamawh hle a ni tih te kha ka'n sawilang leh duh bawk a ni.

Animal Husbandry lamah chuan nichina ka'n tarlan zawk Mampui (khawchhungah) Vety. Farm a awm a, he Vety. Farm hi hun engemaw lai chuan Congress Ministry hmasa hun velah te kha chuan a changtlung viau ni pawhin ka hria a. Amaherawhchu, tunhnaiah hian ngaihven a hlawh ta lova, tun kum li nga ral ta atang khan a rawih thla hle a. Poultry te, Piggery te, Cattle farming te an kal kawppui nasa a, a hlawhtlin pawh an hlawhtling thawkhat thin a. Tun hnaiah hian thuam thar a ngai em em a ni. Power & Electricity lam pawhin helam kawngah hian mawphurhna an neiin ka hria a. Hatchery te pawh dah ve a ni a. Power lam a that tawk loh avangin a tangkai tur angin a tangkai tawk lova. Chungah te pawh chuan hma min lak sak thar theih ka'n beisei a ni.

Tin, Sericulture hi Ministry hmasain a tihtat tak mai chu an hunlai khan chhimlam bial tan Sericulture lama hmalakna turin crore tam tak mai kan sawi chhuak a, an dil chhuak a. Chungte hmang chuan hma an la nasa a. Amaherawhchu, Cocoon rate-a hi, Mizoramah sorkarin a leisakna hi, a tha tawk lo em em a. Ram danga an rate te ngaihtuah chuan a tha thlawt lo, a hniam lutuk a ni. Hei hi tihsan theih ni ngei tura ka ngaih ve a ni a. Chu chu kan Minister zahawm takin minlo hriat zui sak ka han ngen a. Pangang khawi hi a hlawk theih viau dawn lain buaipuiawm em em mai a, thlahnih chhung vel hi chu rimchhe tak nena inhnik reng a buaipui ngai a ni a. Chuvang chuan, tunah sawn buaipui tha tak tak an awm tawh lova, han tih that deuh erawh chuan hlawk takin a kal chhoh theih dawn a ni. Mulberry plantation pawh a tha tham khawp mai tih te kha ka'n sawi tel hram duh a ni e. Pu Dy. Speaker, ka lawm e.

**DEPUTY SPEAKER** : Tunge sawi leh ang ?

**Dr. R. LALTHANGLIANA** : Pu Dy. Speaker, ka lawm e. Vawiin chu a sawi hmaah tang ila, kan phur lovin ka hria a. Demand 8 kan sawi dawn a, hun kan nei tem si a, a ngaihthlak lampang a bik takin kan Minister ten ngaihthlak lam lo thiam se.

Revenue Department No. 6 ah hian reilote kum khat pawh tling lo ka enkawl ve zawk chhunga ka ngaih pawimawh em em Department reorganization hi tih hlawhtlin nisela ka duh a. Tin, ram pum enkawltu Department an ni tih hi kan hriat sak tawk lo deuhin ka hria a. Ram hlutna te leh ram pawimawh nate hriain an kutah hian thil tam tak a awm a, chutih lai chuan harsatna tam tak an tawk a, dem pawh an hlawh a, dem pawh an awl bawk a. Chutih laiah harsatna an tawh hi kan House hian kan hriat thain ka hria a. Gazetted Officer hi Department ram pum enkawltu an nihna lai ah hian Pu Dy. Speaker, 20 chauh an nei a, chutah chuan a department mi technical Officer hi 5 chauh an nei, chuvang chuan hetiangin a ram enkawl hi a harsat zia kan hriatpui a thain ka hria. Chuvang chuan ka hunlai pawha ngaihtuahna ka lo neih mahse tih hman tak loh, Technical Officer anmahni department ami ngei hi tam zawkte pawh hi dah sak thei ila athain ka hria. Mizoram kiltin atanga revenue pass vervek a tam te, Darzo atang te, khang zawng zawng lokal khawmna Directorate hi kan chinfel a pawimawhin ka hria. Tin, Head Surveyor 6 lek kha Assistant Director-ah hian up-grade turin ruahman kha kan nei a. Kha kha tihhawhlin ran nise a thain ka hria a.

Demand No. 38 - Cooperation ah hianin kai leh ila. Cooperation ah hianin Registrar post pakhat hi a awm a. Hei hi IAS Cadre post ah kan dah deuh niin ka hria a. State dangah chuan a ni bik chuang lo hei hi. Kawng lehlamah kan duham viau lai khan kha lampang service khan kan zo tawk lo deuh niin ka hria a. An thlak zing si a, chuvang chuan, hei hi chu flexible deuhin kal ta ila, a department mi tha tur awm kan neih chuan dah mai te pawh hi a tha lawm maw ni le? N.E. State ah pawh hian an tih dan phung niin ka hria.

Tin, chubakah Pu Dy. Speaker, Cooperative hi a pawimawh a nia. Addl. Registrar hi pakhat pek belh niin ka hria a. Department dangah chuan 3 te Civil Supplies ah chuan kan pe niin ka hria a. Industries ah 3 nge 2 ka hre lova tun hnaiah 1 te hi chu pek belh leh thain ka hria a. A bik takin an enkawla hi a pawimawh em em mai ka'n tiha hi chu audit chungchangah hian a ni. Cooperative Society hnuaih hianin mi tam tak case tam tak chinfel ngai pawl/societies a awm a ni tih kan hriat a tulin ka hria a. Chuvang chuan, tuna audit cell kan han neih a hi ka hriat sual loh chuan ARCS pakhatin Staff 2 emaw nei khan a ti ve veu veu a, hetiang ang hi chuan tihgaihna a awm lo hrim hrim a ni, efficiency a lang thei lova. Society function 1400 chuang an neih laia hetiang ringawta kan kal hi chu a fel lovin ka hria a, chu chu ka'n sawi duh a.

Tin, District Officer-a administration kengtu a hi tuna kan kalphung danah chuan ARCS te an ni mai a. Hei hi tihdan phungah hmun dangah pawh an lo neih, Cooperative movement lennah chuan Dy. Registrar te hi chuanin District hi an awp thin a ni ngai a. Hei tunah hian Dy. Registrar 4 emaw kan nei a, 7 dang emaw chu siam belh thei ta ila chuan District tinah hian awmze neiin kan kal theein ka ring a ni. A pawimawhna tam tak kan sawi hman lovlang a. Hei hi a tulin ka hria a. Tin, senior Inspector post te, Junior Inspector post te pawh hi thi leh pension vancancy fill up theih miah lova vawiin tlenga a'n awm a hi enfel sak thain ka hria a, kan sawi duh a ni.

Chuan Demand 18-na Printing 7 Stationery ah hian sorkar hmasain a North East State a Govt. Press dangte pawhin a an neih loh kan lei kha Four colour Printing Press khawl a kha nuai 104 man lei kha ani a. Tin, Image setter film siamna nuai 40 te kha lei a ni a, kan hmang tangkai ta em ka hre lova, a pawimawh khawp mai a, hengte avang hian he Department, pawh hi beiseina sang tak kha kan neiin ka hria a. Kuminah hian target revenue nuai 165 bawr vel kan siam sak niin ka hria a. Mahse, hemi han earn tak tak tur hi chuan earning press nitur chuan kan thuam that a pawimawh in ka hria, kan thuam that bakah a pawimawh tak chu Department dangin Printing items an neih ang chi hi a tam thei ang ber hi kan Govt. Press ah hian kan pek a pawimawhin ka hria a, kan hunlai pawh khan kan tithei chiah lova. 'Mizoram Calendar i chhu ang' ka ti a. Information Minister ka nihna zawnah an lo chhu thei tehmeuh mai a, mahse, kan mamawh copy 50,000, 60,000 kha chu kan zo lo a ni an ti a, engpawhnise, kan hman tangkai kha chu a tulin ka hria a. Sorkar Department dang zawng zawng hian kan dawr chuan crore khat aia tlem lo hi kum khatah hian a lut ang tih hi ka beisei tlat a ni. Tin, Printing Technology Institute, crore 8 vela din tura sawi kha a thawm kha kan hriatna a rei deuh tawh a, kan Minister-in a wind up naah min hrilhfiyah se a thain ka hria.

Tin, demand 23-na Art & Culture ah khan kan Cultural group te State pawnah te State chhungah te pawh tei hawina tam tak an neih laiin leh kan thalaite hi tih phur ngai lovin an phur sa laiin hemi atana an hnathawhna tur hi a beitham lu deuh. Pu Dy. Speaker, nuai 16 bawr vel chauh hi an nei a. NGO ho tanpui ngai lo tam bawk si nen, a harsa deuhin ka hria a. Vawiinah hian kumin kan budget sawiho hi a vanneihthlakna lai awm chu kawng lehlamah vaibelchhe 250 kha a lo kal leh anga, khawi khawiah emaw sem tur tih kha a sawi theih

hun lai tak kha a ni phian a. Khang kha hmang tangkai ila, pek belh a ngaiin ka hria tih kha ka'n sawi belh duh mai a ni.

Chuan, chutihlaiin hei kum 2007-2008 bawr vela Museum sakna tur atan crores 2 zet sorkar hmasa ina Capital Complex-a a ruahmana kha chak takin hmalak a tulin ka hria. Museum te hi kan ram darthlalang a tlingin ka hria. Tin, chutih lain kan Archive building saw vawihnih khat ka kal tawh a, a te lutuk deuh a, vertical extension-te pawh ti dawn ila a ropui thei lo. Chuvang chuan hengte hi chu hla deuh khawpui pawn deuhah pawh awm se a thain ka hria. Kan ram Tourist-in an rawn tlawh a, an sawi hmasak ber chu, en turte an sawi hianin Archive te, Museum te hi sawi hmasakah an nei a ni. En tlak deuh law law a ruahmanna siam hi a pawimawhin ka hria a, ka'n tarlang leh lawk duh a ni.

Demand No. 42 naah hianin Transport tih chungchangah hian tawite thil pahnih khat lek ka'n sawi duh a chu - Mizoramah kawng tha kan nei ta khawp mai a, kan Lunglei kawngte pawh a that zia kan sawi a, darkar 4 darkar 5 ah kan thleng thei a, km 180 bawr vel kha, speed chak tak takin kawng a lo that hianin kan tlan lo thei lova. Chu chuanin kawng lehlamah disadvantage ti mai ila, that loh vena thil tha lo a lo thlen chu accident hi a tam phah a ni. Careless driving te a tam a. Hei hi a pawi khawp mai a, kan driver-te hi an zavai chuan vawi khatah chuan a theih loh ang a, amaherawhchu, horn pek nachang hre lo driver hi ka tawng hnem lutuk a, heng ringawt pawh hi ho deuha lang si thil pawimawh tak mai niin ka hria.

Tin, chumi rual chuan kan driving test ground nei lo hi a pawi khawpin ka hria. Tunah National Highway ah driving test an han zir a, a hlauhawm a ni. A driving zir na na na National Highway-a kan phal sak chhung chuanin a fuh dawn lo hrim hrim a. Chuvang chuanin Sihhmui daih pawh ni rawh se. Champhai District-ah pawh, Lunglei District ah pawh District tinah hian driving test ground hi a bikin siam ni sela, vawi khatah chuan kan siam thei lovang. District tinah nei thei ila a thain ka ring a. Chu chu vawiinah hian rawtna ka siam ve duh hrim hrim a.

Tin, test ground kan neih rualin Inspection Ground pawh hi fumfe tak kan neih hi thain ka hria. Hemi kan tih theih chuan Transport Department bikah hianin infrastructure leh development kan neihna turah chuanin thil lian tham, Land mark kan siam ve turah ka ngai a. Tun tum chu thil tha deuh deuh kan sawi ve ringawt teh ang, in pawm emaw, pawm lo emaw, tlang deuhin pawimawh ka ti a, ka sawi duh a ni. Tin, heng hi a pawisa a harsa deuh dawn a nih pawhin hemi road safety fund atangte pawh hian project leh scheme thiam taka kan siam chuan kan hmuh theih mai pawh ka beisei a. Kan Minister chak tak hianin hma han la teh se tiin mahni bial chauh ni lo ram pum huap ang kha kan tarlang duh a ni.

Demand No. 41 Sericulture Department-ah hianin, he Department kan hmuh dan hi Mizoram mipui chu kawng dang nisela ram hrugaitu lo ni tawh te pawh hianin kan hmuh dan hi engemaw zawng hian kan hmu lutuk niin ka hria a. Kan ngai pawimawh tawk lovin ka hria. Kawng lehlamah chuan, hun reilote

chhunga intodelhna, kut hnathawkte tana kan buatsaihna department pawimawh tak an ni tih hi kan hre tawk lovin ka hria a. Chuvang chuan ngaihtuahna thar han neih pawimawhin ka hria a. Farmer ringawt pawh hi 1000 chuang Mizoramah an nei tawh a. Chutihlai chuanin Pu Dy. Speaker, Silk siamna tur atan Scientific taka siamna tur ang chi te pawh hi an lo la nei lo reng reng mai a. Heng te pawh hi a pawimawhin ka hria a. Nuai 30 bawr vel chauh a tih mai theih a ni.

Tin, chubakah chuan Silk Cocoon siamna tur atana rearing House te pawh hi an lo la nei lo hrim hrim mai a. Cheng nuai sawm pawh tling mang lovin District tinah te hian han hung ve thlihthliah thei ilang chuan awmze neiin, kawng leh lamah thiam thil lutuk ngai silo, kan eizawnna kawngah hianin tangkai taka, zau taka Comprehensive taka kan hman theih tur ang chi te pawh niin ka hria a.

Tin, District Sericulture Office hi a chhe lulai lutuk deuhva, thuam that an ngai khawp mai. Staff ah leh thil dangah tih ka'n sawi leh duh a.

Tin, Post ruak tam tak kan neih hi a bikin Rearer kan tih te, Demonstrator kan tih te ang chi hi fill-up phal sakna hi an hmu hlei thei lo a, hun kal tawh atang te pawh khan, hei hi ngaih pawimawh ah sorkar hian kan neih thani ka hria a ni.

Vety. hi kan sawi teh ang. An budget hi kan en a, ka ensual loh chuan 2008-2009 khan nuai 720 Plan Budget-ah kan dah sak a. A te zawngin an thang a, 2009-2010 in a hniam a. Tichuan kum 2010-2011 ah hian 550 in an tla leh dawrh a. Chuvang chuan he Department hmang hianin hnathawh hi sorkar hianin kan tum lo ta nge ni aw, tih hi ka question a ni. A pawimawh a ni. Mizo family/society bikah hian han sawi ta ila. Khasi-ah chuan an ni ve pawhin ka hre lo. Naga pawh a ni tehchiam lo. Keini Mizo chu thil mak deuh mai Pathianin min buatsaih dan te pawh niin ka hria a. Kan family anga kan awm tawh chuan engemaw tal ran vulh hi kan tum deuh vek tawh a ni. Ar tal emaw, Vawk te pakhat tal emaw a remchang ang ang kan ngaihtuah a. Mi inhnuai kan luah pawhin chu chu tih talh kan tum a. Chutiang ang chuanin ran nen hian kan kal dun tlat mai a ni. Chu chu vawiinah hian kan man tawk lo tlat ni hian ka hria. Chuvang chuan he Department hi Department pawimawh si, ngunthluk zawka vawiinah hian kan chian a, kan ngaihtuah a, hna an thawhna tur atan a kan buatsaih hi a tulin ka hria a.

Hei Lunglei a Diary Plant Zobawk a Bawngnute kan han funna khawl saw a chhe rup mai a. A tam tham si a, han siamna tur atan hian, a thlak hlawk tur chuan nuai 100 bawr vel a ngai a, khawl thar ti tur chuan, mahse, kan thlak thei chiah lo anih pawhin a maintenance, han siamthat leh tur atan nuai 20/30 bawr vel kan han dil ngawih ngawih anga te hi chu pek ve ngei ngei tur chi ah ka ngai a. Heng lo hian kan awm thei tawh lo a ni.

Tin, heng bakah hian Lungleiah sawn thil pakhat kan nei a, Poultry Farm kan nei a, Farm vengah sawn saw saw tun hnaiah Ar vulh hi Mizoramin kan uar a. Lunglei pawhin kan intihhmuh a, In tinin 4/5 emaw 20/21 emaw neih kan

tum vek tawh mai a. Chutih karah sawlaia a demonstration farm ang deuhte pawhin farm saw zau lutuk lo mahsela, phuisui zawka security fencing te pawh tha zawka kan thuam a, kan enkawl hi hi a pawimawh dawnin ka hria a. Tin, kan Dairy plant dang Kolosib ah te, Champhai ah te, kan nei a. Champhai hi la commission loh niin ka hria a. Sorkar hmasa hunlaia a buatsah kha Commission ran pawh a that ka ring a.

Tin, heng kan diary plant ho hi a buaithlak khawp mai a. Kan hriat angin integrated dairy project Centrally Sponsored Scheme atanga kan hmuh niin ka hria a. Kha Project period kha atawp hian State sorkarin kan han take up leh hian inbuatsaikhna a lo tha tawk lo thin nen, harsatna a lo awm a, kan tlukpui hma khawp mai a. Hetiang chi hi engemaw Scheme tam tak hi a awm a. Chuvang chuan hetiang kan take up dawn hian ngaituah chian hmasak hi a va tul em! A pawisa hmuh hma kum 2/3 chhung atan ringawt ni lo deuh a ngaihtuahna kan sen a ngai a nih hi mawle tih ngaihtuahna ka nei thui khawp mai a. Hei Kolasib te pawh hian he Project period hi a zawh chuan an tluk pui dawn ni hian hmannah Consultative Committee kan Minister hovin kan nei a. Kan ngaihtuahna a buai ve khawp mai a. Champhai a ni emaw Lunglei a ni emaw, Aizawl a ni emaw, Kolasib a ni emaw engtinngi ni kan thuam that ang, tlema zawng nuai 20 khat diat diat heng atan hian han tihsak leh thei sela chuan ti te khan kan dil sak niin ka hria a. Consultative meuhvin kan dil te kha chu a la pek belh theih budget sawilai tak a ni bawk a, tihtlang sak thani ka hria a. Tin, heng hi sorkar Department Vety. anga kan kalpui thei lo anih pawhin MULCO angte pawhin an take up hi uluk taka a theih dawn chuan ngaihtuah thani ka hre hial a. Pu Dy. Speaker, heng Demand 8 te hi hmanhmawh takin ka sawi a. RR erawh chu ka sawi lo mai ang a. Anni hi chu sawi tur tam tak a awm a, hemi inkar inzep mai chi loh hun danga pawh la sawi theih turah ngai ta ila, a tha awm e, ka lawm e.

**DEPUTY SPEAKER** : Ka lo ngaithla tui deuh a ni ang i hun i pel teuh mai, Pu Lalthansanga.

**Pu LALTHANSANGA** : Pu Dy. Speaker, ka lawm e. Demand pathum Department 8 kan han sawi dawn a ni a. Minute 10 emaw hunkan han nei a ni a.

A hmasa berin Printing & Stationery hi Minsiter hian a hma lawk khanin Godown a zuk en a, bungrua chhia kha a tam hle mai. Nuai engemaw zat man kha an ti chhia a, a chhan a kha zawn chhuah a ni ta em? Enge ni hetihlaia Supply-tute hian a tha lo hi an supply nge ka hre lova. Tin, sorkar atang hian Stationery hi la turin thuchhuah vawi 2 an nei tawh chungin ngaih pawimawh lohna a awm nge ni? Engvanga bungrua chhia kha an supply tih kha rilruah a lian a, min lo hriat sak sela, Department zawng zawngin Printing & Stationery te an lak theihna tur atan hian a thawktu te leh a supply thin tute pawh hi enfiah nise, a tha awm mang e tih kha ka'n sawi duh a. Hei hi Demand No. 18 ka'n sawi duh chu a ni a.

Tin, Demand No. 13 Arts & Culture hi cheng nuai 150 lai a hniam a ni ta mai a. Hmanni lawkah World record kan siam bawk a, khawvelin min

rawn hriatna vawiinah Art & Culture in min han tarlang a. Chutihlai chuan Arts & Culture Demand hi hniam lampangin a kal ta a. Ka hmaa sawitu sawi ang khan cheng vaibelchhe 250 in Plan size pawh lo lian turah ka han ngai a, a hunlai a ni bawk a. Hetiangah te hian hman tan a pawimawh awm hlein ka hria a. Archeological Survey ah te hian nuai khat emaw kan han dah a. Vawiinah chuan mi ten min rawn hriatna leh min lo zirna tur laite kan lo hmuhna lai kha a ni a. Tin, Archive hi ka hma ami pawh khan a han sawi a, Mizoram min rawn zirna tur leh Mizoram hmel lanna tur a ni a. A building te saw tih that a ngai a ni. Sawtiang ringawt saw chuan an lo kal anga mak hi min tih hi ka ring em em mai a.

Tin, Demand No. 18-naa kan sawi duh chu - Zawhnaah pawh khan ka zawt a, min dah hnung deuh hlek thin a, a rawn chhuak hman lova. Consultative meeting-ah pawh kan han sawi tawh a, hemi MIG print-na tur pawh kha kan sawi viau a ni a. Hmanni Common Wealth Conference Meghalaya kan kal tumah miten an visiting card hi nahl tak taka min pek laiin, keini a kacha em em mai a, a thente phei kha chu min han dil pawhin ka pe ngam lo a ni. Chutiang ang deuhte chu tun kan dinhmunah te pawh hian a ni a. MLA kan nihnaah a thente chu ziak ten kan pe a, ka keng lo te kan ti a, chutiang te chu a ni a. Khami a kha, kan sorkar hian hma min lak sak sela a thain ka hria a, kan ngen zual duh a.

Tin, Demand No. 42 na Transport-ah hianin hei kan Budget pawh a tlahniam a ni a. Cheng nuai 141 chuang zetin an tlahniam a ni a. Hei Transport Department-ah hian tunah pawh hian Bus hi 14 kan han lei dawn a ni a. Kan ram hi tun dinhmunah hian kawng te a tha kan ti a, Lunglei saw kan sawi nasa viau mai a, a kawngah sawn en ila speed limit tur hi 40 vel an intar a ni. Kha, intlan chak lutuk kha dan in bawhchhe vek a ni. Kan Minister zahawm tak pawhin min lo hriat sak sela. Dan bawhchhia hi chu hrem an thain ka hria. Road standard tur a pawh kha kan sawi tawh a, a hma pawh khanin, chutiang ang tur chu a ni a, 28, metres tur a ni a, 18 metres ah a lo tla thla ta a ni a. Tin, a kawng a leveling saw a dik lo a ni. A hlauhawm em em a tlanchak saw, chutih lai karah 'top speed' in kan han tlan ta mai thin a. Chuvang chuan accident te pawh hi kan la tlem hle a ni. Chuvang chuanin rawn tlan fur fur khan dan inbawhchhia a ni, Consultative Committee te hi ka'n hrilh duh che u a, member pui zahawm tak te pawh. A speed limit a awm a, chu chu kan hriat a tha a. Tlan chakna tur a nil ova, tlan chakna tur hian kan sorkar chak tak hian huam sela tih hi ka'n ngen duh a. Chu chu min lo hriat sakin a department concerned ah te pawh hrilhin leh heti lai te pawh hi uar taka tih a thain ka hria a.

Hei tunah private hian Bus te pawh hi kan operate nasa a. Chutiang te chu an kal tluang ve hle thin a, chhungkua te pawh an chawm a, kan tih rual hian vawiinniah hian a tlem sawt viau mai a ni. For example : Farkawn te leh Vaphai vel a Bus service thin te, night bus thleng pawha kal thin a kha, an accident takah chuan tunah a awm ta lova. MST hi Farkawn thleng tlan a awm a. Chu chu khitilai khua zawng zawng khian tunah hian an hmang ta ringawt mai a ni. A passenger te zin veivahna mai pawh ni kha, anmahni family ah pawh khan nasa tak maiin set back kha a siam a. A chhan chu zinna an nei lova, kalna an nei tawh lova, pick-up te an hire chuan a man a to si a. Thlai rate khan khami

expenditure kha a ‘meet’ leh theih si loh avang khan harsatna an tawk nasa em em a.

Tin, khing ka bial E.Lungdar ah te khian Booking Office te kan neein, tunhma Congress nena kan han sorkar ve zawk te pawh khan khilai te pawh kha han thuam that a, a fencing te pawh ka’n han ti a. Mahse, vawiini thleng chuan tih leh a ni ta lem lo a.

Tin, khitiang lai te pawh khi, vawiinniah chuan kawng te a lo tha tawh a, Keitum – Artahkawn te pawh NEC road in black-topping te pawh tih a ni tawh a. Tin, a chhak lam pang te pawh tih chhoh zel tur a ni a. Tin, khimi tlang a road kan dah a ni a, MST Bus service hi kan mamawh hle a ni. A chhan chu thingtlangah hian kan harsat dan hi harsa tak kan ni. Rs. 10/- - Rs. 100/- nei lo hi kan tam em em mai a. Chuvang chuanin Sumo service afford lo hi an tam em em a ni. Chuvang chuanin MST te a kal theih hi kan chak tlangpui a, chutiang te pawh chu kan sawi duh a.

Tin, chumi rual chuan hei kan Computerised ta a, tunah hianin kan Computerised-ah chuanin a inthlun zawm vek mai a. District tin hi MVI te awmin MVI lo te pawh DTO te pawh awmna a awm a, chutiangah chuan Computer hi hman a ni, hemi khawl hi vawiinniah chuan a chhiat vah chuanin Registration leh Licence te hi a tih theih ta lo a ni. Hemi hi Upgradation hi an ngai nasa em em mai a ni. Chu chuan harsatna hi District dangah te pawh hian a siam nasa hlein ka hria a, hetiang te hi tunah hian in upgradation hi tih theih ni sela tih hi a duhawm hle a ni. Hei Transport Department ah hian Re-structuring tihah khan engchen hi nge ni a, a kal tak takte pawh hi wine-up naah hian min han hrilh ta sela, enforcement lampangah pawh a tul ang anga hman a ni nge tih te a ni a, khatiang ang te pawh kha kan han sawi uk a, hriat kha a chak awm deuh a, khangte kha Demand 42 naah te khan kan sawi duh deuhte chu an ni a.

Tin, Demand No. 6 na Land Revenue & Reforms ah hianin kan budget chu tlemin an hniam deuh a, 82.41 velin an hniam a ni a, hei Revenue Department ah hian kan sawi nasa hlein ka hria a. Tunah te pawh hian, Cadastral survey hi an han nei a, chu Cadastral Survey an han neihah chuanin khami an tihchhuah dawn khanin an original pass kha surrender a lo ngai ta a ni. Tunah sorkar hnathawk ten HBA te emaw, Housing loan te emaw an lo la a, chumi ah chuan an original LSC a kha a ngai an ti bawk si a, an thehlut a, cadastral survey a lo chhuak ta a, LSC tharah khan lakchhuah nana tih leh kha a ngai bawk si avang khan vawiinah mi tam tak chuan harsatna an nei a ni. Chuvang chuan hemi hi a ngai kher em ?

Tunah hian sorkar hnathawk tena loan an lakna turah hian engkim fel takin heta tangin tih vek anih avang hian engatinge kha kha tih kher a ngaih, kha kha engatinge demand kher a ngaih tih te pawh hi? Khatiang aia awlsam deuh te emaw, khami kha lak chhuah a, anmahni cadastral survey in a tih a, hemi chhuaka nen hian thleng dan te pawh hi a awm em tih te pawh hi changtu Minister zahawm tak khan min lo hriat sak sela tih kha ka duh a.

Tin, kan ram hi tlang a chhengchhiain hmun te hi a te a, khawimaw laiah te chuan mihring han chet theihna laite pawh hi hmun te pawh hi a awm ve a, chutiang te kan han dil te pawh chuan ADA nen hian, ADA atangin tih te hi a tam hle a, chungte chu harsatna te pawh a ni a. Pu Dy. Speaker, ka pu hi a sawi ve ngai si lova, tlemte chu min pek belh ve teh a.

Hemiah te pawh hian ADA hian a te lutuk e, hei chu a theih loh e, tiin emaw objection emaw a lo siam anih chuan Revenue Department khan kha kha tih theih loh nan te a hmang a, khatiang te pawh kha han tih sak theih hram emaw ADA lampang emaw Revenue lampang emaw a theih a te kha chu han tihsak hram dan te kha chu awm sela tih a te pawh tihsak thei ila, anih loh chuanin tunah te pawh hianin enge ni a chhan hi ka hre chiah lova, tunah hian huan leh lo ram zawng zawnge pass hi an han dil ta a, tunah hian file zawng zawng hi pending a ni vek mai a ni. Enge a chhan tih chuanin NLUP vang a ni ang e, tih hi ani ta mai a ni. Chuvang chuan kan flagship programme kan hmang har lutuk pawh hian kawng tinrengah min lo hrek ta a ni tih hi a chiang ta hle mai a. Tunah pawh NLUP hi a dawngtute chuanin hmun lo ram an neihte a lo ngai a. Chumi atan chuanin tunah huan lo ram pass-na neite pawh hi harsatna kha an tawk ta vek mai a ni. Tunah hian engzah hi nge pending ni tawh, tih te pawh hi ka'n zawt tel duh a. Chung mite chuan harsatna an tawh hi tunah hianin an tan chuanin kawng engkima harsatna eng eng emaw anmahni tana loan te leh engemaw hamthatna tur hi a break NASA hle a ni tih te kha House hian kan hriat a pawimawh hlein ka hria a. Chutiang te chu NLUP pawh tun atanga hman tawh emaw hmang reng tawh zawk emaw tih tur kha ani a. Nuai 58 vel lai te kha kan lo hmang tawh anih avang khanin kha kha chuan dang tawh lo sela, pek zung zung ni maisela, tih te pawh kha kan duh deuh hlek a.

Tin, Demand No. 37 na Cooperation ah hian, Cooperation Department hi vawiinah hianin NLUP ah thlan a nilova, marketing lampangah a ni chu tih te an awm ta a ni. Marketing-ah kan tih rual hian Cooperative movement a hi khawvel revolution lo chhuahna a ni tlangpui a, chuvang chuanin khawvel ram dinchhuahna te a ni a, Cooperative movement hi a pawimawh hle mai a. Hemi a grass-root tak tak ho Society Primary member awmkhawmna vawiinah hian NLUP atana kan telh lo hi a pawi ka ti a, reconsider theih a ni em? tih kha ka hna a niin a ngen kha ka'n ngen pui bawk a.

Demand 34 na Vety ah hian Vety. Department hi FMD (Foot and Mouth Disease) kha tun hnaiah kan sawi a, kan ti nasa hle a. Hemi foot and mouth disease chungchangah te pawh staff te kan indaih lo tih hi a tam em em mai a. Kan sorkar hian MoU (Memorandum of Understanding) hi engchenin nge a palzut ang a, eng ang kha nge a tih tawh tih pawh hriat a chakawm thin a. Staff indaih lohna a na ti a, min han chhan. Hemi FMO vei te, khatiang ran nei hote kha an Bawng hi an chiu loh chuan a thi a, chutiangin thingtlangah harsatna an tawk nasa em em a. Chutiang mite tan chuan engemaw bik deuh a tanpuina a awm em? Tuna Selesih a Bawng awm te han lei mai theih kha khatiang ang disease vanga suffer-tu tak takte hi chu engemaw percent tal compensate a han tihdan a awm em? tih te ka zawt duh a.

Pigfed leh MULCO ah hian Managing Director te leh a dang dang Staff te hi deputation hian an awm a, "Vawiinah hian Vety. Department hian hemi te hlawh tur hi pek tur kan nei lo, kan pe thei tawh lo" an tit a mai bawk si a. Chu chu tunah hian kan pe thei tawh lo an ti si a, hemi te hlawh hi Pigfed leh MULCO atanga pek an nih chuan kha Society khan nasa takin a tuar ang a, nakinah chuan Unit ah hian kan chhuah leh ang a. Hemi te hi an hun lo tawpin emaw, an Department ah let leh sela, hlawh pek tur chu an nei awm tho si a. Mahse, tunah deputation a an awm lai a pek tur a awm lo han tih mai hi a hma ang khan a kal leh thei angem ? Society te in enkawl chhoh nan leh kal chhoh nan zel te pawh khan a pawimawh hle ang a, tih kha kham lo deuhvin ka'n sawi a ni e. Pu Dy. Speaker, ka lawm e.

**DEPUTY SPEAKER** : Minute nga kan pek belh bawk che ania.  
**(Pu LALTHANSANGA** : Ka lawm e) Dar khat ari a, kan chawl a hun a, kan chawl rih ang a, dar hnihilah session kan tan leh dawn nia. Recess :1:00 P.M.

### **2:00 P.M.**

**S P E A K E R** : Sawihona kan chhunzawm ang a. Pu S.Laldingliana i sawm ang.

**PU S. LALDINGLIANA** : Pu Speaker, a hmasain Demand No. 23 Art & Culture kha. Hei, kan Minister hi lawmthu hrilh ka duh a. Mizo hnam Cheraw lam hmanga Khawvela min phochhuak hi lawmawm ka ti a. CBC Radio (Canadian Broadcasting Commission) ah hian kar khat chhung zet mai internet a kan hmuh danin "Sound of the Week" atan an hmang hial a ni. Chutiang khawp chu a ni a. Kan hnam lam, khawvel hriata min phochhuak hi a ropui ka ti tak tak a ni.

Tin, thil hlui humhalh chungchang thuah hian i phalnain sawi ta ila. Ka bial chhungah hianin Dopawrha, chhim lam mi huisen leh Lal hmingthang tak Mamte daiah sawn a thlan a la awm a. Sawngte saw humhalh tlak niin ka hria a. Tin, Lunglei khawchhung Lunglawnah sawn thalaite tana hmun fianrial tha intihhlimna (chhungkua ang te pawhin) hmun tha tak 'Puknuam' an ti a. Sawngte saw a kawngte siamthat deuh a, hmun tangkai tak atan siam theih niin ka hria a.

Tin, Transport chungchangah hian, Driving Licence pekchhuah dan hi ennawn tulin ka hria a. Kum tlinglo te driving licence pek an awm zeuh zeuh a. Tin, hei kan sawi tawh a, Lunglei a hnai tawh a, kan ti a, a lawmawm hle a. Kawng a tha tawh a. Helaiah hian kan speed limit hi tlemin kan hre lo deuh niin ka hria a. A bik takin kan Sumo, Maxi Cab Driver-te hi an tlan chak lutuk a, hei kei pawh vawi tam tak ka vei thin a, chetsualna hi vawi tam tak a awm tawh a ni. Hemi chungchangthuah pawh hian Government hian nasa leh zualin tan la se

tih hi ka sawi duh a. Tin, Taxi te, Auto Rickshaw te kan ti a, hei kan /driver tam tak hi khalh chu an thiam a, Driving manner hi an hre lo emaw ni chu aw tiin an tlan a ni. Hei hian nasa takin mipuiah harsatna a siam sak a. Hengte pawh hi Department hian hre thei se tih kha ka sawi lang duh a.

Tin, demand No. 30 Disaster Management and Rehabilitation-ah khan Pu Speaker, hei kang hi disaster a ni ve mai lawm maw ni le? tih hi ka ngaihdan a ni a. Kuminah kan ramah kan hriat angin ram a kang nasa em em mai a. Ka bial chhungah phei chuan unau an kanghlum a, tin, he kanghlum te nu hi a boral leh nghal a, chutiang tak chuan chhiat tawh theihna ah kan awm a, hei hi sorkar ang hian tanpui theihdan a awm em aw? tih hi ka ngaihtuahna a ni a.

Tin, chumi piahan chuan ka bial chhung tho Chawngte chung lamah khuan Mautlang khua a awm a. Mautlang khuaah hian In 12 a kang ral tawp a ni. Engmah bungrua chuh hman pawh a ni lo a. Heng angle hi Disaster Management and Rehabilitation Department atang hian tanpui dan emaw, chhawmdawl theih dan awm thei se tih hi ka sawi duh ve hrim hrim a ni.

Tin, Pu Speaker, Demand No. 37 na Cooperation chungchangah hian sawi tur a tam khawp mai a. Cooperation Department hi Department upa tawh tak mai a ni a. Assam State a kan awm lai, Lushai Hills District a kan awm lai kum 1956 ah khan Asst. Registrar of Cooperative Society ho hianin Aizawlah hian Office an lo run tawh a ni. Tin, Department upa a nih ang tak hian Department tangkai thei tak tur a ni a. Amaherawhchu, a tangkai tur angin kan ramah a tangkai thei lo a. Hei hi a chhan chu a administrative set up fuh loh vang a ni. Cooperative movement hi a tak tak a ram mipuite tana kalpui thei tur chuanin a department chin chang hria, a ideology te, a tobul a ngaiin ka hria. A administrative set up hrim hrim hi kan siam that a tul a ni. Anih loh chuan tun dinhmunah chuan Registrar post kan tih hi IAS Cadre post a siam a ni a. Hei pawh hi Department Association te pawh rawn miah lova tih a ni nghe nghe a ni. Tunah hian IAS Officer Junior deuh te kum khat te, kum khat tlinglo deuh te an awm a, khang khan he Department hi an enkawl a, an chhuah san leh mai a. A department chhunga a tak tak hria technical mi te leh hun rei tak senior officer lo awm tawh te kutah hian a lut thei tlat lova. Chuvangin Cooperative Movement hi Mizoramin kan chhawr tur ang hian kan chhawr lo niin a lang a. Hengte pawh hi siamthat theih nise tha khawpin ka hria a.

Tin, a district ang zawng te pawhin han en ila. Chhim lam chhak leh thlang hmun hrang hrangah District Officer kan nei tawh hlawm a. Hengte pawh hi tun aia chak zawka thuam that hi a tulin ka hria a. A bikin chhim lamah Saiha, Lawnglai leh Lunglei te han awp khawm turin, Joint Registrar post te pawh hi siam ve tawh nisela, a tha lawm ni aw tih kha kan ngaihtuah dan a ni a. Eng pawhnise, Department hi chak zawk a a kal a, Zoram mipui ten he Department hi awmze nei zawka kan chhawr theihna turin, a administrative set up hrim hrim pawh hi ennawn a, a tul anga siamthat nise tih kha kan sawilang duh a ni.

Demand No. 6-na ah khan Land Revenue & Reforms chungchangah khan sawi tur tam tak a awm laiin ka sawi tam lo ang a. Pakhat emaw chauh sawi ka duh a. Chu chu hei hi a ni. He Department bikah hian Power Decentralization kan exercise a ngaiin ka hria a, Pu Speaker, vawikhat kan sawi tawhin ka hria a. Champhai lamah te leh Saiha ah te In hmun lo ram chungchang hrim hrimah hian Department District Officer te hian engmah thuneihna an nei lova. In hmun hi an pe thei lo hrim hrim pakhatnaah. Pahnihnaah, Inhmun awm tawh sa a neitu hming thlak tum ta ila, Aizawl a kal zel a ngai a. Then darh pawh tum ta ila, extend pawh tum ila, kan District Officer te hian thuneihna engmah an nei tlat lo a ni. Chuvangin uluk zawka he Department hi kan enthat a, kan District Office te hi kan thuam that a tulin ka hria a ni. Awle, Pu Speaker, ka lawm e.

**Pu B. LALTHLENGLIANA** : Ka lawm e. Pu Speaker, a hmasa berah chuan Printing & Stationery Demand No. 18 hi kan sawi ang a. Printing & Stationery hi U.T. kan nih chhoh tirh khan siam a ni a. A tir taka ruahmanna nia langah chuan, Mizorama Department hrang hrangte Printing leh Stationery lama an mamawh lo la khawm a, chuta tanga Department hrang hrangin lam khawm tur nia ngaih a nih laiin, tun hunah hian nasa fein chung chu kan bawhchhia a. Department hrang hrang hian mahni in pawn lamah Stationery mamawh leiin Printing & Stationery an dawr lo a. Chuvangin, Stationery in pawisa an neih chhun atanga material an lo lak khawm sa, dawr loha a awm fo thin avangin Godown ah tam tak hluihlawn, chhia a awm thin a. Chumi avang chuan sorkar hmasa khan decentralised leh centralized item-in a then a, stationery in a lakkhawm tur tih Department in direct a a lei tur kha an thliar hrang a. Stationery Department in a chan item ho a kha chu, Department hrang hrang hian he sorkar ah hian Printing & Stationery atanga lak theih hram ni thei sela. A chhan chu Printing & Stationery hi revenue earning Department ve tho a nih avangin kan revenue kan lo earn theihna turin kha kha kan ngaih pawimawh tlan theih a tha awm mang e, ka ti a.

Tin, sorkar hmasaah khan four colour khawl leh image shutter te lei a ni a, alo awmsa nen changtlung taka thuam a ni a. Chumi anih avang chuan chhut turah pawh hian sorkar department hrang hrang hian kan dawr rawn a pawimawh awm mang e ka ti a. Nikum term tawp dawnah khan Mizoram Calendar hi min chhut tir teh u, kan ti a, min chhut chhin tir a, copy singkhat vel min han pe phawt a. Amaherawhchu, sangnga ah min tih tlakhniam sak leh a, sangnga kha chhut niin ka hria a. Sangnga kan han chhut khan phailama an chhut te nen danglamna a awm chuang lova. Phai lama an tih theih ang kha kan lo ti thei ve tawh a ni tih a chiang a. Chumi anih avang chuan Mizo zirlaibu, sikul text bu pawh hi phailamah chhut tir thin a ni a. Printing mistake tam tak a awm thin kha ani a. Printing mistake a awmhian naupangte awlsam taka misquide theih anih avang hian Mizoram chhungah ngei a bu siamtutena proof reading awlsam taka an neih theihna hmunah hian Printing and Stationery hi khawl lamah a inbuatsaih fel thawkhat tawh bawk a, zirlaibu hi engemaw chin tal chu chhut tir ve theih ni se, revenue an earn mai bakah Mizoram tan a tha dawn a ka hriat

avangin Pu Speaker, vawiinah hian Printing and Stationery ah hian ka'n rawt lawk duh a.

Tin, Demand No. 42 Transport ah hian Directorate Office building thiat a ni a. Hei hi sak tum hnai ani em ka hre lova. MNF sorkarah khan helai hmun hi Multipurpose deuh hleka hman tura ruahman kha awmin ka hria a. Kawng thlang lam an hnuai leh kawngchung lam chin zawng a hi parking atan tih nise. A chungah Directorate Office building emaw thildang Office building, Directorate Office building anih kher loh pawha ruahman ni se tih kha a awmin ka hria a. Chutiang chuan kalpui theih nise thani ka hria a. Hei, Motor registration nitin, kar tina hriat danah chuan ni khatah 20 deuhthaw niin ka hria a, registration awm thin a hi, two wheeler te nen. Chutiang te chu anih avangin kan ram kawng kan zauh mai thei tawh si lova. Khawlaiah parking awm loh vanga harsatna tawk tam tak kan awm tawh avangin parking hi a tam thei ang ber siam a pawimawha ka hriat avangin chu rawtna chu ka'n thlen duh a.

Tin, khulai Rangvamuala Ch.Saprawnga Truck Terminal khu peihfel thawkhat tawh niin a lang a, amaherawhchu, phai lam atanga truck lokal te an leng loh vangin engemaw vanga khulaia ding duh lo engemaw zat an awm niin a lang a. Edenthal atanga Vaivakawn inkar an rawn khat chho vek mai a, saw sawn Bawngkawn leh Edenthal inkarak sualna nasa tak a tih punlun nia a lan avangin hman theih mai a thil awm tawh a nih vangin kan Minister hian khalai kha lo en rang thei se a lawmawm khawpin ka ring a.

Demand No. 40 - Disaster Management and Rehabilitation Department tih hi tawitea sawi ka duh a. Silpauline chungchangah, nichinah khan a sawi tawhin ka hria, Silpauline hi hetia han sawi hi chuan ho te a lang mahse, thingtlang bialtu tan chuan thil pawimawh tak a nih avangin, hei hi kan Minister zahawm tak hian ngaihtuahna lo hmang leh se a thain ka hria. Bundle 4/5 vel te min pe a, Minister zahawm takin chu chu bial mamawhte hnenah kan han pe ve a, Directorate lama dil te leh D.C. lama dil te mi engemawzat bial chhung atanga lo kalte an awm thin a, chungho chu Directorate leh D.C. lam atanga diltu hnenah bialtu hnenah Silpauline chu lam tur tiin lo kawhhmu an awm thin avangin lo zin zawng zawng Silpauline mamawh lam an tum a. Amaherawhchu, kan Minister zahawm takin a min pek chhun hi tlemte a ni a, vawiinah hian zep tur pawh a awmin ka hre lo a. piece 40 vel pek hi a size te chiin kan thlenga piece 80 velah kan chan tir a, chu pawh chu reiloteah ka pe zo vek zel a ni a. Chuvangin, Silpauline semah hian MLA te an bial tena min hmuh rau rau dawn chuan kan mamawh tawk min pe thei se tih kha ka'n sawi lang zawk duh a.

Tin, Sericulture Demand No. 41 na hi sawi tulin ka hria a. Budget a bu a kan enin, a ngaiawh che che niin alang a. Sericulture hi kan ngaih pawimawh hma chuan Mizoram hian hma sawnnaah ke kan pen chak dawn lo niin ka hria a. Chuvang chuan, Sericulture ah hian pawisa dah tam theih deuh nise tha ka tih thu ka'n sawi lang duh a. Chutih rual chuan pangang khawitute pangang chaw thingtheihmu hi kan sawi fo tawh angin han sat bung hmawk ila, a letling zawng pawhin leiahvit phun ila, khawilai Mizoram leilungah pawh nung thei mai a ni. Chutiang khawp a kan ram ngeih chu pangang chaw tha a nih avangin leh

nichina chawhma lama sawitu Lawnglai 'E' bialtuin a sawi ang khan, a rate tha lo deuh lai a awm anih chuan a rate tih that ni sela. Hei hi chhungkaw tam takina eizawn nan, intodelh nana an hman theih tur department anih avangin Office lam an indaih lohnate thil dang harsatna an tawh zawng zawngte a rang thei ang bera he sorkar hian ennawn pui a, thuam that a thain ka ring a.

NLUP ah khan Sericulture hi a lo lang ve a, a lawmawm hlein ka hria a. Chuvangin, chhungkaw tam tak, a let engemaw zatin eizawn nana an hman theihna turin Sericulture hi kan thuam that a pawimawhin ka hria a. Ka sawi fo thin a, Silk saree vainu maktaduai telin eng tik lai pawha an bik a, an lungawi chhung hian a rate, a market-ah a buai ve lo. MoU sign a ngai ve lo. Chuvangin, market tha saah hian kan sorkar hian kan kut hnathawktute eizawnna tur hi kan ngaihtuah chak a pawimawh awm mang e ka ti a ka'n sawi zawk duh a.

Tin, Demand No. 37 Cooperative ah khan tawite sawi ka duh a. Kan Sports Department lamin Republic Veng mawng Pitarte tlangah Sports Complex tha tak mai an sa mek a, a ropui a, a lawmawm ka ti a, keini kan veng tan phei chuan veng hnaite kan nih avangin kan chhawr phak leh zual tur ani.

Mahse, chutihlai chuan khulai ram khu Vety ram anga lang mahse Pigfed in an lo enkawl Pigfed Office te pawh sak a ni a, khutianga Sport Complex sak a lo nih takah khuan Pigfed Office te thiah a lo ngai ta a. Engmah compensation leh thil dang awm lova, a Pigfed tenen pawh sawihona awm lova, hetiang a inthiah sak ngawt ang chi hi a thain ka hre lova, chuvangin Pigfed hotute nen pawh sawi tlan a, Office thiahaha tur pawh compensate ni thei se a thain ka hria a, he Cooperative hi India ram mai nilo, khawvelah pawh hmasawnna atan min an lo hman a nih avangin NLUP a rinluh a ni ve lo te kha pawi ka ti a, hengte hi kan sorkar hian ennawn leh a, Coopeation hi rin luh ve a, entirnan Pigfed te MULCO te, ZO fish-fed te pawh hlawhtling taka kal chho mek a nih avangin Co-operation atan hian hmasawnna tam tak, kan kut hnathawktute hmasawnna tur a hma kan laknaah hian kan tih theih tur awm niin ka hria a.

Pu Speaker, Demand No. 6 na Revenue Department, tawitein sawi ka duh a. Sorkar hmasa khan Hualngohmunah Surveyor training centre tur a hmun ruahman fel vek tawh a ni a, engemawchen hmalak tawh a ni. Congress sorkar hian chaktaka chhunzawm nisela, Surveyor training hi kum  $\frac{1}{2}$  te zir a ngaih avangin phaia man to tak sang taka tirh thin an nih avangin kan ram chhunga a zirna hi siam a tha a kan hriat avangin hei hi ruahman kan ni a. Chu chu tihpuitlin ran ni thei se a thain ka ring a. Tin, Surveyor tuna mi 20, 30 dawnlai contract a lak dah ngheh theih loh khu kan hunlai khan dah ngheh turin post kan dil a chu regularised sak a, dah ngheh sak theih ni se a thain ka hria a, a chhan chu anni ho khu special a thlaruk kan train tir an ni. A chhan chu an subject zir tur kan ram tana a relevant subject bik zuk thlang chhuak a, thlaruk chhunga zir zo thei tura train tir an ni a. Chutianga kan mamawh avanga tih tir kan ni a, chu chu an service enzui sak nise tih kha kan sawi lang duh bawk ani. Sawi tur tam tak awm mahse, Pu Speaker, ka sawi seng lo ni rawh se. Ka lawm e.

**S P E A K E R** : Tunah Pu John Rotluangliana.

**DEPUTY SPEAKER** : Pu Speaker, ka lawm e. Demand No. 18-na Printing & Stationery hi tawite han sawi ka duh a. Hei hi a din tirh atang hianin a din chhan hi a la hlawhtling lo a niin ka hria a. Nichina ka hma a mi ten an sawi ang khan Department zawng zawng hian Printing & Stationery through hian Stationery te la thin ni sela chuan he Department hi Department lian tak, tin, Revenue earing a tihrual khan Revolving fund pawh nei thei mai tur a ni a. Chuvang chuanin hei hi tun aia strict zawk hian kan hotute hianin hemi kal tlanga Stationery hi lak turin ‘order’ hi chhuah that leh nisela. Tin, department hrang hrangin hei lehkhabute an siam thin a, entirnan - Vety lamin ‘Ran vulh Puitu’ tih angte, hetiang ang zawng zawng pawh hi hetah vek hianin chhut ni sela chuan, siamtir ni sela chuan hei hi nasa zawkin kan hmang tangkai ang tih ka ring a ni.

Tin, Demand 23-na Art and Culture hi. Hei hmanni khan Art and Culture hianin khawvel hriatah min pholang a, a ropui hle a. Vawiinah hian kan House kaltlangin Minister zahawm tak pawh lawmthu ka hrilh a. Amaherawhchu, chumi rual chuan hemi Cheraw kan runpui kan neih lai khan, sawtilai Bazar tan kha chuanin problem kan siam leh tho mai a tih kha ka thinlungah a awm a. Ka thinlungah sawtah kan Airport hlui Tuirial lamah te khan lo ti ta sela, nula tlengval an phur si a, a va nuam lehzual dawn em aw tih kha ka rilruah a awm a. Amaherawhchu, tilaiah khan an ti ta a, ngaihtuahna dang kha lo hmang nit a sela chuan sawti lam kha han ti selang chuan mite harsatna siam lo khan khawvel record hi kan va siam tho awm ve aw tih te pawh kha ka ngaihtuahnaah a awm a, chu chu kan sawi kai a ni.

Tin, Demamnd no. 42 na ‘Transport’ tih hi hei, ka hmaa miten an sawi ang khan hei pawisa pawh Transport-ah hian a tlahniam a. Mahsela vaibelchhe 200 lai kan hmu leh dawn a, kan hotuten an rawn dah belh leh turah ngai ila. Transport han tih ruala, an Bus te hi mit thlain a tling nghal ringawt mai te hi, siam that ve chu a hun tawh a ni. Transport Bus ah han chuan dawn kha chuanin a ri deuh tuk tuk nghal tlat. Chuvang chuanin hei hi a standard hi maintain deuh hlek nisela.

Tin, tunlaiin Motor, bike accident a tam em em mai a, engvangnge ni ang aw tih ka ngaihtuah thin a. Ka ngaihtuahna pakhat a lo lang chu, Mizo te hi lirthei khawih kan zei em em a. A bikin two wheeler te phei chu nula tlengval in an han ti a, vawihnih khatah an thiam mai a. Mahse, chu chuanin a traffic rule lampang kha an hre leh si lova. Hei hi inzirtir a ngaiin ka hria. Kan ram kawng hi a lian viau lo naa, two wheeler-in pelhna atan chuan a lian khatin ka hria. Mahse, chutiangah chuanin kan insu chat thei mai hi traffic rule lampang hi kan inzirtir ngun viau a ngaiin ka hria. Tin, Driving Licence chungchangte pawh hi lak a awl lutuk deuh emawni chu aw, driving school-ah thlakhat emaw lek an han zir a, an tlawh lir thei chauh a driving licence an la zel mai a. Hengte pawh hi Residential Certificate tello chuan a lak theih loh tih te pawh hi awm ta sela. Chutianga systematic deuh hleka kan tih loh chuanin kan lirthei ngam lutuk hi

kan thih phah tam lutukin ka hria. Chu chu kan Minister zahawm tak khan min lo chhinchhiah sak sela.

Keini kan bialte khu a mawng ang reng a, khu tah Tripura border atanga rawn bei chho kan ni a. Tuipuibari Bus te pawh hi service kan dil ve thin a. Kan hmuh hmel thin viau va kan la hmu lova. ‘Sumo permit an hawng e’ an ti a, ti thei awm deuh te Sumo permit kan han dil tir a. ‘Recommend-na rawn siam rawh’ an ti a, kan recommend a an la thei leh ta lo nge ni hei, a reh leh vang vang mai a. Hei hi hmun dangah chuan a harsa deuh anih pawn, a bikin a kilkhawr lam hi chu tlema min ngaihtuah ran sak deuh turin ka han ngen nghal duh bawk a ni.

Tin, Demand No. 22 na Co-operation hi tam tak sawi tur ka hre lo. Amaherawhchu, Zokhuaah hianin, Firm and Society tih te leh eng engemaw Society, an tui em em mai a. Mahsela, Aizawl atang vek mai a enkawl an ni hi a buaithlak a. District hrang hrangah hianin Officer, Dy. Registrar chin ang hi chu min han pe ve ta ang se chuanin kan awlsam phah em em ang a. Tin, a department dange te pawh khan han sawi zau deuh ta ila. District Office tur hi chu District-ah min han pe ula chuan Aizawl kan tawt mup mup te pawh hi a reh deuh tur maw le.

Transport te pawh kha nichinah khan kan sawi thuak tawh a. Anni pawh khan Transport Office te min pe dawn hnai ni tein kan hria a, hma min han lak sak vat vat selang chuanin District Office te han nei ve ila, Aizawl-ah vek mai thil tih hian Aizawl hi kan ti tawt lutuk ni te pawh hian ka hria a.

Tichuan, Demand No. 30 na Disaster Management & Rehabilitation. Hei hi engtinne kan tih ang aw. Silpauline sem Department kan ti mai dawn em ni aw ka ti a. An training an training a. A tawpah Silpauline an sem leh a. Kan ram ang em em a Silpauline sem hnem hi an awm lovang ka ti a. Hmanniah Shillong ka kal a by road-in kan chhuk thlaa Khawiahmah khuan Silpauline an phah ve khu ka hre lova. Kan ram hi chu han hawi vel ila Silpauline hi a paw vek vuk mai a. Tin, a duh lah hi kan duh Silpaulin hi. Hmang tur miah lo pawh hian khum hnuia dah tur hrim hrim atan pawh a kan duh hrim hrim pawh hi a mangan thlak. Hemi system pawh hi kan tihbo va, engangin nge Disaster Management hi hmun dangah te an thawh ve chiah le.

Hei nimina kan question-ah khanin ram kang avangin kuminah mi 8 laiin nunna an chan tawh a, heng te hi tanpuina pek theih an ni em tih kha LAD lampang kha chuan theih loh tih a ni mai a. An theih loh si chuan Disaster chu an ni ve tho lawm maw ni le? Hengte hi Disaster Management atang hian tanpuina te a pek theih em? Kang an nih vang khan an thi lo pawh a ni bik si lova. Hengte hi ngaihtuah ni selangin. Tin, 13<sup>th</sup> Finance Commission khan Disaster Management atan Vaibelchhe engemawzah an rawn pek belh dawn bawk si a. Chungte pawh chuan hetia Department a a kal chho zel a sorkar laipui lamin pawisa te an pe chho anih chuan. District lamah te pawh hian rawn hawi ve ta ula. Silpauline mai nilo deuhhlek hian hma rawn la thei ta ula a va tha awm ve tih ka han sawi duh a.

Tin, Demand No. 41 na Sericulture hi ka thian ten an vei ang tho khan ka vei a. Hei hi Mizo hnam mawl ber pawhin tih theih a ni a. Pangang vulh thiam loh hi chu a awm ka ring lo. A market lah a tha bawk si. Tute nen emaw kan sawi ang khan MoU sign pawh ngai miah lo. A department mai pawhina lei tur khawp la hmuh zawh loh ani a. Pangang hi a hlau chi an awm a, mahse a hlau deuh chi pawh hian a vulh a an vulh chuan an hlau miah lo an ti. Chuvang chuan hei hi ka bial lamah khuan rawn introduce tam ta ula. Ram duh zau vak si lo, eizawnna tling a ni a. Mizo hi chu rilru hmanhmawh chi a thar rang chi duh deuh kan ni a. kan thianpa fiamthuin “Mizo hi chu hupthuk khel tawk vel kan ni a, a hman hmawh zual deuhte phei chuan hawng thuai rawh anti e” a tih ang deuhin thar rang duh chi kan ni a. Hei hi a thar rang em em mai si a. Chuvang chuanin Sericulture hi Mizoramah hian hei ai hian uar zawk ila, sum leh paiah kan hotupain a rawn sawichhuah ang deuh pek belh nghe nghe ila tih hi ka ngaiantuahnaah a awm nghe nghe a ni.

Tin, Animal Husbandry tih hi a hnuhnung berah ka'n sawi lawk duh chu, Vety. hi engtinng an function chiah le? Keini chu tu tihdan takah Bazar bula awm kan ni a. Mi ramah chuan Bawng an talhte Vawk an talh te hi Vety. lam hianin Seal a rawn mark thlap thlap a ni. Keini chu a tu kha nge rawn duty tih kha a hriat loh reng reng, Vawk ke a nat lai anih chuan a ke kha kan hmu lo mai, Bawng ke a nat lai anih chuan Bawng ke kan hmuh lo mai., sa kha a awm tho si a. Chuvang chuan hengte pawh hi en deuh nisela.

Tin, Bawng, Vawk a ni emaw, a duh duhna hmuna talh ringawt hi Vety kut tur nge ni a, Trade & Commerce kut tur, an pahnih pawh chuan lo endun ta sela, Inrinniah phei chuan kawn apiangah Vawk kan talh ringawt mai a, a kawn hla deuh ami phei kha chu a tual vawk hmel bik riau mai a. Chuvang chuan hengte pawh hi awmze nei deuh hleka ran kan ei tur ngei ngei kan enhiana Doctor te pawh hian a hriselna te pawh en a tha lawm ni tih te pawh kha Pu Speaker, tawite ka'n sawi ve a ni e. Ka lawm e.

**S P E A K E R** : Pu K.Lalrinthanga, a dawt lehah Pu Lalrinawma, a dawt lehah Pu T.T. Zothansanga.

**Pu K. LALRINTHANGA** : Pu Speaker, ka lawm e. Ka han sawi duh hmasak chu, kan lehkhabu dawnah hian Work Performance Budget 2009 – 2010 Work Programme 2009-2011 tih kan dawng a. Tin, Demand for Grant tih kan dawng bawk a.

Demand for Grant ah hian Department 48 a inziak a, hemi a te zawk Work Performance ah hianin Department 40 a inziak a. Department 8 a kim ta lo a ni. Work Programme hi kan han chhiar han chhiar hian Department hnathawh tur a hi kan hrechiang thei vak lo a ni.

Hemi Session kan neih tawh hnuah hian Work Schedule hi Department hian a tlangpuithuin an siam thin niin ka hria a. Mizoram State-in a

hetia Assembly kan neih ve chin atang khan hei hi ngaiantuah chian deuh chuanin keini a hminga MLA han inti ve hian ro kan han rel a, Budget te kan han sawi ve ngial a. Mahse, kan thawh tur hre ngawt lo hian kan passed mai thin niawm hian a lang a, a zahthlak viauin ka hria. MLA ni ve ina kan hnathawh tur hre lova, kan han sawi kan han sawi a hi dik lovin ka hria a. Kalphung thar hi hun kal leh turah hian a awm thei em aw tih ka ngaiantuah a. Chu chu ka han tarlang hmasa duh a ni.

Demand ah khan ka sawi hmasak ber duh chu, Printing & Stationery kha, a hmasa ber a ni bawk a, Demand No. 18 naah khan, Stationery goods centralize chungchang hi sawi a thain ka hria. Tunhma 1990 chho vel kha chuan, Sorkar khan a centralized a, Department zawng zawng khan an zawnm deuh ti tih a ni. Amaherawhchu, 1999 vel atang khanin Sorkar hlauh lohna hi Department hrang hrang atangin a piang chho deuh a. Cashier ten an duhna hmun dawrah an va la zeuh zeuhva, helamah Minister lam atangin engnge ni lo hriatpui vena deuhte pawh a awm a ni mahna. Tun dinhmunah chuan kan Stationery Minister chuan a stock kha wholesale a hralh zagh vek kha a ngai ta ani. Chutiang ang chuan thil a kal chho a. Chuvang chuan hetiang a thil kal thin hi ka hmaa Deputy Speaker-in a sawi ang khan Centralise leh ila, a quality hi maintain ila. Chutiang chuan sorkar hi a kal tha theiin ka ring a. Chutih ruala ka han sawi duha chu Department hian Purchase Board a nei ve thin a. Chumi kal tlang chuan approved rate Stationery goods hrang hrang hi an siam thin a ni. Department-in quotation an han call a, chutia quotation an han call chuan rate hre tak takin an han chhang a, rate hre lem lovin an chhang ve bawk a, Company rate aia hniam deuha chhangte an awm bawk a, a aia sang lutuk a chhang te an awm bawk a. Tichuan, comparative statement an han siam a. Purchase Board an han thu leh a, an rate quote a kha an han thlir zawi zawi ta a, a rate hniam hniam a kha Purchase Board in an thlang ta a. Chutiang a rate hniam hniam an thlan chuan material ah khan, quality tha lo supply-na tur kawng a rawn inhawng ta a ni. Company rate hre lovin hniam tein a chhang ta a. Purchase Board member ten rate an hre bawk si lova. "Hei pawh hian hetiang hian a supply theih dawn, a hniam hniam te chu kan appove dawn lo'm ni" tiin approve rate kha an siam thin a ni. Chu chu kan Stationery Department material quality kha a tichhe ta thin a ni. Supply an pek rate khan, khami rate a an supply dawn chuan a quality chhia an lei a ngai ta a. Chutiang chuan a kal a. Departmental Purchase Board kan siam hian rate hre deuhte Board Member ah dah thin ila, Printing & Stationery atangin Quality tha material kan nei theiin ka ring.

Transport Department ah khan kan sawi nual tawh a, ka han sawi ve duh chu Traffic hi a tawt em em a, chuvang chuan kan che theilo tanin a hriat. Ramdang a kan kal chuan a in chhawng sang chungah te hian Car hi a fu fur tawh thin a ni. Delhi ah erawh chuan Motor kawng sirah Parking an siam a, hmun an ngah a, a la ziaawm a, mahse, ramdang Hongkong te, Thailand ah te chuan in chhawng chungah hian Car hi a fu fur ani. Hun kal leh turah chuan Department hrang hrang mahni Department building sa tur te hianin hetiang project hi siam tel thin sela, Car luhn tur an building ah siam sela, lift awm bawk sela, an building chungah Car park-na tur nei mai sela, chutiang chuan Transport Department hian order siam ta sela a thain ka ring a, kan tangkai pui viau pawhin ka ring.

Tin, two wheeler kal reng reng hi tihian hnunga Car sirah an rawn kal a, Motor a jam a, a jam tih pawh hre ve reng si khan an rawn lehpel sung sung a, a insiam rem tur lai, motor jam insiamrem tur lai bulah khan an va ding a, kal hleih theih lohin a awm thin a ni. Traffic Police te hianin hei hi enngun deuh se thain ka hria a, Motor a jam phawt chuan 2 wheeler hi rawn kaltlang lo sela, a jam bulah va dinglo sela, khatianga rawn kal reng reng chu man ve tawh thin sela, a thain ka hria. Hei Taxi hi pawisa hlawh chhuak annih avang hian Traffic Police te hian engemawchenah chuan pocket money siam nan hian hmangin an duat deuh a ni mai awm mange aw! tih ang deuh hianin a zuk ngaiantuah theih a. Hmun thenkhatah chuan an han inti ding a, kut an han intawksir te pawh hi hmuh tur a awm ve nual a, engeni tih kha chu kan zuk sawi thei lova. Calcutta ah khuanin vai pakhat chuanin traffic police hi a bum thin a. (an strick khawp a) an lo dan tawh chuan lehkha them hi a thlep a, tian hmalamah an la ngam si lova, hnunglelamah ti-an an la a, lehkha chhiate an pe thin a ni. Chutiang deuh chu a awm ve emaw ni chu aw! tih hi ka ngaiantuah deuh a ni. Hei taxi, passenger kan fimkhur lo lutuk nge ni hnung ami te tan, motor rawn kal fimkhur lo lutuk hi an awm ve thin a. Passenger laka muang deuh deuhvaa awm hi an tam a, keini kan awmna lampang khu Aizawl West lam a ni a, a tawt a, khatiang kha kan hmu teuh thin a ni, sawi tur hi. Pu Speaker, khawngaih takin, tun a i hmeh khanin minute 2 in ka hun tur awm ang taka kha a pel a nia. Dar 2 leh a chanve kha minute 2 in a lo pel a nia, ka han en a maw, khawngaih takin tlem hun mi pe leh turin ka ngen che a.

Driving licence pek chungchangah khan nichinah khan fimkhur nise tih a ni a. Traffic Police te hianin Motor rawn khalh reng reng a hi hmun thawlah driving licence nei leh nei lo an check rual hianin, hemi motor vehicle sign a hi a khat tawkin an hria nge hre lo tih hi zawt thin se thain ka hria. Khatiang hrelo kha chu, man mai sela, an hriat leh hma khan chuan chhuah lo mai sela, a thain ka hria. Chutiang anih chuan kan in veng thei ngawt ang ka ring. Driving manual hrelo lutuk, motor khalh an tam lutuk a, chu chuan min veng theiin ka ring a. Tin, motor kan han khalh hian thenkhatin veilamah kan sigal an pe a, hmun dangah chuan midang motor nei tu tana hlauhawm tur lamah zel signal a sen an pe a. Mizoramah chuan kan penna tur lampang midang tana hlauhawm tur lampangah te signal thenkhatin an pe a. Thenkhatin helam pang an kalna tur lampang signal an pek rualin in pass nan khan signal an pe bawk a, tikhanin kal a rem loh avangin kut nena kan thawh loh chuan tun laiin air condition car te a lo awm tawh a, kut kan dah chhuah kha arem tawh silo a, chuvang chuan kan motor khalh lai kan kalna lampang tur mi kal lo se kan tihna lampangah hianin red light hi hmun dangah chuan an pe thinin ka hria a, Mizoramah hian kan pek pawlh thin a, hengte hi inzirtirna chiang deuh awm sela thain ka hria, ka lawm e, Pu Speaker.

**S P E A K E R** : Pu R.Lalrinawma ilo sawm ang.

**Pu R. LALRINAWMA** : Pu Speaker, ka lawm e. Hei vawiinah Department pariat Minister 3 Demand kan sawi ho a ni a, tah hian sawi vek sen a ni lova tin, Demand-ah hian demand a pawisa mamawhte helaiah hian a tlem deuh helaiah hian a tam deuh tih lampang kan sawi lova, an demand a hi a tha tawk a,

kan ngaimawh zawng hi demand sawi pah a department concern-a kan ngaihawh zawng kan sawi deuh berin ka hria a. Chuvang chuan kei pawh tawite tein han sawi ve kan duh a ni.

Demand No. 42 na Transport ah hian hei tuna an sawi ang deuh khan Traffic rules te pawh kan inzirtir mek bawk a. Insurance hi Dan ina phut vang ni lo hian ngaih pawimawh a ngai hle, Motor neitu ten kan ngai pawimawh tawk lova.

Tunlaiin kan hre theuh a, accident te a tam em em mai a. Hengah hian Social Welfare Legislation mipuite hamthatna atana Dan siam a ni a, accident a lo awm khan, vanduaina chungah mi ina lukhawng, luman kan neih theihna tur ani a. Chuvang chuan tam tak chuan a check tute kan hel theih vang ringawt ten insure hi kan ngaih pawimawh tawk lo hle a, Motor neitute hian Insurance valid ngei a ni tih hi check reng thei ila, tichuan mi pawi kan va khawih palh te, kan motora miten vanduaina an tawh palh tein lukhawng a nei thei a, Insurance a claimed theih a ni tih kha an hriat atha hlein ka hria a.

Tin, tun hnaiah road tax pekna te tunhmaa buaithlak em em thin a kha kan Minister chak takin ruahmanna an siam a. Aizawl chhim lam tan, Hmar lam tan ti tein ruahmanna an siam a, hei hi a lawmawm hle mai a. Hemi rual rual hian hei aia la tam zawkah te hian la tih theih nise duhthusam zawk niin ka hria.

Nichinah kan Member zahawm takin Transport Building chungchang kha arawn sawi tawh a, Pu Speaker, saw saw sak that anih a, he sorkarina a lo ruahmanna ka hriat danin Parking tur tih te chu a ni ngei mai a. A kawng road level chunglam erawh chu chhunzawm tawh loh nise, ka duh hle a. A chhan chu Aizawl khawpui hi a tawt em em mai a, han hawi thawvenna tur a awm lova, hetiang a in kan sak khah zel mai hi chuanin khawsak hi a tibuai ani. Chaltlang chho tepawh In a ding chho leh deuh ut tawh mai a, Durtlang kawng chho te pawh In a awm chho a, han hawi thawvenna tur te hi a awm lova. Chuvang chuan sawlai saw sak that leh anih pawhin road level bak saw chu sak loh nise, a tha awm mang e, ka ti a.

Demand No. 23-na Art & Culture-ah hian Demand sawi ni a ni bawk a, thil ropui tak a lo thleng a Minister chungah lawmthu kan sawi a. Khang kha thenkhatin sawisel mabsela, thalai sing chuang fe ina kan hnam culture, kan Mizo lam te an rawn thiam tharte kha a ropui em em mai a. Chumi rual chuan Mizote kan inlungruahna lo lang a kha a ropui a, a changtu Minister leh kan Chief Minister te thahnemngaihna a ni a, a lawmawm hlein ka hria a ni.

Tin, thil hlui humhalh chungchangah te pawh Art & Culture hi tunhmain Department te ngaihsak vak loh a ni thin a, Minister chak tak kan han nei a, department pawimawh tak a lo ni chho ta te hi lawmawm hle mai a.

Demand No. 6-ah Land Revenue and Reforms chungchangah hian Pu Speaker, a reforms hi kan ngaih pawimawh lo emawni aw a tih theih a. Tunah Minister chak tak kan nei a, a reform lam a rawn buaipui chhova, dan siamthat

ngaite a tam em em mai a. Tin, kan land holding system te pawh hi siam that angai, tunah chuan limit awm miah lovin ram zau tak takte kan nei a, hman tangkai si lovin, hengte pawh hi a dan te hi siamthat a, tiang ang khan, tunah hian Revenue Department hi department ah hian Court lama thubuai ngah ber ani deuh reng te hi a danin a zir loh pakhat anih rualin a thawktute pawh tan lak a ngai a, indaih deuh zawk thawktute pawh an awm mai a, dawhkan atanga pass siam mai lova a hmunah te pawh an kal hi a ngai hle a ni.

Demand No. 37-na Cooperation-ah hian han sawi lan ka duh chu, an organization set-up ah hian Registrar pakhat a awm a, Addl. Registrar pakhat leh Joint Registrar pakhat a awm a, Jt. Registrar te hi chu pahnih tal awm awm tak a ni a. Dy. Registrar hi pali an awm leh a, hengte pawh hi post create chawp a ngai anih pawhin a changtu Minister in hma la sela, an department hi department pawimawh a ni a. A hma lama an sawi tawh ang khan Cooperative movement hi rethei te khai chhuahna leh mahnia eizawnna dap thei lo te intel khawm a, eizawnna dapna hmanrua tangkai tak a ni a. Mizote pawhin kan thiam sawt hle mai a. MULCO tih te pawh, Aizawl khawpui Bawngnute a chawmtu a ni tawh mai a. Mimal a harsa kha, Cooperative movement khan tih theih a ni a. A thawktute pawh Joint Register hi pahnih awm awm tak a ni a.

Tin, Cooperative Act nikuma kan pass-ah khan District hi Dy. Registrar enkawl tur a ni a. Tunah hian Asst. Registrar lam atanga enkawl hi ni awm tak a ni. Hengte pawh hi Dan anga kal a tha hlein ka hria.

Disaster Management ah khan ka hma a mite sawi ang khan kang mei te a chhuak fo mai a. A bik takin ka bial phei chu kan vanduai nge, in kang hi kan hre zeuh zeuh a. Hengte hi Disaster a ni ve tho lawm ni an han tih kha ka thlawp duh a. Tunah kan training a, Mock drill te kan ti a, Lirnghing atan kan inbuatsaih a, a that tho rualin tuna kan tawn mek kangmei atan te pawh inbuatsaih ila. Fire Department an awm rual rual hian an indaih lova. Chuvang chuan helamah te pawh hian hma lak theih nise a lawmawm hlein ka ring.

Demand No. 34 naah Vety. chungchangah hian question hunah khan kan sawilang thuak tawh a. Han sawi chian leh deuh ka duh chu Kawlkulh Piggery Village Kawlkulh II Sairang piah a awm daih khu a hmunah pawh ka tlawh ve tawh a. Hei hi Sorkar hmasa ruahmanna a ni a. Cheng vaibelchhe tam tak sengin in te, Vawk In te dinin, tah chuan chhungkua an dah khawm ta a. Tichuan vawiin thlengin Electric bill leh Tui bill pek sak an ngai a. Khatianga chawm hlawm tura mi dah khawm kha chu a awma te pawh inthlak kual ve ila, Vawkte an pe a, Vawk tharchhuah a awm leh si lova, sum tam tak a luang ral a. remhriatna mak tak a niin ka hria.

Chuvangin kawng tha zawk dap a, enkawl a nih loh chuan, chawmhlawm tur ringawt a chhungkaw engemaw zat dahkhawm kha chu kan tihtawp ngam thani ka hria.

Sorkar hmasaah Horticulture in hmalak an han tum a, Vawk vulh pawhin huan te siam ula, an ti a. Mahse, khatilaia Vety. Department chuan kan Department hmalakna a ni a, department dang inrawlh a rem lo an ti tlat mai a.

Department dang nen hma la tlang se Vawk vulh pahin huan thlaite siam se a hlawhtling zawk tur a ni a.

Chutiang chuan khulai mai lovah Kawlkulh tak takah a awm bawk a. Chu chu tiahvaih san a ni der tawh a. Sum tam tak tiang khan a luangral a, tunah Pukpuiah pakhat a la awm bawk a. Heng ang hi enthat a tul hle a ni.

He Demand hi sawisel tur a awm lova, kan ngaihtuah zawng kan sawi a ni mai a. Chu chu ka han sawi ve a ni. Ka lawm e.

**Pu K. LIANTLINGA** : Pu Dy. Speaker, vawiinah Demand te kan sawi tan a. Engemaw zatin kan sawi tawh a, a lawmawm hle a . Demand No. 18 na Printing & Stationery chungchang hi keipawhin sawi ka duh a.

He department hi sorkarin a ruahman ang chuan a kal chiah lova. Department hrang hrang tena O.E. an han tite hi centralized-a pawh khawm a, chuta tanga Stationery leh thil dang printing tul apiangte pawh tih tur ni awm tak a ni a. Hei (Higher & Technical Education Department khan Scholarship te pawh kha centralized kha an tum a. Khatiang ang khan ruahmanna fel tak awm se a thain ka hria. Tin, hei hi a thatna chu a department changtlun leh a len mai bakah hianin Private firm te, Offset Printer tam tak an awm a, hengte hian tunah hian a nihnaah chuanin hna an hmu lo a ni. Printing and Stationery Registration fel tak neiha an thawh sen bak khang Private Firm-ah te pe ve tur an ni a. Hei P.W.D te pawhina Regular Contractor an han nei a, an hnathawh sen bakte an pe ang khanin, Private Firm te siamtur anih bakah amaha han intihchangtlun a pawimawh a ni. Khatiang khan centralised chu ni se crore tel fe hi tih luh tur a awm a, khang kha Private ten an lo chang ve leh ang a, Act fel tak neiin a hnuaih an in register ve ang a, chutiang chuan kan Private firm te hianin hna an hmu ve dawn a ni.

Tin, tunah hianin department hrang hrangte hianin Printer/Khawl an lei a, sumdawng ang hrimin department ho hian anmahni Office chhungah hna an khawih a. Khatiang kha an kal hmang tur niin a lang a chiah lo a ni. Chungte avang chuan Printing & Stationery Department hi tihtat a ngai hlein ka hria. Tin, tunah hian an budget-ah hian supply material tiyah hianin 50 lakhs vel an nei a. Khang bakah khan pek belh ni sela chuan nasa takin hna a thawk thei dawnin ka hria a. Chuvang chuan demand no. 18-na hi kan House Leader pawhina ngaihtuahna siam a, mumal taka inenkawl dan hi awm se a thain ka hria.

Tin, Demand No. 23-na Art & Culture chungchangtuah hi chuan hmannah, kan hriat theuh angin World Record-te kan siam a, a lawmawm em emin ka hria a, ka lawmna em em pakhat chu ka tupa hi a tel ve a. A certificate kan hmu a, ka en vang vang thin a, kan chhung zingah World Record siam hmasa ber i nih hi kan inti a. Kum 10 mi lek a ni a. Chuvang chuan an hnathawh kal chho zelah hian keimahni Culture lam humhimna leh thildang ruahmanna tam tak an neihte hi chak zawka a kal theih nan te, Music & Fine Arts lamah te pawh kan zaimi te,

Musician te hmasawn theih nan tan la tu tur a ni a. Hei hi khawvel kan dah chhuah ve theihna tur a ni a. Chuvang chuan helai hi kan ngaihthah deuh niin ka hria a. Kan sorkar pawhin chak zawka hma an lak hi a thain ka hria.

No. 42 na, Transport chungchang hi sawi ve leh ka duh a. Transport chu kan hriat angin mipuite tan a hnathawktu pawimawh em em a ni a. Hei hi duh angin kan ngai pawimawh tawk lova. Department hrang hrangte sum neih ang pawh hi a nei ve pha lo hi a pawi hlein ka hria a. Chutihrualin zaghnaah pawh kan zagh tawh, nimina kan Law & Judicial Minister pawhin min chhan hleih theih loh kha han sawifiah ka duh deuh a. Aizawl khawpui chhunga Taxi tlandan chungchangah hian ngun taka kan ngaihtuah a ngaiin ka hria.

Taxi te hi mipui ta a ni a, Public Service Vehicle a ni. Mipui ta anihna hi kan zah tur niin ka hria a. Aizawlah hian MZ-01 atangin A,B,C,D,E,F, thlengin registration tih tawh a ni a. Motor 70,000 (singsarih) vel hi register tawh niin a hriat a. State danga tlan registration neite hi sangnga velah pawh lo dah ta ila. Floating vehicle kan tih, lo zin lut leh chhuak te hi sangnga velah pawh han dah ta ila. A vaiin Motor sing riat velah hian off-road tawh 25 percent pah pawhin Motor singruk vel hi a ply a ni. Hetah hian taxi ho te leh Bus 300 vel te leh taxi sangli vel chauh hi traffic ti jamtu leh mipui harsatna siamtu an nilo a ni tih kha House hian a hriat ka duh a. Tin, Mizoram mipui pawh hian an hriat a thain ka hria. Khang Taxi sangli te leh Bus zathum sawmnga vel te kha Public service vehicle an nih avangin, Aizawl population nuaih hnih vel atanga fifty percent ho ta a ni. An kal vel leh an veivahna tur anih avang khanin heti laia an ni harsatna kan han siam chiam mai hi a tha lovin ka hria a. Kawng dangte pawh ruahman deuh zawk tur niin a lang a. Kawng dang ruahmanna fel tak awm sela, chungah te chuanin rawtna te pawh han siam ta ila, Area wise in taxi te pawh hi tlan tir nisela, khatiang khan problem an nei lo tur a nia. Tin, Bus te pawh hi route neih tir sela, example atan chuan Zemabawk atanga lo tlan saw No. 1 chu Durtlang lamah tlan sela, No. 2 chu Vaivakawn lamahtlan sela, No. 3 in Chaltlang No. 4 in Ramhlun pheiah No. 5 in a ramhlun hnuaihah khatiang khanin mumal takin State dang ten an tih dan ang hian tlantir dan ruahman zawk sela. Khatiang khan Bus route leh area wise in taxi te hi tlantir ni sela. Chu chuan tuna kan taxi tam tak tlanna hi a siam belh dawn ni t e pawhin a hriat a. Chuvang chuanin, helai hi ngaihpawimawh tlak niin ka hria.

Tin, kan Traffic Police te pawh hi an in ngaihtuah a ngaiin ka hria a. Driver te hi engemaw chenah Taxi te leh Bus te a nih avang hianin, heng Public carrier chi ang te pawh hi an pawisa lo em em mai a, thil an tihsual palh hlekin, “khawng i licence ? khawng i documents” an ti a, an man zung zung mai a. Hetiang hi an tih tur niin ka hre lova, dimdawi takin an kalna tur kawngte an kawhhmuang a, an tihsual te an hrilhfiah ang a, heng Driver te pawh hi kan duat tur niin ka hria a, a chhan chu Public service Vehicle Drivers an nih tlat avangin.

Anih leh Pu Speaker, ka lawm e. Tin, hemi chungchangah Transport hian drivers-te pawh hi orientation training te leh thildangte pawh neih tir a, kawng chungchangah te passing chungchangah te, zin kawngah te pawh hianin driver-te hianin thil tam tak hriat loh an nei ve a. Light vehicle lo tlan te han pass

zung zung theihna tur atan te pawh hianin kan department-te hian hma han la deuh sela a thain ka hre bawk a ni.

Tin, Pu Speaker, No. 6 na hi Land and Revenue hi ka'n sawi ve leh ang a. Land Revenue hi a buarchuar em em mai a. Department buar chuar tak, case ngah tak tih te pawh kan hriat kha, Land Settlement leh Land Record and Survey te hi Directorate hran ten emaw awm ta sela. Anih loh pawhin Joint Director pahnih te awmin, inthenin fel takin kal thei sela, hmalak a thain kan hre deuh a. Tin, land dispute chungchangthuah pawh hian hengte hi mumal takin a dan hi legislate ni sela, autonomous body te'n awm ta sela, a bik takin mumal taka enkawl nise a thain ka hria ani.

Tin, ram chungchangthuah te pawh, New Land Use Policy te pawh han ti dawn se ram hi han insem leh dawn sela. Tunhma 1997/98 inkara an insem zawng zawng te pawh kha mimal ramah a lo lut zo tawh a. Thil pakhat Pu Speaker, kan sawi leh hram ang e.

Demand No. 42 naa bialtu MLA khan a sawi lova, Bilkhawthlir khuaah khuanin an harsa em em mai a. Animal Husbandry chungchangah Bilkhawthlir ah khuanin Rural Animal Health Centre chauh a awm a, ranruual khu an tam em em mai a, 20000/30000 vel an awm a ni, khutiang tan khuanin a bik takin ka sawi duh chu, Veterinary Dispensary te hi a hawn theih hram lawm ni Pu Dy. Speaker, hei hi kan Minister hnенah hianin kan sawi duh a ni e, chu chu ka sawi theih ni mai teh se, ka lawm e.

**Pu T. T. ZOTHANSANGA** : Pu Dy. Speaker, ka lawm e. Demand No. 18-na ah ka tan duh a. Hei Printing & Stationery Department hian Chawnpui leh Luangmuai bula ram tha deuh mai an nei a, chutah chuan building tha deuhvin zuk sa ila, heliai hmun chep tak hi sawn thlak a tha awm mang e ka ti a. Parking hi kan mamawhna a nasa hle mai si a, helai kan Printing/Stationery hmun hi tangkai deuhvin Bazarah emaw Parking-ah emaw asiam theihin ka ring a, khawpui a lo ni nen, a hmasain kan sawi duh a.

Tin, nichina kan Hrangturzo MLA zahawm takin a rawn sawi, embossed Asoka Pillar, Delhi-ah kan chhut theih ang chi kha, Mizoram sorkarin tunah chak takin Mizoram ah tih ve theih ran tura hma a la ni tih ka hriat khan lawmawm ka ti khawp mai. Tin, Tuipui East bialtu zahawm takin a rawn sawi ang khanin Mizoram ah ka thil chhut items reng reng leh kan zirlaibu tinreng mai hi Printing & Stationery hian han hma thei seng chuan, hma kan sawn tha thei awm mang e ka'n ti a ni.

Tin, Demand No. 42 na, Transport chungchangah khan han lut leh nghal ila, hei Transport ah vanneihihlak deuh maiin kan hotute ti mai ang, kan Minister te leh kan Chief Minister te an fakawm ka ti a. Tunah hian JNNURM ah hianin Aizawl city atan bus 14 a lo thleng dawn mek a. Tin, a 2<sup>nd</sup> installment ah hian hei aia tam hi a lo thleng leh dawn a ni tih hi kan hriat avang hian lawmawm ka ti khawp mai. Chutih rualin Ministry of Highway leh Transport atangte, kan

budget te nena tangkawpin bus 12 zet mai lei thar tur a'n ni tih te kan han hria a. Tunah hian Mizoramah thinglang lamah a bikin bus hi kan mamawh khawp mai. Tunhmaa Bus a kal thin kha kan ni a, sumo tun hnuah hian a han lar ta deuh a. Bus kha alo thing deuh nge ni? ka hre lo. Sumo hian a lan ta deuh zat zat mai a. Hmanni lawkah khanin Aizawl School Games kan han nei a. Chutah pawh chuanin an TA kha Transport Bus angin bill an impe a ni. Amaherawhchu, Champhaih hian Transport Bus hi a tlan tawh si lova. Sumo hlirin kan tlan mai si a. Khatiang chi harsatna te kha kan nei a. Tin, Champhai mai pawh ni lo, Tuipui 'E' bial lam phei zawng zawngahte pawh khian hemi Transport bus hi an mamawh khawp mai. Hetianga kan hotute'n a theih tawka rim taka an thawh hnuah bus tam tak kan han dawn dawn takah hi chuan thinglang lamte hi a tam lam min han thehchhuah se kan duh a ni.

Tin, kan hotute an remhria ka ti. Tunhma khan Motor registration leh a fee pek chungchangah hian buaina nek nek kan tawk thin a, amaherawhchu, hei remchang takin hmun hran hranah han pekna hmunte an han siam a. Tunhma khan BSNL fee kan pe dawn thin a, kan han intlar tut tut thin a. Harsatna chi hrang hrang kan tawk thin a. Amaherawhchu, hmun hrang hrangah pekna hmunte an han siam hnu hian kan relief ta ang reng khawp mai a, khatiang ang deuhhlek khan kan Transport lam hotute pawhin ruahmanna tha tak mai an han siam hian lawmawm ka ti a ni.

Tin, hmannia PAC in khawthlang lamahte kan han tlan a, hawnlamah Sairang lamah kan rawn hawng a, kawng khu an lo lai hek nasa khawp mai a. Kan transport lam hi an fakawm mang e ka ti a ni. Kawng zau tak tak in anlo lai sen huam mai a, a lawmawm ka ti a, kal ve lo ten kan lo hre velo mai kha a lo ni a. Kan rinloh lama Transport lama kan hotute hian hma an lo van la nasa em tih kha kan ngaihtuah tel a ni. Tin, tunah hian Bairabi to Sairang inkar hi Inland Water Transport ang zawngin hma an rawn la chho mek zel a, a puitling ngei turah pawh han ngai ila, chutihrual chuan khawthlang lamah khuan Inland Transport ang zawnga kan hman theih tur lui tam tak a awm tih hriain, khulaiah pawh khuan chak lehzuala hma an lak theih kan beisei bawk a ni. Sairangah Rel a lo lut dawn a, nghahhlelhwam ka ti hle a, Champhai kil atang pawhin "thleng thuai se kan nghakhlel hle" tih hla kan sa a ni.

Tin, Art & Culture ah khan kan sawi duh chu Old is gold tih a ni a, a hlui a piang kan inngaihhlut siak leh tawh a, kan hotu ten hma an lakna Cheraw kha tawite han sawi ka duh a. Cultural revolution min rawn siam niin ka hria a, lawmawm ka ti. Hnam anga kan awm tirh atangin World Record kan neihna hmasa ber a ni a. Tunlai hmasawnna a nasa tawh a, kan ram chhungah zirna tha tak tak awm ve mahsela, mahni fate ngei pawh dah duh lovin hmun changkang zawka an tet te atangin kan zuk dah thin a ni. Delhi te leh India ram hmun hrang hrangah kan dah thin a, College te an han zova, Mizoramah an rawn haw leh hian Mizo hnam nun hi an theihngihlh deuh mai thin a ni. An nitin nun hnaih ber tute, Vai te an ni a, hnamdang zingah an khawsa a, kan hnam nun an theihngihlh deuh der tawh laia, hetianga kan culture thilte hriattir leh theihna tur zawnga kan lo chawi lar leh ta hi lawmawm ka ti a ni. Cheraw bik tak phei hi chu Vairamah phei chuan Mizo ta ani tih hrelo tam tak an awm a. Naga ta emaw ti te an awm a, tlangmi dang ta a ni

emaw ti te an lo awm a. Amaherawhchu, tun tuma kan thil han tih tak atang khanin kan ta bik ta hliah hliah ani.

Tin, Cheraw kan an han sawi chhiatna tam takah hianin a senso a tam si a, chutiang, khatiang an han ti a. Ni e, thil tha han tih dawn hi chuanin a negative zawnga thil han thlir theih tam tak hi a awm ve a, a senso chungchangah erawh kha chuan engemaw zat chu kan seng a. Mahse, thenkhat thlam saknate pawh kha azat bik lo a nia.

Tin, hei Heritage Conservation kan han tih te, Historical Places and Archeological sites an han tih ang chi hote pawh hi kan ngai pawimawh thar ta riau mai a. Tun hunah hianin kan Minister chak tak hianin hmun 32 laiah nuai 48 in hma hrang hrang a han la chho mek dawn a ni a. Khangte kha ropui ka ti a. A hlawm a hetiang hmalakna hi Mizoramah ka lo hre ngai lova, ropui ka ti.

Tin, chu mai bakah Thirteenth Finance Commission hianin vaibelchhe 12, hemi Heritage Conservation atan hian an han dah hrang bawk a. Kan hotute rilru a ropui khawpin ka hria. Kan Chief Minsiter te, kan Minister te an zahawm ka ti a. Hemi Mizo Hnam Nun, hnamdang tam takin min rawn chim a, chim pila kan awm chu helaiah Assembly-a thu tha tak tak kan sawi emaw Pulpit atanga thu tha tak tak an sawi emaw atanga insiam that theih a ni lo. Helaiah a takin Minister changtutena theih tawpa thlan tui nen tan an chhuahna atangin Mizo Hnam Nun hi kan vawng him thei dawn a ni.

Tin, hei ka lawmna em em mai pakhat chu Mizo Traditional Practices kan ti a, keimahni hnam Nun thil te, nichina kan sawi ang khan kan nau tam tak vai rama kal thin te an lo awm a, kan Mizo Hnam nun tam tak, ‘Pi-Pu’ hre lo pawh tam tak an awm tawh a ni. Tereuhte kan nih laia kan infiamna ang chi te, thil tha tam tak kan Mizo Hnam Nun kha an lo hre tawh lova, chutiangte thanghar tena kan theihnghilh loh nan chuan Video in tunah hian document an siamin ka hria a, lawmawm ka ti a. Mizo Lo neih Dan te, Sangha tlangvuak Dan te, Bel vuak dan te, Mizo Inneih Dan te, Ei siam dante leh Zawlbuk sak dan thlengin an han ti hi lawmawm ka ti khawp mai. Anni avang hian kan hnam hianin chimpil a hlawh lovang tih pawh ka ring a. Kan zaithiam Hranghlui Zirsangzela (famta) ten ‘Liam lovin cham rih hram rawh aw’ an han tih kha a tak takin an han thawk niin ka hria a, lawmawm ka ti khawp mai.

Tin, chumai bakah hei tunlai kan cultural areas te han en ila, a nihna originality hloh chuang miah lovin mawi takin dangdai takin an rawn siam chho zel a, hei pawh hi ropui ka ti.

Tin, Demand No. 6 na Revenue chungchangah khanin, In nei lo hmun pek tunah hian Revenue in a kalpui mek a, ropui ka ti khawp mai a. Staff an indaih lohnaah erawh hi chuanin inphuhruk sak theih se ka duh khawp mai.

Tin, Demand No. 34-na Animal Husbandry chungchangah khanin, tunah NLUP ah hian, Champhai lamah chuanin 40% dawn khian an thlang a. Department hlawhtling takah keini chuan kan ngai a. Lunglei West bialtu zahawm

takkhanin budget hi a tlem tawlh tawlh e a han ti tak naa NLUP atanga kan han pawh pen tur nen chuanin tam tak ani ang tih kha ka ring bawk a ni.

Demand 37-na Cooperation chungchangah Primary member ten NLUP Trade-ah an tel lo tih ang deuh khan an rawn sawi a. A dik tak chuan YMA member te hi Kohhranah Member kan ni tel a, khatiang khanin NLUP ah hian an tel vek a ni tih kha kan sawi tel duh a ni, ka lawm e.

**DEPUTY SPEAKER** : Pu C. Ramhluna kha a phar hmasa a.

**Pu C. RAMHLUNA** : Pu Dy. Speaker, hei kan thil sawi tur hi sawi thiam harsa ka ti ang reng a. A chhan chu full Budget ti dawn ila a ni chiah mang si lova. Tunah khan kan Plan pun dan kha kan hria a, 250 crores-in a pung tih kan hria a. Khami ah khan engzatnge an belh ang a, engzatnge an cut dawn tih a kha department wise khan a hriat theih chiah silova. Tin, chubakah chuan, sawi tak ang khan performance budget hi han en ilangin department hrang hrang kha a rawn ti na a , mahse, department thenkhat rawn submit te pawh hianin an hnathawh tur chiangkuang taka rawnlan tir hi an vang viauva. Chuvang chuan sawi thiam harsa ka ti a. Mahse, kan pawimawh chu kan sawi lo thei lova, kan sawi chhuak ang a. Kan ngaih pawimawh thenkhat te chu kan han sawichhuak nual tawh hlawm a.

A hmasaa kan sawi duh chu Demand No. 18 na kha a ni a. Printing & Stationer kha. Khamiah khan tlemin an plan a kha chu a pung a ni tih kan hria a. he Department hi Printing and Stationery tih kha a ni a, sawi tak ang khan Stationery lampangah khan Department dang hian an dawr lo viau tih kha kan hria a. Chuvang chuanin an neih sa pawh kha nasa takin a chhia tih te pawh kha kan hria a. Tun hma atang khan hei hi Department hrang hrang hian dawr rawh u tih kha ani a. Kan hmaa mite pawh khan an lo sawi tawh a. Hei chak deuh hleka sorkarin hma alak leh atan a tha hlein ka hria a. Chu chu anih loh rau rau chuan Stationery tih lampang hi ban law law sela. Tin, Printing Department ti mai sela tih te pawh kha ngaihdan a awm rum rum a ni. A chhan chu Department hrang hrangin a an mahni mamawh kha la tur an nih chuan engnge an ni kha awm a tulna? tih ang zawng pawh khan ngaihtuahna te pawh kha asiam theihin ka hria a.

Tin, a Printing lampangah pawh hian entirnan, Khawl tha pui pui an nei tawh a, chuvang chuan, engahngte Calendar te pawh hi a vaia kan chhut tir mai theih loh? Diary te pawh hi engatinge hmun danga mi kan lak kan lak? Mite kan chhut tir thin?

Tin, chubakah chuan nichina kan sawi tawh ang khan Text Book te pawh hi chhu ve tawh mai sela. Earning Department ah te pawh hian hmang ve tawh ila a va tha ve tih laia kha sorkar beng hriatah ka'n sawi ve anih chu.

Tin, Demand No. 23-naah khan Art & Culture a sum kha chu tlemin apung naa. Nimahse, a punna a tam lo hle a. Mahse, 20% kan increase anih chuanin engemaw zat chu pung turah ngai ta ila.

Kan ngaih pawimawh pakhat chu Vanapa Hall hi a hlui viau tawh a. Engemawtia han thuam that dan a awm thei lawm ni aw tih te ka ngaihtuah a ni. Tin, a tih pawh a tihlen theih lawm maw ni le? tih te kha ka ngaihtuah deuh hlek a. Hman deuhva Consultative Committee kan neih pawh khan kan sawi thuak thuak tawh kha ani a. Vanapa hall hi a hmalamah hian tihlen theih ni se, tunah hian mi 900 kan leng awrh a ni a. Mi kan tam ve tawh a, tin, a pawimawh em em mai si a. Chuvang chuan hei hi tihlen dan ngaihtuah ni sela ava tha ve.

Tin, a dang lehah chuan ka sawi leh duh chu Mizoramah hian hnam hrang hrang kan awm a. Tin, mahni hnam dress nei hrang theuh kan ni a. Chuvang chuan kan dress te pawh hi hnam hrang hrang hi chi hrang hrang hi han siam sak a. A sema sem theih dan te pawh awm ta se a va lawmawm dawn ve tih ka ngaihtuah a. Ka bialah chuan Pang te, Bru te, Chakma te awmkhawm kan ni a. An incheina a dang theuh si a. Chuvang chuan milian lo kal nikhuua han hmuah nan te an mamawh ve a, an nei thei si lova. Chungte chu ngaihtuahnaah awm sela thain ka hria a.

Tin, Demand No. 42 ah khan Transport kha ka rilruah a awm fo chu tunah hian Mizoram State Transport kan ti a. Mizoram in Department-in a kan take up ai hian a Corporation ang hian kan kal ve thei em tih hi study ve thain ka hria ani. State hrang hrang kal ta ila, a State in transport an tih dum dum hi a awm tawh mang lo a. Meghalaya thleng te pawh khuan a ni tawh a. Corporation system-in an kal tawh a. Hetiang zawng hian kan kal ve thei tawh em? tih hi kan Minister chak tak hian lo en ta se thain ka hria a.

Tin, a dang pakhat ka sawi duh chu, keini chu thingtlang bialtu kan ni a. Transport Department hian mitthi phurhna Bus an nei a. Hman deuh khan ka contact a. An rate leh medical ho rate hi a inthlau riau a. Transport Department rate hi a sang zawk mahin a hriat a. Chuvang chuan hei hi a rate hniam deuh zawkin medical department rate aimaha hniam deuh hian a tih theih em? theih nisela keini thingtlang bialtu hi chuan kan van chhawr nasa dawn em tih te ka ngaihtuah a. Kha kha min lo ensak atan a thain ka hria a. Medical ho hian Km khat ah Rs. 12.50 an ti a. Mahse, transport ho hi chu tlem chuan a sang deuh niin ka hria a. Khalai kha min lo enpui se thain ka hria a. Tin, Railway hi a rawn (train) chhuak dawn a. Tin, vawikhat Committee kan neihnaah khan han sawichhuah ka duh a. Security an mamawh em em mai a. Security an mamawh hi anmahni Railway Department hovin expenditure an mamawh tur zat kha railway department-in pek tur ang kha an ti a, an hreh viau mai a. A security na na na hi sorkar kan ni bawk a, chuvang chuan hei chu kan pek sak thei mai lawm ni? tih te ka ngaihtuah a, kha a Department leh Department Home Department te pawh indawr a ngai mai thei a. Chuvang chuan incentive te pawh a ni ve ang a, khatianga lo tihsak kha a thain ka ring a.

Tin, mahni Constituency deuh lo kal ta ilangin kan bialah khuan Lawnglai atanga Vaseikai khu Bus te pakhat kan nei ve a, a te viau mai lehngthal a, saw te pawh saw min tih belh sak thei em aw? tih te kan ngaihtuah a. Chu chu kan dil deuh bawk anih chu.

Tin, Land Revenue reforms-ah ka'n sawi duh chu, Cadastral survey atan hian an performance a tha viau na a mahse, ka duh tam a, entirnan 2008-2009 ah hian 5000 hactres chauh kha in take up a 2009-2010 ah hian 7000 hactare a ni a. 2010-2011 ah chuan 5000 hectares bawk kha ani a, a land revenue hi a pung lampang an kal bawk si a. Land Survey hi a pawimawh em em mai a, hei hi ram buai tam tak sutkianna tur kha ani a. Chuvang chuanin hei an target te pawh hi ati tam theih deuh lawm ni? thinglang khuaah te pawh min rambuai nei thei a, khawpuiah phei chuan a tam lehzual a, hemi han chinfel chu a chakawm bawk si a. Chuvang chuan helai hi sang thui deuh sela a va tha awm e tih hi ka ngaihtuah a.

Tin, chubakah chuanin Departmental land hi tunhma atang khan survey land Reform Department hianin an take up sak thin kha ani a. Mahse, an thawk chak bik lutuk lova, chuvang chuan department tam tak hi an Land base hi a buai nuai nuai a ni. Hengte pawh hi a hma thei deuh hlek a an lak theih chuan thil tha ni turah kan ngai a. Tin, chutih rual chuanin hei Forest a thawk thin ka nih avangin Forest leh Revenue hian ram engemaw neuh neuh inhmun thiamn lohna hi a awm duh khawp mai a. Chuvang chuan Reserved Forest chinleh non-reserved Forest chin te hi chu responsibility hi chiangkuang deuh hlek a, inthen sawm dan te hi awm se tih kha ka rilruah te a awm a.

Tin, Demand No. 37 ah Co-operation ah hian han sawi leh ta ila - Rilrua ka lo vei ve reng chu Farming chungchangthu hi a ni a. Hei Mizo mipui hianin a thawha thawh ho hi kan zir thanin ka hria a. Ka bial chhungah sawn sawi ta ila, self help group kan tih hi R.D. hian an lo nei nual a, khang ho kha hna an thawk tha viau a, chuvang chuan contract farming ang zawnge hian kal pui ta ang ila. Sawkarin an produce a kha kan lei sak lo a nih pawhin, leisak tu tur a market ang te kha ngaihtuah sak thei ta ila. Tichuan, kan movement a hi nasa takin hma a sawn theih ka ring tlat a a. Khatiang zawng khan kal dan te ngaihtuah theih nise thanin ka ring a. Disaster Management ah hian han sawi duh kan neih chu, a rehabilitation lam a hi a dang kha chu an sawi teuh tawh a, ka sawi lo anga, hun a tlem si a. A Rehabilitation lam a kha tlem a tan kan laksan ngaihna niin ka hria a. In te an lo khang a, Silpauline te kan sem ringawt a, a chung kan han khuh tir a, mahse, rangva te lei a lo ngai a, thil dang dangte pawh, khami atan khan sum kha alo tlem viau a. D.C. hnennah hian an Fund hi an disposed tih pawh kan hria a. Nimahse, hei hi a tawk lo hle thin a. Ka bialah phei chuan In kang te a nasa a, an mamawh an indaih lo hle a ni. Chuvang chuan a Rehabilitation lam a hi enkawl ngun a ngai viauin ka hria a. Tin, chubakah chuan a tula ka hriat chu, a prevention lama hi. Hei Ram kang season ah hi chuanin mipui te hi zirtir an ngai viau a ni. A District wise in emaw, a village wise in emaw Training te in emaw, village wise-in emaw, T.V. ah te emaw awareness kan pek te emaw hi thain ka hria.

Tin, Animal Husbandry ah hian han sawi ka duh chu, Mampui Farm ah sawn incubator kan nei a, a incubator khan artui a ti keu thei tlat lo mai a. Kan Minister zahawm tak hian ka va kal ang a, ka en ang e, a ti a. Mahse, kal a tum khan a thleng zo ta lo ni khan ka hria a. Vawiin thleng hian a la hman theih ta lo reng a ni. Kha kha engtikah nge min siam sak theih ang aw, tih kan hre lova.

Chung chuan vawiinniah hian kan Minister zahawm tak hian min lo ngaihtuah sak sela athain ka hria ani.

Sericulture chungchangthuah hian Pu Speaker, hei pawh hi duh dan tak chuan Co-operation hian la ta ang ni sela, Co-operative farming in kal ta ang sela kan hlawkpuin ka ring ani. Ka lawm e.

**Pu NIRUPAM CHAKMA** : Pu Chairman ka lawm e. Ka sawi duh hmasa ber chu, Pu Chairman, Legislative Control na executive hi Democracy ah chuan Principle - ah kan hmang a. State hrang hrangah te pawh Legislative hian Executive chungah control-na an nei thin a. Keini pawhin chu chu hmang ila a thain ka hria. A awmzia chu, Budget scrutiny chungchangah hian, Assembly Committee kan nei a, chumi chuan a scrutinize tur a ni. Session hmasaah pawh kan sawi tawh a, mahse, kan la ‘charge’ theih lo a ni. Chumi chungchangah chuan House-in ngaihdan siam ila thain ka hria.

Tin, Annual Plan document chungchangah hian, nikumah pawh khan kan sawi tawh a. Annual Plan document hi MLA te pek an ni ngai lova, engtinngé kan hriat theih ang? Department hrang hrang Annual Plan hi MLA te pek ni se ka ti a ni. Chuta tang chuan an hnathawh dan tur kan hre chiang dawn a ni. Tin, nikumah pawh khan ka sawi tawh a, Annual Report hi Department tinin sem rawh se. Enge an achievement a lang dawn a ni. Forward in nge backward in an kal tih a hriat dawn a. Central sorkar ah chuan Ministry tinah hei hi siam a ni. Engtinngé Mizoramah kan siam theih loh? Vawi engzatnge sawi ngai ang? Hei hi Pu Dy. Chairman ngaihtuah a ngai a ni. Hei vawiinh pawh Demand kan sawi a, a tawpah Minister-in wind up naah an Department chan kha an sawi leh dawn a ni. Chu chu a kalphung a ni a. Tin, Ministry thil mai a ni lova, Mizoram Assembly kalphung ani. Mahse, Annual Plan a awm chuan kan chhiar anga kan hre mai dawn alawm. Tin, annual plan atangin an achievement kan hre mai dawn a ni. Tin, Planning & Programme Implementation Department hian Department tinte an annual plan programme an kalpui danah hian monitoring te supervision te neih a ngai a, chungah chuan atleast quarterly a ni emaw half yearly a ni emaw, a theih loh pawhin annually in Department tin hian review neih a ngai. An plan hman dante an programme hman dante Planning & Programme Implement ah te hian monitoring a awm loh chuan Department tam tak chu a kal sual thei a ni. After everything is spoil, estimate kan kal a, Subject Committee te kan kal a, engmah awmzia a awm lo. Chuvang chuan, advance in kha kha ngaihtuah a ngai. Sorkar kalphung a awm ve a, chu chu hmang mai sela, kan sorkar hi a chak a, hei hi thahinemngaih thilah kan sorkar puihna turin, tin, sorkar thawk tha tehna turin suggestion tlemte ka siam duh ania.

Pu Chairman, Department bik atang chuan hei Printing & Stationery Department hi Mizoram budget print tu a ni a. Tunlaiah copy min pe ngai lo reng reng. MLA te pe rawh se, tun hma pawha pek theih si tunah tih theih lohna a awm em ni?

Tin, Art & Culture chungchangah chuan Cultural Centre ropui tak chu kan mamawh a ni, chu chu Minister zahawm takin tun atangin emaw hmun dang atangin pawisa hi ngaihtuahin cultural centre ropui tak emaw convention centre ropui tak nei theih turin hma la sela. Tin, World record siam chungchangah pawh congratulate ka duh a.

Tin Transport chungchangah khan driving school LADC hian driving school project an submit a, chu chu a rang thei ang bera Delhi a min thawn thlak turin, thawn sak turin kan ngen duh a. Minister zahawm tak pawh ka'n ngen duh a ni. Tin, District tinah vehicle registration hi district wise in nisela. Tin, motor neih reng reng hi Aizawlah te, Lungleiah te, an register a, kan District ah pawh vehicle hi tlemte a ni, chumi consequence chu, petrol pump chungchangah te, tin vehicle leh motor tam lohna hmunah chuan Petrol pump te pawh pek ngaihna a awm lo a ni. Chuvangin hei hi tih tawpin mahni District theuhah min pe se ka duh ve a nia. Keima mimalah pawh min encourage a. Tin, permit dil hun hi a awm ngai hlei nem, englai pawhin a dil theih tur a nia, pek tur erawh chu estimate neih angai a, mahse, dil hun siam lovin englai pawha dil theih turin siam sela a tha.

Revenue chungchangah khan Pu Speaker, Compensation buai reng reng hi Revenue Department atanga chhuak a ni. Land record awm mumal lo, pass nen kan ti. Chuvang chuan proper land record document tih a ngai. Chuvang chuan khawiah pawh ni se, compensation chungchangah buaina a awm chuan Revenue Department mawh a ni. Pass lem siam thei tu pawh Revenue Department a ni. Midangin an siam thei hlei nem, chuvang chuan khatiang anih si chuan tha deuha ennawn a tan kan lak chuan, Pass lem siam te chu hrem ngei an ngai a, mahse, chutiang example emaw action lak emaw pakhat mah a awm hleinem tun thlengin, chuvang chuan hemi thilah pawh kan sorkar hian ngun takin ngaihtuahin tih tawp dan a ngaihtuah angai. Tin, a tih tawpna tur chuan proper land record te siam angai.

Tin, Apex Bank chungchangah ngenna ka siam duh a, kan District Council chhungah hman atangin kan ngen tawh a, chu chu hmalak theih dan a awm chuan a lawmawm ngawt ang.

Tin, Pu Dy. Speaker, Animal Husbandry chungchangah khan, Animal Husbandry bakah Sericulture chu hma la tur department ah a tel ve a, a pawimawh viau a. Tuichang bial chhungah khan Animal Husbandry an awm mang tawh lo. Sub-Division a awm tih te pawh, ram te pawh midang ah pek a ni. Chuvang chuan Department te hian hna te hi an thawk dawn lo em ni aw? tih kha ka sawi duh a ni. Sub-Divisional level Office a awm tih kha a awm tawh lova, ram te pawh midang hnenah an pe a, engmah thawh a awm tawh lo. Office pawh dah rawh se, Health Centre ang chi te function vat sela, chutilo chuan, NLUP trade dingah engemaw zatin an trade an thlang a, chutah a hlawhtlin lohna tur chu absent of Medical treatment te, tin, supervision te, chu chu mipui tan a pawi dawn a.

Tin, Sericulture Department chungchangah chuan kan enkawl department anih avangin kan duhsak ve a. Amaherawhchu, ka sawi duh chu Sericulture Department hi a tha lutuk a, mipui hian an tui ve em? an tui tak tak chu a hlawhtling zel. Keini lamah chuan an tui thei lo reng reng, mahse, sorkarin

pawisa tam tak aseng so a ni. An ral mai a ni. Chuvang chuan an tuina lamah pek ni se, an tui loh na na na chuan pek loh mai ngam a ngai. Centrally Sponsored Scheme ah crore 4 kan seng a ni a. Kan District ah kan hrechiang lutuk. Pu Dy. Speaker, chuvang chuan Champhaiah an tui anih chuan han pe rawh se, Kolasib ah a tui ve chuan pe rawh se. Kan bialah chuan an tuivak lova, hei hi chu pek chi pawh a ni lo. Awareness chu a tha, angaia public pawh an tui ang. Hmanah Sericulture farm kan dah a, mahse, sorkar hmasa khan engkim a withdraw leh a, sorkar kha a tui ve lo a ni tih kha kan sawi duh a, awm ve se chu an zir ve ang a, an tui ve tur a ni a. Chutiang chuan Sericulture ah hma lak anih dawn chuan farm te pawh changtlung zawkin siam se, tih rawtna chu ka siam duh a ni. Ka lawm e.

**DEPUTY SPEAKER** : A mipui bakah pawh a department kha tui deuh se kan ti a ni maw, Pu Robiaka.

**Pu LALROBIAKA** : Pu Dy. Speaker, hei hun tha tak kan neih avangin a lawmawm ka ti a, sawi tur a tam khawp mai a. Department hrang hrang demand kan sawi kim seng lovang tih ka hlauva chuvang chuan tawite tein sawi kan tum ang a.

A hmasa berin Demand No. 18 na Printing & Stationery vaibelchhe 10 nuai 4 singthum sang 4 (10,04,34,000) lai mai kan han hmu hi a lawmawm thawkhat viauin ka hria a, helaiah hian Printing and Stationery Minister hi a fakawm hlein ka hria a, a bik takin hmasawn duhna nasa tak nen he department hi a la niin ka hria a. Heng avangte hian lawmawm ka ti a. Printing chungchangah hian kan Printing Press hian nasa takin hmasawnna a nei tawh a, Sorkar kaltaah pawh khan tih hmasawn tumin khawl man tam tak te pawh an lo lei tawh tih kan hria a. Chuvang chuan Mizoram Calendar te pawh lo print tawhin phailam te nena danglamna leh chhiat bikna awm lo khawpin a mawi tho a ni tih te kan han hria a. Khami an lo thawh tawhna kal zelah hmasawnna nei chho zel turin tuna kan Minister zahawm tak hian hma an la chho a. Nichina an sawi tak ang khan kan Member zahawm tak tak ten an sawi ang khan Ashoka Pillar han chhut mai na tur te pawh tunah hian German ram atangin an chah mek niin ka lo hria a. Khangte kha lawmawm hlein ka hria a. Identity card, credit card te leh card chi hrang hrangte chhut theihna ang chi kha ani an ti a. Chutiang anih chuan kan ram ah mai pawh hian hmasawnna department hrang hrang sum, phai lama luangral thin kha kan ramah a circulate ve thei tawh dawn niin ka hria a. A lawmawm lehzualin ka hria. Khatiang card kan siam theih chuan Assembly ah pawh hian card tam tak issue ani a, khata tang khan sum engzatnge kan sen ang tih chhut thiam a har viau a. Chutiang bawkin Home Department atangte pawhin card changtlung zawk leh a tha chi kan siam theih dawn phei chuan sum tak tak he Printing Department hian a hmuchhuak dawn tih kan hria ani. Chutiang chu hmalakna a awm tih a lan avangin lawmawm ka ti a. Printing Institute North East ah pawh an la neih loh kan kan hnaih ber chu W.Bengal ni mai kha tunah hian kan nei dawn niin a lang a. Nasa takin naupang te, thangthar zirlai te tan eizawnna tha a rawn thlen dawn a ni a. Tin, kan Printing standard a hi nasa takin heng avang hian hmasawnna kan nei dawn a ni tih hei hian a kawk a ni. Printing bikah hian lawmawm hlein ka hria

a. Vision thui tak kan sorkar kan Minister in a nei hi ropui hlein ka hria. Hetiang zel hian kal chho in hmasawnna kan hmaah hian kan hmu mai dawn a ni tih alangin ka hria.

Tin, Stationery bikah hian engemaw lai, kan awm ve hma sorkar thar apian hma khan nasa taka awmze nei em em lova inleisak mai mai te. Tin, sawi thin angin kan hun hmaah khan thil lei hi an han huai khawp a. Home Department ah te khan mawza manto Rs. 1600 man te kan Police tan kan han lei sak te kha ani a. Khatiang deuh khan Stationery Department ah pawh hian man bituk chu awm tho mahse, tam tak inleisak leh thil fello tak tak kha a awm a. Tunah pawh hian Department ah hian pah tur tam tak expire tawh si kha tam tak a awm an ti a, a vanduaithlak hle a ni. Hengah hian tute pawh ni ila, eng sorkar pawh nise, zirtur kan nei a ni. Chuvangin Centralised huai taka kan tih hi a ngai a ni. Tute pawh sorkar se he ram, he pawisa, he department hi ka ta a ni ti a a neitu rilru pu a kan kal a ngai tak meuh a ni.

Tin, Art & Culture ah hian, tunah hian nasa takin a lar zual a, a chhan kan sawi ang khan ‘Guiness World Record’ siam thei a kan han awm hi a lawmawm hlein ka hria a. Hei lehlamah advantage tam tak hemi avang hian a hmuh theih a, a awm a. Chungte chu a lawmawm lehzualin ka hria a. Record break hi lehlamah chuan kan culture milin kan han break kha ani a. Chumi piah lamah chuan nichina sawi ang khan kan tu leh fate, kan hla hluite hre lo khan hriatna hun an han nei a. Chumai piah lamah chuan kan lamte thlengin, chu rilru kan putna chuan thuk zawkin kan culture thuk zawka zuk chhui duh nate, tin, kan lam a ni emaw, kan tradition hrang hrangte chhui chian duhna leh khami rilru atanga thil lo chhuak tam tak kha a awm a ni. Chungte avang chuan he Art & Culture Minister te, kan sorkar ina remhre taka ruahmannan rawn neite kha a lawmawm ka ti a.

Tin, chumai piah lamah chuan hei mitvarna kan tu leh fate mai piah lamah hnam dangah pho chhuahin kan awm hi a lawmawmin ka hria a. Internet te han hawng ila, chung chi hrang hrangah chuan hmuh tur a awm a.

Tin, nichina an sawi kha ka lo hreve lo a, Canada Broadcasting Corporation te pawhin vawi tam tak an broadcast a ni tih te kha an han sawi a. Khang han hriatte khan Mizo nih a tinuamin ka hria a, vawiinah hian kan record break mai piah lamah hian keimahni chhungah pawh hian kha kha cultural rilru zuk putna, kan pi leh pute rilru zuk putna, reserve duhna thui tak min pein ka ring a. Tin, khami mai piah lamah khan kan pi leh pute chin dan hriat bakah nationalist rilru thui tak kha khan min tuhin ka ring a ni.

Art & Culture bikah hian kan Minister hian Vanapa Hall thar sak dan tur te vision thui tak neiin, ruahmannan te a nei tawh niin ka hria a. Tuna a capacity let engzat emaw a din nise, Petrol pump te thlengin rawn huam se tiin ruahmannan anei niin kan hria a. Architect te pawh duan tiring hma an la tawh niin ka hria a. Hengte avang hian lawmawm ka ti a. Kan Demand cheng 6,29,35,000/- lai kan nei hi lawmawm hlein ka hria a.

Tin, Demand No. 42 na Transport ah hian thil tam tak sawi tur awmin ka hria a. Registration chungchangah te fimkhur angai hlein ka hria a. Vawiinah hian kum tlinglo accident tam tak a awm nachhan hi heng kan check tawk loh vang te, Registration ah hian kan fimkhur tawk loh vang te, tam tak a ni theiin ka ring. Chuvang chuan chiangkuang leh fimkhur zawka registration kan tih hi tulin ka hria a.

State Transport Bus chungchangah kan Deputy Speaker zahawm tak khan a rawn sawi a, mahse, kan State Transport Driver te, tuna awm ho hi chu entawn tlak tak tak an niin ka hria a, kan fak ve duh a ni.

Tin, a motor te pawh hi duh ang thalin an lei thei lovang tih a hriat a. Budget te enin a leina tur hi vawi leh khatah a hmuh pur pur theih loh a ni, tih hretute kan ni a.

Tichuan hei JNNURM atangtein hmasawnna tur tam tak kan hmu a, khang avangte khan lawmawm ka ti a, keini bial Kanghmunah te Marpara tlangdung te pawh Bus kan neih thar hun chuan min rawn cover thei tawhin ka ring a. Sorkar thar anih angina earning department tak tak a ni tawhin a rinawm a. Khangte kha kan sawi duh a, Revenue ah te, tin, Co-operation ah te sawi tur tam tak a awm nain hun a tawp miau si a, kha kha ka duhtawk mai ang e, ka lawm e.

**Pu CHAWNGTINTHANGA** : Pu Dy. Speaker, ka lawm e. Thui tak ka sawi dawn lo a, Member zahawm tak takte khan Department hrang hrang an rawn cover a, Thil tam tak an rawn sawi a, a tul suggestion chiang tak, tam tak an rawn siam tawh a, thil thui tak ka sawi lo ang. Hei, kan ram hi zawi zawiin hma a sawn chho zel a, tun hma chuan kan Department hrang hrangte pawh hi a tlabalina a chhe hlein a tawp hle thin a. Amaherawhchu, tunah chuan hma alo sawn hret hret a, ram a lo changtlung zel tawh a. Heng zawng zawng hi sorkar hrang, hun hrang hrang atanga lo piang chho te leh lo thawk tute leh tun hun taka sorkarna chelh tute kan hruitute avang niin a lang a. Chuvang chuan a lawmawm ka ti a, an hnena sawi lawmthu ka sawi duh a.

Tin, Demand for grant kan sawi ho a nia, suggestion siam vak pawh ka tum lova, kan Demand hi a tlem deuh a, a tam deuh a tih lampang pawh kha atul lemin ka hre lo. Demand pariat ah hian uluk deuha han en chuan kan hotute hian fing tak leh rim takin an ngaiantuah a, hnathawh theihna budget siamin Demand an rawn siam a ni. A tlakbalna lai thenkhat, sawi pawr thenkhat a awm naah pawh hian Central a plan la finalise loh avangin kha plan finalise hisap ang khan remhre takin an duang chho a ni tih a hriat a. Chuvang chuan a lawmawm hlein ka hria. Chu chu ka han sawi hmasa duh a ni.

Tin, ka hmaa member zahawm takte khan an sawi nual tawh a, Co-operation Department ah khan an sawi tawh mah ni se han tuihnih ka duh. RCS hi IAS cadre a ni a. Additional RCS hi pakhat kan nei a. Tichuan, post hi Departmental Officer-in aluah a, a hnuaiah hian JRCS pakhat chauh a awm a ni. He

Service member te pyramid hi a dik lo reng reng mai a. Chuvang chuan dah belh a ngaiin ka hria a. JRCS pahnihte tal hi chu post create belh ni sela a thain ka hria a. A chhan chu Co-operation Department hi department pawimawh a ni a. Hemi hi thiam taka kan kalpui chuan kan ram hmasawnna tobul ni thei tur a ni tih an sawi te kha a dik em em a ni. Tin, chubakah tuna kan Cooperation Department a kan dan hman a chu Cooperative Act a ni a. Hemi in a duan dan chuan District tinah hian Deputy RCS awm tur a ni a. Mahse, Deputy RCS in a enkawl zawk nghe nghe a. Hengte pawh hi dan angin kalpui ila Co-operation hi danin a tum ang thlapa kan kalpui chuan kan thuam mawi thei zawk dawn lawm ni department pawimawh tak leh tangkai tak a ni si a.

A dawt lehah chuan Demand No. 34 Animal Husbandry ah hian ka'n lut tawp mai anga. A hma a kan ngaihthlak thin ang khan farm hrang hrang chanchin te an sawi a, Mizo hnam hi makna tak kan nei a, Israel ho te nena kan inanna lai te pawh a ni ang e ka ti nghe nghe a, Pu Dy. Speaker, settlement te reuhte kan han siam pawh hian ui leh ar, bawng, sial, beram nen kan hnawk vak zel mai a nia. Chuvang chuan, kan hnam nunah hian a awm tlat mai ani. Chuti anih si chuan chhungkaw tin hian, a bikin thingtlang lamah phei chuan Aizawl khawpuiah pawh hian a ni tho in ka hria, vawk vulh lo chhungkua hi kan awm manglo a ni a. Chutiang chuan kan chin dan a nih avangin, thingtlangah phei chuan chhungtin mai hian ran kan vulh a ni. Chhungtin economy innghahna pawimawh tak pakhat hi a ni. Vawkpa sutnghak a thih chuan chhungkua kumkhat lakluh tur kha a tlabawi mai zel a, engtinne tiin pa ber a inngaihtuah buai nghal thin. Chutiangin Lawi pakhat a thih a, Beram pakhat athih chuan, Sial pakhat a thih chuan, thingtlangah kan mi harsate economy hi a chhe bawi ani tih hi hriat tur a ni a. Amaherawhchu, chutih lai chuan Farm thenkhatah Vety. Officer te indaih deuha an awm laiin thingtlangah nitina mamawh em em zawk te, vulh tur tan hian VFA takngial pawh kan nei lo a ni. Nikum lamah kha experience kan nei a, khitah khawchhak lampangah khian, Vawk hri a leng a, lawi hri a leng bawk a. VFA pakhat mah an awm si lova, Director hnenah kan report a, Director-in tuemaw Doctor an tir chhawng a, chumi an han in singsa a, a hmun an thlen meuh chuan, Lawi 10 an lo thi tawh a Vawkpa sutnghak 10 a lo thi hman tawh a ni. Khatiang khan nasa takin kan tuar thin. Thingtlang hmun hrang hrangah hian hneh taka cover theih tur hian VFA tal hi min dah sak a ngai a ni. Tuna kan NLUP ah pawh hian trade thlan pawimawh tak pakhatah a tel dawn a, Vety. Department hi line Department a ni leh anga, chuvangin chak takin kan thuam thar leh hi a ngai a ni. Thingtlang area engemawzat cover turin Vety. surgeon pakhat tal kan dah theih zel emaw? Anih loh leh dispensary pakhat tal emaw kan dah theih zel a ngai hlein ka hria a. Kha kha kan hotuten min lo chhinchhiah sak se tiin ka han ngen duh nghe nghe a ni.

A dawt lehah chuan Revenue, Land Revenue & Reforms bikah hian, a pawimawh khawp mai a. Zofate chang lo khawvel hmun hrang hranga mihringte hian chenna tur bik Pathian ina min lo ruatsak ram kan nei a. Keini zofate pawh hian ram kan nei a, kan Zoram lo hi chu ram dang khawiah mah kan kher chhuak tawh dawn lova. Ram dang engmah kan nei lo. Chuvangin, kan ram kan enkawl dan leh a management hi kan tih that a ngai em em mai tih hi kan sawi leh duh a. Hun kal taah khan kan ram enkawl dan Land Management hi a fel tawk loh avangin kan

ramah hian harsatna tam tak a thleng tawh a ni. (**DEPUTY SPEAKER** : Khi dar 4:00 P.M. a ri a, i hun pawh a tawp khat ani tawh a, han zo lawk ta che aw).

Tawitein kan zo ang e aw. Chuvang chuan, tunah hian kan hmun tha tam tak hi, kawng tlang dung leh hmun tha tam tak hi mi hausa te ram, mi liante ram a lo ni ti tih tawh. Mirethei ho chu nek chepin kan awm mek tawh a ni tih hi kan hriat a ngai. Chuvangin Land Reforms hi a pawimawh em em a. Chumi ah chuan khilai ka bial Luangpawnah khian Session hmasa khan ka sawi tawh nghe nghe a. Mi thil ti thei pakhatin mipui vantlang nek chepin ram zau tak mai a nei a. Hei hi engtinge min tihsak dawn tiin Minister khan min chhannaah chuan a pass hi kan cancel a ti niin ka hria. Mahse, hmannah khan ka han kal a, mipui ram, mipuiin an ui em em ngaw durte kha hre lovin, tumah ngaichang lem lova thiah darh niawm takin ka hria a. Khati anih chuan kan Revenue Minister khan min lo chhinchhiah sak se, Officer fel tak tirin khi ram khi min lo enfiah sak se ava tha awm em! tih ka ngen duh a ni e, ka lawm e.

**DEPUTY SPEAKER** : Kan ban hun a ni a, mahse, vawiin hi demand sawi ni a ni a. Demand sawi hi chuanin kan demand te pass lova, ban ngawt theih a ni lova, chuvangin tunah kan chawl lawk a nga. Dar 4:30 ah lut ila kan tan tha leh dawn nia, kan luh leh ve leh Pu R.Pianmawian a hauh sa a nih chu.

Recess 4:00 P.M.

#### **4:30 P.M.**

**S P E A K E R** : Sawihona kan chhunzawm ang a, chumi hmain sorkar Department tam tak hi Plan sum nei ho an awm a. Kha kha chu Demand-ah khan pawisa mamawh vek an ni a, an lang vek lo theih lova. Department 48 a ni a. Amaherawhchu, work nei ho, Plan sum nei ho kha khami performance budget te leh khami Work Scheduled te rawn ti tur kha an ni tih kha kan hriat sa mah nise ka'n remind che u a ni. (Midang lo tawng a hriat theih loh, a zawi lutuk a) Nia, kan nei thei lo alawm. Plan sum an ni ve lova Developing Department an ni ve lova.

Awle, sawihona kan chhunzawm ang a tungé ni kha. Pu R.L.Pianmawia, chumi hnuah Pu K.S. Thanga.

**Pu R.L. PIANMAWIA** : Pu Speaker, ka lawm e. Vawiinah kan Department 8 enkawltute Demand sawiho theia kan awm avangin a lawmawm hlein ka hria a. Thui tak min ngaihtuah chhuah tir a, vawiinah hian. Remna leh Muanna hnuah he hun lawmawm tak mai kan han tawng thei a, kan hotupa Pu Lal Thanhawla leh a thawhpuit Pathianin hmanrua a a hman avanga Remna leh Muanna kan lo neih tak avanga thil tam tak kan han nei chho mai ta te pawh hi vawiinah hian theihngihlh a har hlein ka hria a.

Tin, World Record te kan han nei thei ta a. Hetiang kan han neih theihna chhan te, a bul atanga thil awmdan han chhutchhoh chuan kan hotupa awm lova vawiina han sawiho pawh hi a hrehawm deuh lawm maw ni aw tihte pawh ngaihtuah theih a ni a. Amaherawhchu, vawiinah hun tha kan nei a heng Demand te sawiho theiha kan awm avang hian lawmthu ka sawi duh a.

A hmasa berin ka sawi duh chu, Demand No. 42 ah Transport Department chungchangah hian kan Transport Department hian Bus engemaw zat ramchhung leh ram pawnah a service tir a. A biktakin Guwahati ah Mizoram State Transport Bus service tir thin a ni a. Chuta a thawktu driver te thlenna tur chungchangah hianin department angin Mizoram House-ah hmun te an dil thin a. Amaherawhchu, a nghet (permanent) ang a dah theih loh han ruahmanna tak tak a awm theih loh avangin driver te dinhmun a chau hle thin a. Chuvang chuan Mizoram Houseah khuan Guwahati ah a bik takin kan driver te tan room hi kan sorkar hian permanent deuhin hauh thei sela athain ka hria a. Hetianga hah taka kan thawhtir a an thawh mek lai a, an hahchawlhma hmun turah an buai fo mai hi an lainat awm hlein ka hria a, hei hi kan sorkarin mumal zawkin ngaihtuah se tiin rawtna kan thlen duh a.

Tin, kan rama traffic jam kan tih te, accident tam kan tih te hi tun dinhmuna ngaihtuah a han chhut han chhut hianin driving school a zir chhuak ho hi mawhphur tuah an tangin ka hre tlat mai a. Kan driving school hi tun aia mumal zawk a an kal dan tur kan rel loh chuanin reilote te zir chhuak a motor khakh tir an ni a. Tin, a hlawh lamah pawh hlawh tam lova, hlawh mang lo pawha khakh duh kan zir chhuah tir teuh mai hian harsatna min thlen tam hlein ka hria. Chuvangin kan driving school neih mek te hi an kalphung turah mumal zawkin ngaihtuahna hman nisela thani ka hria a. Entiran - thla khat chhung chu traffic rules emaw zirtir ta sela, a thlakhat leh dang a kha thil dang pawimawh tur a kha zir leh se khatiang deuh khan fel takin he driving school-a zirchhuak te hi rin ngam driver ni thei sela, chumi tur chuan hma lak ni thei se tha hlein ka hria a.

Tin, Demand No. 23-ah Art & Culture chungchangah hei Art & Culture hi thinglang mi te tan chuan tun hma kha chuanin hriat an hlawh lo viauva, tunah erawh chuan thinglang a khaw te ber leh a tawp ber, keini bialah pawh Palsang te pawhin a tangkai zia hi an hre ve tawh a ni.

Chuvangin, khatiang khawpa ram pum huapzo department anlo nih tak avang hian kan mamawhna pawh hi a sang em em a. Anni pawh hian tan an lak lehzual theih nan engtinngi ni puuh theih dan kan nei em aw. Vawiina kan rorel khawl hian tih te pawh hi ngaihtuahna a awm a. An budget-ah sum dah tam sak ang tih kha ka ngenna tawi thei ang ber ni ta mai sela. Chu chuan kan ram a Art & Culture Department kan neih tangkaina tur anga a tangkai ve theihna turin entiran kawng khat han sawi ta ila. Mizo incheina Kawr leh Puan ang chi te, khatiang thil hrang hrang subsidy-a an pek thin anga te pawh hi tunah chuan a ti thei fal deuh chauh in an chang thei a ni. Thinglang mite mamawh zawng zawng tan hianin a la daih tawk thei lova. Chuvang chuan, khatiang anga kan culture hum himtu ber leh vawng nungtu ber ah pawh khatianga kan la kalpu chuan a tha dawn lova. An vawn him tur leh an kalpuina tur chungchangah pawh harsatna tam tak awm thei

dawnin a lang a. Chuvang chuan, Art & Culture Department ah hian sum thahnem zawk dah theih ni sela tih kha kan sawi tel duh a.

Tin, Demand No. 37-ah hian Co-operation chungchangah hian kan hotu zahawm tak tak te khan an sawi tawh a. RCS post chungchangte Joint Registrar chungchangte, hei RCS post chungchang hi tunhmaa kan lo dahdan hi thlak a ngai niin a lang a. Chuvang chuan, IAS post tur anga kan lo ti bik tlat te anih chuan atha dawn lova. Chuvang chuan Mizoram thingtlang mi rethei te te enkawltu a nih ang hian a thawk a te kaisang chho ina a nihphung engkim lo hre tuten an enkawl mai hi thain a hriat a. Chuvang chuan tun dinhmunah chuan hnAMDANG nupui nei ang deuh an ni a. An duh ang kha an hriat sak tak tak si lova, IAS te hian. Chuvang chuan anmahni chhul chhuak ngei mai kha hruiatu berah dah sak ila atha in ka ring a. Chutiang tur chuan hmalak theih ni se ka ti a.

Tin, Jt. Registrar te pawh hi kan hotuten an sawi nual tawh a. Engnge an thawh ang le tih kha kan ngaihtuah mai thei a. Entirnan pakhat hian Administration chang ta se, pakhatin Loan recovery pakhatin Audit an chanvo tur kha sem sak nghal ta ila, ngaihdan kan thiam theiin ka ring a. Chutiang tur chuan an kalphung siamthatna turah hian khang kha a pawimawh hlein ka hria a.

Tin, Demand No. 34 ah hian Vety. Department ah hian thingtlang mite a te ber pawhina an chhawr phak Department pawimawh tak a ni a. Chuvangin mihring hriselna leh hrisellohna kawngah pawh an ni hian mawhphurhna thui tak phurin mawh an la a. Keini Tuivawl bialah pawh Manipur atanga an rawn phurh luh thin te ran rawn lak luh tam tak a awm a. Khi khi a tlangpuithuin Vawk te phei chu a buhfai (bawl) duh em em a. A pawisalo te an awm a nih loh chuan Vawk buhfai hi chu a hrisello ang tih kha a rinawm a. Chuvang chuan ran rawn luh tam na laiah khian check gate New Vervekah emaw tal khian min dah sak ve theih chuan a pawimawh hle dawnin ka hria a. He check gate hian hriselna kawngah min kaihruai ang a. Tin, sumlakluhna kawngah pawh min pui dawn a. Chuvangin, a pawimawh hle dawnin ka hria a. Tin, a thawktu chungchangah VFA lak belh tura ka hma a mi pawh khan a sawi tawh kha, member zahawm takin VFA te pawh hi an indaih lo leh lutuk a. Doctor awm vena ti mai ang, an surgeon awm venaah te pawh awm kim hlei thei lo khawpin an dinhmun a chhia a. Chuvangin post hnawhkhah hi phalsak theih nisela, a bik takin V.F.A. atang hian thingtlang han khawih phak ho atang hian tan ta ila, a piah lamah Doctor lamah te chuan kai ta ila, a thain ka ring deuh a.

Tin, Demand No. 30 naah hian Relief & Rehabilitation chungchangah kan Minister hma lakna Department hmalaknaah, tin, sorkar kalta ang teah kha chuan Unit hruiatu te, leh Block hruiuiten an Aizawl kal hawn apiangin Silpauline hralth tham an hawn thei a. Khatiang kha vawiinah erawh chuan MLA te kutah min han pe a, a lawmawm hlein ka hria a. Khatiang a hralth tham erawh kha chu neih ve chu a chakawm ang reng hlein ka hria a, Unit hruiitute Aizawl kal apianga an hralth ve tham law law sem tur hi min ngaihtuah ve thei se chu duhthusam a ni.

Tin, Demand No. 6 naah Land Revenue chungchangah khan, Land Revenue Department hi a pawimawh em em a. Tunah hian rawt kan duh a chu

Block Headquarter tinah hian Surveyor pahnih tal hi min dah sak tulin ka hria a. A chhan chu BDO awpna hnuiah hian LSC nei khua tam tak an lo awm tawh a. In sak thu ah buai tam tak a lo awm a, hmun thenkhat te, khangah khan kan mamawhna han thlen ta ila, mahni senso in a titu tura ten, a tihtur duhtu a ten an motor hire na zawng zawng leh an pocket money tur zawng zawng tum sak a lo ngai si a. Chungah chuan sum tam tak sen a ni a. Chutah order vawi 2 vawi 3 an siam a, an cancelled zel a. Khatianga kan pawisa sen turah pawh khan harsatna kan tawk a. Chuvang chuan Block tinah hian Surveyor hi pahnih tal thingtlang mite mamawh phuhrukna tur atan chuan kan rawt duh a ni e. Ka lawm e.

**S P E A K E R** : Tunah Pu K.S. Thanga i sawm ang aw.

**Pu K.S. THANGA** : Pu Speaker, ka lawm e. Vawiinah Minister pathum Demand, Department 10 lai kan sawi dawn a, minute 10 chhung anih chuan sawi tam a har a. A thente hi chu ngaih pawimawh loh vang nilovin, thiante sawisa te kha kan ring chhawng ve deuh mai ang a.

A hmasa berah chuan Demand No. 18 na Printing & Stationery pawh hi an sawi tamtawh a thiante khan. A thalai kha ka support a ni tih kha an hmasawnna kha ka duh pui e, tih kha kan sawi mai ang a.

Tin, No. 23-na Art & Culture hi kan ngaithla a kan sawi nual a, keipawhin Minister kan congratulate duh a. Hei Cheraw-ah World Record te kan han nei a, hemi hi a pawimawhna chu World Record-a han siam ve hrim hrim hi Mizo tan thil har a ni mai thei a. Tihian kan han siam ve hrim hrim laia kha a ropui bakah, kan naupang kan thalai te tam tak hian kan culture lamah te hian an inhmang lovin hriatna an neilo tan lek lek a, tunah khan mi sing chuan in hnam lam mawi em em mai khawvelah pawh mawi tak tling chhuanawm tak a kha an han ti suau suau mai te kha a ropui a.

Tin, a lawmawm leh zualna chu, nichina kan ngaihthlak ang khan Remna leh Muanna zar zova zan tairek rek thleng a curfew laite kha lo la ni se chuan khangte kha thil tih theih miah loh a ni a. Chuvang chuan he sorkar remna siamtu hnuiah ngei mai hetiang a hlawhtlinna lo thleng te kha ropui ka ti a. Chu chu ka'n sawi ve duh a. Hmasawnna tur dang tam tak, a la awm mai thei, tunlai khawvel mil si kan culture tichhe si lova, changkang zawka la kalpui zel a, khawvela la tarchhuah zel a te pawh kha ti zel turin duhsakna ka hlan a.

Tin, Art & Culture lam hi Heritage side lamah INTAC hote nena tangho hian, sawng ka bial lamah te pawh sawn cultural heritage hmun an han puan vete a awm ve nial nual a. A tlawhtute pawh an kal ve thin a ni. Humhalh that te pawh a ni chho mek a. Chutih rual erawh chuan a tlawhtute tan a han that hahchawlhna hmun turte a lo awm lova, entirnan, Sibuta lung tih ang te pawh Heritage a puan a nih rau rau chuan amaha kha venhim a nih mai piah lamah a tlawhtute tan a that hahchawlhna ang chi te hi chu han awm tel thei sela a tha awm mang e aw, tih te ka han sawi tel duh a.

Demand No. 42-naah hian, hemi Driving Licence tih dan a hi a awlai lutuk nge ni a, keini ve khanglang pawhina driving manner leh etiquate hre lo nia kan zuk ngaih tur hi a tam em em mai a, driving hi a hreawm lek lek tawh mai a. chuvang chuan tun ai hian kal dan phung strict zawk deuh a nu leh pate thleng pawha inzirtirna pek a, fate duat nia inngai a kum tling lo licence kan han lak sak ngawt te pawh hi a him lohna hi a tam em em a. Helai hi chhiat kan tawhna tam tak pawh hi niin a lang a, kan naupang zawk uiawm tak tak future nei tak takte mual an liam leh thin hi a pawi hle a ni. Chu chu helaiah hian a mawhphurtute hian fimkhur zawk leh thahnem ngai zawka ngaihtuahna hman a thain ka hria a .

Tin, hemi Maxi Cab Inter State/State chhunga tlante pawh hi a ni ang e, tunah hian hei tlan chak tak tak mai hi an tam a, kan sorkar hmalakna in kawng a tha chak em em mai a. Kan sorkarah hmasawnna a thleng nasa a, a zarzoin Driver te pawhin nuam an ti a, mahse, chintawk an hre lova, sawi tawh ang khan speed control theih lohna avangin khawiah emaw accident a tam hle mai a, a hminga bialtu ka nih avangin sawlai saw tlanchakna area ani si a. Accident ka awmlai ngei pawh hian ka hmu fo a ni. Thih phah te an awm a, tin, ke tan/ban tan ngai te an awm a, khatiang kha ani a. Chuvang chuan khatiang ang chi kha engtia ven tur nge tih ka hre lova. Kawng a tha si a, Traffic te nena in thurualin High way Patrol te hi siam ila thain ka hria a. Chu chu kan sawi belh duh a.

Tin, thil lawmawm lam kan sawi belh duh chu, hei mipui atanga chhiah khawn thin ten an entawn tlakin tuna kan Minister hian hma a la tha a, Road Tax pekna te pawh siam belhin tunah hian helai Apex Bank hlui bulah te khan an siam a, khitah Chaitlang Transport Office ah Aizawl N & S ah khawi hmunah pawh pek theih a nih rual khan, an siam belh bawk a, Model Veng lamah te an awm a. Tin, tunah hian Model veng lamah te, Minister in chutiang a dang te pawh a la pek lehna tur te, heng mipui harsatna, chhawk tura lirthei te alo pung a. Mi tam tak tan chuan an tul em em mai a, khatianga hun reitak pawh intlar ngai lova mipui chhawkna tura hma an la te pawh hi hetiang lama neive chi, mipui atang a chhiah la ve thin department te tan pawh hian entawn tlak an tlingin ka hria a, chu chu kan sawi duh bawk a ni.

Tin, Demand No. 6, Land Revenue and Reforms hi hmanah pawh khan ka sawi tawh a, hemi kan revenue pass pek leh survey hrim hrima pawh hi kan ram pumpui survey a a chhiah te bithliah hi mumal taka tih chhoh theih a hi, a chakawm em em mai a, mi ram State-in India ram State upa tawh te an ni a, tam takah chuan an ram zawng zawng hi survey chhuakin khatiang khan, engkim mai chhiah pek dan tur pawh bithliah fel a ni a, heng hi a rang lama ngaihtuah dante awm sela a tha awm mang e aw! ka ti a. Tin, hmania ka sawi tawh he House-ah ngei hian kan land holding system hi hemi sorkar anga development hmalakna tur thil tam takah hian ka ram hi a ni zo vek mai a, engmah ching silo, engmah Balhla kung hnih khat lo awm a, sorkar chet dawna ka ram tih laia hi, hengah te hian khatiang tuna kan dan, kan ram neih dante kan siamthat hi chuan, tam tak hi chuanin ramte pawh hi an surrender duh mai thei a, a chhiah pek dan tur a zir te khan, chung chu pawimawh hlein ka hria a.

Tin, demand No. 30 na Disaster Management and Rehabilitation hi, kan sawi Pu Speaker, hun tlem min pek belh lawk thei ang a. (**SPEAKER** : Minute khat ila nei) chhiat tawhnaah hian disaster kan tih hi chuan India ram sorkarin a rawn bithliah leh a rawn huam dante chu a awm ang a, amaherawhchu, kan ram atana kan hriat ve tur erawh chu, ka tia kei chuan, department lam pawhin an lo ngaihtuah ve atan chuan engti kawng mahin tulian, rampum a chimpil tih te hi kan tuar ve dawn lo. Tin, cyclone te pawh hi a ram pum min nuai ve dawn lo, mahse, heng kan kangmei tih te kan accident, tui tla te, kan chhiat tawhna ang chi khatiang lamte pawh kha kan ramah hi chuan disaster ka hma ami zahawm tak tak te sawi ang khan heng ho tanpuina dan tur emaw hetiang enkawl chhoh dan turtur pawh hi kan ngaihpawimawh a tul hlein ka hria a, lei min te hi kan tawrh reng tur ani a, thlipui ai chuan chutiang zawngte chuan kan ngaihtuah a. Tin, Pu Speaker, pawimawh deuh hi Silpaulin hi a ni tlat mai a ni. NGO zawng zawng leh Kohhran zawng zawng hian inkhawmpuiah hian kan hmang vek mai a heng hi mumal zawk deuha kalpui dan a hi tih dan kan ngaihtuah a a puan tha deuh chi emaw khatiang kha rawn ngaihtuah se a hawh a hawh a man chawia tihdan awm se a thain ka hria. Pu Speaker, ka lawm e.

**S P E A K E R** : Tunah Pu Joseph Lalhimpua kan ko ang a, a dawtah Pu Lal Thanzara.

**Pu JOSEPH LALHIMPUA** : Pu Speaker, ka lawm e. Demand No. 23 na a Art & Culture department chungchangah hian tarlan duh ka nei a, hei kan Minister zahawm tak Minister chak tak hmalakna avangin tunah chuan District Library te Village ah library te engemaw zat sak tura ruahman mek a ni a, a lawmawm hlein ka hria a, lawmthu kan sawi a, tin, a dang te pawh hi haichhuak leh zel thei turah ka ngai a, chutiang tur pawh chuan hma an la zel turah ka beisei a ka han ngen bawk nisela.

Pahnihnaah chuan, Cultural heritage chungchang leh preservation te hetianga tha taka an han nei chho hi a lawmawm hlein ka hria a, ka hmaah khan member zahawm tak tak te khan an sawi tawh a. Ka sawi ve duh chu ka bial chhungah sawn, hei tunlaiin Women empowerment te kan ti nasa bawk a, Lalnu Ropuliani thlan a awm a, inkal chak hlawm viauin ka ring a, mahse, panna kawng hi a la awm lova, campaign lai pawhin kawng hi a la awm lova, Campaign lai te pawh khan kei pawh, ke in ka kal tauh tauh mai a, Km nga (5) vel a ni a. (**SPEAKER** : I bula mi nen khan in inchuh ang e ) Department pawhin min humhalh sak mek a, a panna kawng te pawh hi min ngaihtuah sak turah ka ngai a, kan han ngen a ni .

Demand No. 37 na Co-operation chungchang hi Pu Speaker, ka hriat phak dan tawka ka ngaihtuah hian Mizo te hi Co-operative movement ah hian kan khawsa niin ka hria a, kan veng, kan YMA kan MHIP, kan Kohhran, kan MUP hi Co-operative movement vek a ni a. Chuti chungin sorkar hmalakna avangin Co-operative Society ang hian vawiinni thleng hian a hlawhtlinna tam tak hi kan la hmu thei lo niin ka hria. Chuvangin, hemi kawngah hian dik tawk lo, siamthat ngai tam

tak a awmin ka ring a. Kan nuna kan hman reng, kan chenpui reng ni si, a taka sorkar hmalakna kan hmang thuanling thei si lo erawh hi chu a system te pawh hi enfel a ngai hlein ka hria, kan Minister zahawm tak a awm a, hei hi a ngaih pawimawh awm hlein ka hria a, kan sawi tel duh a.

Tin, Sericulture Department Demand chungchangah hian nichinah ka hmaah member zahawm tak tak ten an sawi tawh a, Sericulture pawimawhna an sawi a, Pu Speaker, ka bial chhungah sawn Zobawk area vel te saw, hei kum 10 liam taah khan ruling ni lo, Party dang reng rengin hnathawh theihloh deuhthaw kha a ni a, opposition taima fal deuh an ni nge, hna dang inhlawh fakna tur a awm bawk si lo kha, Pangang khawi saw an bei NASA khawp mai a, tunah chuan a daster level-ah phei chuan raw material ah hian a supply tam berte zing ami an niin ka hria a. A hlawhtlinna kan hmu mek a. Chutah chuan kan tarlan duh chu, kan mithiam thenkhatte sawi ka hriat danin, thingtheihmu an chin naah te hian emaw, a sirah hian lakhuih te, balhla te hi chin tel ni sela, chu chuan thingtheihmu an enkawlina kawngah nitin mamawh leina huan neitute tanah pawh NASA takin a chhawk thei ang tih a rinawm a tih te an sawi a. Kan Minister chak takin hma min lak sak a, chhimbiai tan pawha Cocoon siamna grant te pawh min din sak dawn a ni a, tunah chuan kan buaipui mek a. Kan Minister hnenah pawh lawmthu ka sawi a. A ram pum huap pawhin hmasawnna tur a ni a, ka han tarlang a.

Tin, Demand 42 na Transport Department chungchangah hian pakhat tarlan ka duh chu tunah khan driving licence pek chungchang kha member zahawm tak te khan an han sawi tawh a. A pek chungchang kha chu ka sawi tawh lo ang a, tunah hian Aizawl khawpua kan buai fona chu bike te, scooter te, four wheeler tlanchak lutuk te, chung avanga tawhsual tawk fo te a ni a. Engemaw zat chu an man a, an chhuah leh tawh tih chanchinbu lamah te pawh kan hmu a, tin, rui chunga Motor khalh hi tam tak an awm a ni, zan lamah phei chuan. A rui ve lo leh kalkawnga ke a kalte tan hian a hlauhawm em emin ka hria a. Hetah hian Transport department purview a ni em? ka hre lo a, licence inpek tawh hnu pawha hetianga tlan chak lutuk leh rui chunga motor khalhte hi chu an driving licence cancel hial theih dante pawh hi a awm a hun tawh lawm ni? ka ti a. Midang pawisawi lovin thil tam tak hliam te leh nunna thlengin an tawrh theihna a ni a. Hemi hi discipline tha zawk kan neih nan ka han tarlang duh a.

Pu Speaker, a tawp berah chuan, demand No. 6-na Land Revenue & Reform chungchangah hian thil pahnih tarlan ka duh a. Hei District Council hun laia kan dan siamte kha kan la chhunzawm zel nge ni Chief Executive Officer-in vawiinah chuan Lunglei District a ni emaw, Champhai District ani emaw, Kolasib District a ni emaw, LSC transfer emaw LSC siam thar pawh kan Minister zahawm takin a signature a pek zelite a lo ngai ta a. Hun liam taah khan kan Minister zahawm tak ka sawi pui a, a ni chuan kei pawhin ka hriat miah loh, a ram awm dan pawh ka hriat loh Serchhip, Thenzawl mite ka signature pek a tul a, hna tul lo ka thawk niin ka inhria a ti a. Ka hnenah Member zahawm tak tak ten an sawi tawh a. Hemi system a hi chu siamthat ni sela, a ram hrechiangtu, a district a kan Officer hian hemi thuneihna te hi nei tel ve thei sela, tul loah kan sorkar Officer te leh hna thawk tu tam tak ten tha an senna a ni a. Ka hmaa mite sawi ang khan mipuiin hun leh tha leh sum leh p;ai tam tak kan siam a ni. Hengte hi District Capital ah hian

tih theih lo ni ta se, mipui hemi lama a buaipui tu leh a mamawh te hian sum leh pai leh tha tam tak a seng lovin sawisel an nei thei dawn in ka ring a. Hei hi ka ngaih pawimawh a ni.

A tawp berah chuan vantlang ram nei tam tura hma lak hi a pawimawhin ka hria a. Tunah hian Central Project atan hmalakna turah Land should be free tih te a ni ta zel a. Kan hman tangkai hi chu thudang nise, kan tangkai pui miah lo pawh mimai ram hi a tam em em a ni. Ram ruak neih loh avang te a development tam tak lo kal tur kan chante leh a kawng a ping zel te hi a pawiin ka hria a. Hemi kawngah pawh hian Land & Revenue Department hian hma lak tur tam tak an neiin ka hria a. Chumi chu Pu Speaker, ka han sawi duh pawimawh zual te an ni e. Ka lawm e.

**S P E A K E R** : A lawmawm hle mai. Tuna Lunglei East bialtu Speed ang zar zar kha chuan sawi vek thei ila chuan kan khung teuh thei a ni. Tam tak hi chu kan ih eh rei thin a, kan khat ten tawn lo in a lang. Tunah Pu Lal Thanzara kan ko ang a, a dawtah Pu P.P. Thawla.

**Pu LAL THANZARA** : Pu Speaker, ka lawm e. Sawi tur tam tak a awm rualin kan sawi tum ve chu Department zawng zawng pawh sawi ka tum lo a, a thenkhat te chauh Minister ten min lo chhinchhiah sak a, mipui mamawh awlsam taka han tih mai theih tlem a zawng han sawi ka tum a. A bak chu kan thiante sawi kha kan ring mai ang a.

Demand No. 23-na Art & Culture chungchangah hian a hmasain kan member pui zahawm tak ten anlo tih tawh ang khan kan Minister zahawm tak hi khawvel hriata Mizote Guiness Book of World Record a min chhawp chhuaktu anih na angin amah leh he department a thawk tute zawng zawng hi kan lawmpui duh a. Chutih rual chuan keini veng Zarkawt angah pawh tunhmaa Central YMA in Cheraw kan intihsiaikna an huaihawt thin pawh a bu khat chauh tlin ve tawh thin khan bu 3 ngawt an rawn tlin theih phah a. Kan Branch YMA President phei chuan he thil avang hian vengchhung YMA member te inpumkhatna pawh a nasa sawt a ni a ti nghe nghe a ni.

Tin, heng Museum te Library te hi chu khawpui fem, hmun fianrial ah awm se tiin kan member thenkhatte khan an rawt a. Khang kha kan Minister khan a tih tak tak ka hlau a. heng Museum, Library te hi chu khawpui laili ah ngei hian awm thei se, tuna Capital Complex a dah tum a ni pawh saw a piah mah mah em aw ka tih laiin, heng lai Secretariat hluiah te hian awm thei zawk se chu a duhawm zawk mang e aw ka ti deuh a ni.

Tin, Demand No. 34, Animal Husbandry ah khan, Aizawl khawpui chhungah Ui vulh te kan tam em em a. Ui breed tha tak tak vulh te kan awm chho zel a. Chutih lai chuan ran damlo enna hmun hi pakhat chauh Aizawl kan nei a. A changin Doctor 2, a changin 1, te an duty a, ran entirturte tan a buaithlak em em a. Department-in Aizawl hmarlamah te hian entirna min siam sak theilo a nih

pawhin, a doctor entute tal hi min tihpun sak thei se ka duh a, kan Minister kan ngen a ni e.

Tin, Health Department in Health Worker ni chiahlo, engemaw tul a injection lo pe mai thei te, damdawi lo pe mai thei voluntary anga chhawr tur an nei ang hian, Vety. Department hian veng tinah khatiang anga min lo enkawl sak thei tu tur, voluntary a training pek dan te min zawn sak thei se tih kha ka ngen duh bawk a ni.

Tin, Demand No. 42- na Transport Department chungchangah hian tlemte kan sawi duh chu Aizawl N – III chhunga veng pakhatah hian Office private In luahin an awm thin a. Tunah hian pakhat neiin chhuahsan a, pakhat k an lo luah a, department-in in lian tak nei tawh mahsela tuna an la luah chhun saw chu min chhuahsan lo se tih kan ngen duh a. A chhan chu sawlai veng kilah sawn department Office awm chhun a ni a. Chuvang chuan min la luah sak zel turin kan duh a. Tin, D.T.O. Office-ah sawn driving license siam duhte leh thil ti tur tam takin an dawr thin a. Current a awm loh chuan Computer a down vek thin a, engmah thawk thei lovin an awm thin a. Chutiang anga mi an tih thlawn loh nan kan Minister zahawm tak hian generator a lo tiam tawh angin min lei sak vat se tih kha mipui mamawh phuhruk nan kan ngen duh a.

Tin, chumi piah lamah chuan driving licence la turte tana thla an lakna Computer soft ware saw a changkang lo lutuk a, keini ang hmeltha deuhte pawh hi chhe takin min chhuah zel mai a. Chuvang chuan, a hma lamin min thlak sak thei sela thil man tam tak pawh anih ka ring chuang lova. Tin, kan driving licence size hrim hrimala hi a lak lawh lutuk a, wallet a awlsam taka ah theih mai credit card size te hian siam sak thei sela. Tin, House chhunga kan Member te zing a mi ngeiin vawiin a min hrilh dan chuan, a driving licence kha an Xerox a, an laminate leh a, a fapain ama thlalak a tar a, tichuan, an duh tawkin a hmang thei mai a ni, khatiang khan hmansual theihin a awm a. Chuvang chuan, chutianga hman sual theiha a awm loh nan monogram an tih te pawh hi vuah dan ngaihtuah a hmalak theih nise tih kha kan ngen duh a Tin, Lunglei kawng that tawh thu te kan ngaithla a, a lawmawm a. Chutih rual chuanin, accident te a tam thu kan ngaithla a heng accidents te a lo pun zel a, kan fimkhur loh chuan, nunna kan chan tam deuh deuh dawn niin a lang a. Chuvang chuan hemi tihreh nan hianin khung Kolkatta ah te Police hovin an hman thin motor speed tehna khawl ang te hi ngaihtuah a, Police tlemte ina sawlai highway saw han manage se, chutiang chuanin motor speed, chak taka tlan, an tlan tur ang limit bak aia chaka tlan thin te kha awlsam taka man a chawitir theih a ni ang a, tiang chuanin speed chak tak taka tlante kha an lo tlem phahin, accidents te pawh an lo tlem phah theih ka ring a. Chung ang te chu kan sawi thuak thuak theih ni rawh se. Ka lawm e.

**S P E A K E R** : A lawmawm e, tunah sawi turin Pu P.P. Thawla ilo sawm ang.

**Pu P. P. THAWLA** : Pu Speaker, ka lawm e. Demand No. 18 na tlemte ka han tarlan duh chu, Printing & Stationery hi kan buaipuina a rei tawh hle mai a, sawi pawh a hlawh hle thin a, a chhan chu sum renchem tuma stationery zawng zawng hi hmun khat atanga Supply tumna tein hmalak a ni a. Amaherawhchu, inremchen lam a hnekin sum siam nan leh old stock tam tak tak hman tlak loh siam a, sum tam tak bonaah a chang ta mai kha pawi kan ti tlang hle a, mahse, a changtu Minister chhuanawm takin thil hlui zawng zawng chu auction-in an disposed ta tih hriat a ni a. Nuai khat chuang zet hemi atan hian sum save ani. Bo thlau mai mai tur kha, cheng tam tak save a ni a.

Tin, hetih rual hian hemi Department hianin hmather min lak sakin Printing & Stationery hi hmasawnna rahbi kan kai ngei ang tih beiseina lian tak ka nei a. Tin, hemi atana sum awmte pawh hi a rem chuan tun aia tam hret te pawh pek belh nisela. Ram pumpuiina kan hman tangkai theih ngeina turin hmalak thar nisela tih ka duh thu ka rawn sawi a. Tin, building chungchangthu sawi kha ka thlawp zawng tak a ni a. An awmna hmun te hi department senior tak a nih rualin building hlui tak maiah an la awm a, a chep bawk si a. Heng hi hmun thawl leh zau zawkah te kan neih theihna turin sown ni se la atha awm mang e aw, chu chu hmasawnna thar ani ang tih beiseina thar ka nei a, ka han sawibelh chhah duh a ni.

Demand 23 ka'n sawi leh ang a. Dawhkanah hian 'Mizo Rohlu' tih lehkhabu tha tak mai Art & Culture Minister hming sign a lo awm a. Hei hi member tin min present ni ang hmiang ka ti a. (**SPEAKER** : Kha tak ana, lo ngawi lawk ru, kha kha minister zahawm tak khain, 'A hei hi Mizo kan nih chhung hi chuan khawhar hla leh hetiang ang hla bu tha hi an mamawh a. Chuvangin, kan member te dawhkanah ka lo dah thliah thliah ang aw' a ti a. A rawn dah a, lawm takin kan lo pawm hlawm a ni tih kha chair atangin ka'n sawi a nih chu ka lo theihnhilh a ni)

Aw, a lawmawm hle mai, Tin, chulovah nichina thianten an sawi tawh ang khan March 12, a Mizorama thil thleng ngai lo Cheraw lam leh thil dang dang zep telin thil ropui tak World Record siam a ni ta te pawh kha alawmawm a changtu Minister pawh a chhuanawm a, a vanneite pawhin ka hria a . Kha kha lawmthu ka'n sawi nawn leh ni sela. Art & Culture Department hianin Mizorama District Council hian tuna min duhsak dan aia hmasawn zawk thei turin min enkawl zui zel se tih ka duh a Council phu tawk ang zela hnam ro thilte pawh dah khawm theihna turin hma min lak sak ka duh em em a, chu chu ka'n sawi lang bawk a.

A bik takin ka'n zep tel duh chu P.A. set te, tingtang te, subsidized rate a lak theih tur a awm thin hi a lawmawm ka ti em em a, keini thingtlang bialtute chu khawpui mi tena an duh mang loh P.A. set te chi te, tingtang te, drum set te thingtlang lamah chuan kan mamawh ve em em a. Heng hi a man tlawm taka dil theih tura awm thin hi tun aia tam zawk thingtlang bialtutena kan lo dil chhuah theih nan hmalak ni sela alawmawm hlein ka ring a. Chu chu ka'n sawi duh a ni.

Tin, Demand 42 na hian transport chungchangah hian kan sawi ve leh duh chu, tunah ka hmaah an rawn sawi tak ang khan transport department

hian bus tharte engemaw zat te kan neih belh dawn niin kan hria a. Chu chu hun engemaw atang khan Transport Department-in Bus neih tlem hian senso a ti tlem ang tih a ni a, eng ang pawh nise tunah kan hman lai te hman tlak a nih loh vangin Bus thar kan nei tur te, Saiha District lamah te hian bus route 3 lai kan nei ve tawh a, Workshop tha kan nei si lova, chuvang chuan bus thar thar te hi District kil lamah hian Minister zahawm tak hian min dah sak theih hram se ka duh a. Tunah chuan Saiha District Hqrs atang hian Niawhtlang – Chakkhang thleng Bus a kal thei tawh a, tin, Saiha – Tuipang – Zawngling – Chapui lamah leh Saiha – Tuipang – Zawngling – Lakii lamah te MST Bus a kal thei tawh a. Tin, Saiha – Kawlchaw (S-K-P) – Phura lamah te pawh MST bus a kal thei dawn tawh a, Chutianga hman a tan chuan bus thar kan mamawh hle ani. Tin, Maxi Cab leh Private bus te, a awm ve bawk taknain, thingtlang mirethei tan chuan MST bus te chu a man te pawh a lo tlawm deuh bawk a. Chuvang chuan kan thlahlel lo thei lova, chungte pawh chu min lo hriat sak ka duh hle a.

Private a driving school lo hawng te pawh an lo awm a, mahse, ka lo hriat ve chin ah chuan Transport Department ina driving school a hawn a lo zirchuak chu an hmantakin ka hria, chuvang chuan hemi Transport Department-in a driver zir duh te tana seat a neih hi tihpun theih nise la, thalai tam zawkin an zir theih nan a tulin ka hria.

Demand No. 6-na Land & Revenue Department ah hian rambuai a tam hle a, heng hi rang zawka chinfel a tih theih nan hian tun aia tha leh changlung zawkin department hi siam that nise tih hi a duhawm hlein ka hria. Tunah Cadastral survey tana District Council pathum hnena computer pek kha an lawm hle ani. Kum 2000 a MADC CEM ka nih lai khan nuai 25 man vel tur hi, District Council tinah min pe a, kan tangkaipui hle ani. Amaherawhchu, sum nei tlem ta ngang chu kan hman tangkai tur angin kan hmang tangkai hlei thei lova. Chuvang chuan heng pawh hi ngaih pawimawh zui nisela a lawmawm hlein ka ring a. Tin, Surveyor te ho, Council a surveyor hnathawk te ho pawh hi Mizoram quota a training chhuak thei tawk tawkte an ni thin a. Hengahte pawh hian quota tam zawk min ngaihtuah pui turin ka han sawi duh bawk a ni.

Tin, Cooperation-ah Demand 37-naah hian Cooperation-ah District tina ARCS te ina hun rei tak an lo enkawl tawh hi ti hmasawn tur chuan DRCS ah kan dah a tul hle tawhin ka hria a. Chu chuan thawktute rilru leh ngaihtuahna a ti thar ang a. Chu chuan he Department hi hma a lo ti sawn zawk ngei rinna nghet tak ka nei a ni. Tin, Cooperation Department a Inspector an ni emaw, a education lama hma la tu an ni emaw, ho hianin tun aia taima zawk leh thahnem ngai zawka society hrang hrangte hnena min chawh phur sak a, motivation compaign te min nehsak a, thil min zirtir lo anih chuan thingtlang society te hian mahni a che chang hlei thei lo te an ni a. A thawktute taimak leh taimak lohah hian society hi a hlawhtling dawnin a hlawhtling lo dawnin a lang a. Chuvang chuan, Cooperation Department a kan hotute leh thawktute zawng zawng hian Cooperative Department hmanga Mizoram-in hma sawnna, mirethei zawk pawhin khawsak theih phah nana kan lo hman ngeina turin mahni Office dawkhan hna ringawt mai ni lovin, a tak taka a field ah mipuite mi mawl tak tak te hi min zirtir a. Society tin a nih loh pawhin District tinah hianin Society pahnih khat tal hi entawn tlak

leh Society chhuanawma min lo siam sak theih ngeina turin tun aia nasa zawka tan min lak sak tul hle hian ka hria. Tin, Grant-in-aid tur vel te pawh hi kum tin a lo pung hret hret a. Kum tina kan budget bu ah pawh hian nuai 334 a lo lang a. Tun aia tam hret nuai 350 hial pawh plan sum te kan hmu belh a nih chuan ni hial thei sela, chuti chuan Cooperative Department hianin tun aia hmasawn zawkin ram min enkawlin, hma min lak sak thei ngei ang tih ka beisei ani.

Demand 30-naah han sawi kai leh ta ila, Zoram, tlang ram ni bawk angah hi chuan Disaster Management & Rehabilitation Department hi department pawimawh tak alo ni reng mai a, chhiatna kan tawk zing si a, thlipui avang te, kangmei avang te leh kawng hrang hrang avangtein chhiatna kan tawk nasa a, chuvangin, he Department, pawimawh zia hi chu a hrechiangtute kan niin ka hria a. Ka lo hriat chinah a changtu Minister pawh hian thahnem a ngai hlein ka hria a, kum 1 emaw vel lek hma alo lak tawhnaah pawh hian District kil ber pawhin thil thar hetiang chhiatniah te pawh kan hmanrua turte pawh min sem a, chutiang chu District Store room ah te pawh hmuh theihin a awm a a lawmawm hlein ka hria. Chuvangin Silpauline ah han kai ta ila, Silpauline hi thingtlang lamah alo tul hle mai a, leimin avang chauh ni lovin, Hmeithai, tlawmngai pawl ten a an inchung an chih sak, a lo chhiat hnu a repair hlei theih lo, Silpauline pakhat han khuh ila thlamuang taka fur hun zawng zawng hmang chhuak mai turte hi an tam hlein ka hria a. Bial han fan kual hian Silpauline mamawh tak tak, mirethei leh hmeithai hmuh tur an tam a, rilru an tiyah hle. Chuvangin nikum lama MLA tin te min sem aia tam kha kumin chu min sem leh ngei ka beisei a. Chutiang tur pawh chuan ka han ngen duh bawk a ni, a tulin a pawimawh em em a ni.

Tin, Demand 34-na, Animal Husbandry & Vety Department hi U.T. kum 14 kan nih chhunga District hrang hrang a Departmentin a staff dah tawhte leh an tih theih zawng zawng kha State kum 20 chuang kan kal tawh hnuah hmasawnna awm lovin a zuzi lam vek a ni hi a pawiin hriathiam pawh a harsain ka hria a. Tehkhin nan Saiha District chhungah chuan Vety. Farm kan neihte hi tunah chuan enkawl mumal pawh a awm lo, Bawng vulh lai leh hnute hnelai an neih leh neih loh pawh hriattur a awm tawh manglo. Tin, Phura zawlah khuan Survey land Officer te dah a ni a, Tuipanga SDVO te dah a ni a, an la awm em ? tih pawh hriat lohin House-ah sawi thin mah ila a hriat loh hlein a lang a. Phura velah te khuan Burma ram atanga ran tam tak lak luhna a ni a. Survey land Officer te an awm lova thawktu an awm loh avang khuan Revenue kum tina singthum aia tam kan lakluh thin zawng zawngte pawh tunah lakluh tur awm tawh lovin a bo vek a ni ringawt mai a ni. Chubakah khaw hrang hranga VFA an dahte pawh ran vulhtute, ran lo neitutena an rawngbawlna kan lo chhima ran vulh tha ti thotu leh kan ran tam take pawh a lo hrisel phah nana kan lo hman thinho zawng zawngte pawh khawihah nge an awm tak tih pawh hre lovin an bo zo vek a. District headquartera-ah te emaw Pensioner hlawh late ang maiin an hlawh an la a, an awm mai mai angte pawhin alang bawk a. Hengah hian a changtu Minister zahawm tak hianin tun aia nasa zawka hma min lo lak sak turin kan ngen bawk a ni. ka lawm e. Pu Speaker.

**S P E A K E R**

: Tunah Pu Lalrinmawia Ralte ilo sawm ang.

**Pu LALRINMAWIA RALTE** : Pu Speaker, ka lawm e. Hun hman dik kan tum ang e. Vawiin hi ka vanduai ni emaw ni aw ka ti a. Ka thleng lova. Nichin chhun thingpui in lai khan min rawn sem kan bawk a, vawiin chu min kan nasa riau mai. Thil dang ka ngaih pawimawh loh vang ni lovin Pu Speaker, nihna han langsar zual Demand 4 han sawi lan duh ka nei a.

Demand No. 23-na Art & Culture chungchangah hian kan hotute, member zahawm tak ten an rawn congratulate tawh ang khan kan Art & Culture Minister zahawm tak leh a thawhpui zahawm tak takte lawmpuina kan hlan ve duh a. World Record hi a hma hian kan nei an ti a. Chu chu hmanni khan Pu Speaker, I hova zuk leh hmuam - Vaihlo chungchang kan zir chian ni pawh khan World Record siamna kan lo nei teuh mai a. Cancer chungchangah hlir a ni a. Khatah khan nitin cheng nuai riat chuang zuk leh hmuamah kan khawhral a ni tih kan hria a. kan chhut thuak a, kumtin cheng nuai sanghnih zakua, sangthum dawn lai sengin World Record kan lo siam thin hi a lo ni a, a hek sak hle mai a, zangkhai te maiin hman niah mawi tak leh ropui tak leh hlim takin kan thalai sing chuangin World Record an han siam kha ropui ka ti a. Kan thian pakhatin mi rawn phone-a chanchinbu a thuziak ka chhiar fuh loh min rawn hrilh a, ‘NLUP min tiamtute phak tawk a nia, an tih kha’ a ti a. Ni love, NLUP tiamtute thiltih a nilova, Mizo thalaite thiltih a ni, hei hi. Mizo thalaite thil tih a ni a, thil dang a chhe tak taka world record kan lo nei a nih pawhin Official a Guiness record a lang lo pawh niselangin cancer-ah te world record lo siam a, a thim lam hlir thu hre thin in a hlim na thu kan han hre thei ta hi lawmawm ka ti a. Hman kumah khanin Rudiwalanga Composition, “Positive Vibrations”, tih kha Meghalaya Shillong-ah khan khuang hmangin an han play a, Mi 7951 in khuang an beng a, mi singhnih laiin an thlir a, World Record a ni a, a ding rei hlei lova. Tin, guitarist 1730 zetin kum 2007 ah khan World Record an han siam leh a, a ding rei leh chuang lova, an ti a, sawi nep nan an hmang thin a. Amaherawhchu, hengte hi chuan han ti ta tal ila, nichina kan hotu, Member zahawm tak tak ten an sawi ang khan, Cultural revolution a thleng a ni hrim hrim mai hian a hriat a, kan bul tan dan a dik viauin ka hria a, lawmawm ka ti takmeuh a ni.

Tin, Cultural heritage te, ancient movement tih vel vawn himna kawnga Art & Culture Minister zahawm tak hma lakna, department hmalakna te hi lawmawm ka ti a, tan lak zual sauh sauhna tur a la tamin ka hria a. Hetiang ang chi hi a neitu tena kan chawi vul thiam leh thiam lohvah miin an ngaihhlut dan hi a innghat mai niin a lang a. An sawi thin a, Verona khuaa i kal chuan Tourist quide ten Julieti In hmun an kawhhmuh thei ang che, an ti. Shakespearea thawnthu a mi mai mai ni si kha Julieti In hmun an kawhhmuh thei tlat a ni. Bawl thiam hi a lo awm ve ani tih te hi vawiinniah hian han sawi lan mai mai atan thanin ka’n hre ve a.

Tin, demand No. 42 sawitu tam ber tena an sawi tam em em, Transport Department chungchangah hianin hei Mizoram hianin National Crime record Bureau in a 2008 data an release thar berah hian a lan danah chuan san

ber dawttu nihna kan nei a. Hemi road accident za zela mihring thi tam lamah Nagaland-ah khian 92.01 % in an thih phah zel a. Mizoramah 89.07% thiin accident fatalities (mihring thi)ah chuan India rama sang ber dawttu nihna kan hauh a ni. Hei hi a lawmawm loh hlein a hriat a. Hemi Global Status report & road safety ina an zir chian danah hian heng Road safety atana thil hman theih reng si, kan ngaihthahte avang hian heng thihna hi a tam a ni an ti a ni. Entirnan, USA a an Car company ka fakna thin, tunhma deuh kha chuan Print Media lamah kan hmu thinin ka hria a. ‘Let’s buckle up! Together we can safe life” tih kha. A lar em em a, seat belt hren hi an thanhniam a ni.

Nichinah pawnlamah kan sawi a. Kum khata accident thlengah hian U.S. khu India aiin a let 15 in an accident tam, lirthei an ngah bawk a. Mihring maktaduai 300 chuang awrhah lirthei maktaduai 460 chuang an nei a ni, a figure hnuhnung berah chuan. Accident pawh an tam. Mahse, a thiah chuan India rama thi zatve pawh an thi lo reng reng si a ni. Chuvang chuan, a safety eng eng emaw te a kha ngaihthah kan lo nei ni hian a lang a. Seat belt te hi hman tura vuah a nih lai hian kan hmang thalo em em mai a. Hengte hi inhmantir theih dan a awm lawm ni? tih ang chi te, thenkhat tan phurrit a ni mai thei a. Rawtna ngeiaawm tak pawh a ni mai thei a. Am Maherawhchu, kan himna tur atan. Helmet te pawh khawlum lai chuan a nuam hlei nem, Mahse, kan him nan khum a ngai ang hian tih ve a tha lawm ni aw tih kan sawi mai mai duh a.

Tin, Transport Department kaihhnawihah hian mi huatthu kan sawi em lovang a. Taxi hlui lutuk, han tlan zawng pawh a sawi lui lui mai, khu deuh lui lui mai, a sirah eng eng emaw phe deuh suau suau ang hi hmu tur a a awm nual a. Heng tiang hi a bik takin Zoram pawn atanga lo kal te mithmuah a mawilo hle a ni. Bal lutuk ang hrim hrim te pawh. Heng hi kan hmasawnna tur niin a lang a. Tin, driver kawr pawh ha manglo ruak deuh keng kunga Motor khalh mai mai ang chi hmu tur kan la tam lutuk hrim hrim te pawh hi tan kan lakna tur niin a lang a. Sawiselna hrim hrim ni lovin ka sawilang duh a ni.

Tin, Demand No. 30 Disaster Management and Rehabilitation chungchangah hian, hmannya General Discussion a ka sawilan ang kha ka rilru min dek riau a. Tun March, 13 zinga lirnghing kha kan harh tawh a, kan la tho lova. Report ka’n ngaihthla zui a. Hmannya kan sawi ang khan 5.6 a na a ni a, a expecentre chu Aizawl chhaklam km 120 Myanmar ram chhung a ni a. Keini hi zone 5 ah kan awm tih sawi ringawt hi a tawk lo in ka hria a. Zone 5 ah kan awm a, time bomb chunga ding ang mai, thu ang mai, mu ang mai kan ni a. Kan building te lah kan hrevezek a, kan awmna hmun lah kan hria a. Lir hi nghing tak tak ta ang sela, hmannya kan sawi ang khan Gujarat ah te khan 7 - 8 inkar ah te a nghing ani a. LATUR ah te khan 7.6 ni ta se hmannya a nghing ai khan a let za in a na dawn tihna ani a. A nat tur zia hi suangtuah thiam phak pawh a ni lova. Chutiang lo thlen that hunah chuan engtin nge maw kan awm ang le tih hi ka ngaihtuah a kan thiam dawnin ka hre that lo mai a ni. Kan chiai hma dawn hian ka hria a.

Chuvang chuan ka rawt duh mai mai chu School Education Department leh DM & R tangkawp, State Disaster Management Committee te nen

emaw pawh hian Earthquake drill hi School ah hian neih thin tha ka ti a A bikin Primary School atanga High School ah hian, Entirnan dar kan khawn phawt chuan lir nghin huna awmdan tur kan zirtir angin in awm tur a ni tih hi nitin mai hian a ‘Earthquake drill’ an ti em ni? engtinng an koh chiah ka hre lo. Hetiang hi lirnghing tamna rama an sawi thin a lo ni bawk a. Kabul khawpuiah chuan Afghanistan indo vanglai chuan, Bomb a rawn chik vung vung chuan, naupangte pawhin, awmdan tur an hria tih ang deuh khan lir a nghin hlek tawh chuan after shock a awm leh hmaa awmdan tur zawng zawngte pawh kha inzirtir theih niin kan hria a. Hei hi, ching ta ila, a khat tawk a, Disaster Management Training emaw, engemaw neih ai mah hian kan nunphungah hian, a nghin huna awmdan tur hi than hnan ila, intihthaihna pawh ni chuang lovin tih hi ka ngaihtuahnaah a awm tlat mai a, chu chu kan sawilang hrim hrim a ni.

Tin, A.H. & Vety. Demand No. 34 ah hian thawktu an indaihlo em em mai tih kan hre theuh ang a, thingtlang lam bialtute phei chuan kan chiang lehualin ka ring a. NLUP hnuaiah hian Arte, Vawkte, Kelte, Bawngte, a pung leh dawn leh nghal si a. A lungngaihthlak hle mai a, ti a ka ngaihtuah laiin Health Department-in a ASHA (Accredited Social Health Activist) a tih ang chi tunah pawh Mizoramah 943 lai an thawk a, Voluntary-in. Hetiang chi deuh hian ran damlo enkawl dan tlangpui, ‘Basic Course’ a chiu dan te hi inzirtir ve nita ang sela, Voluntary-in ASHA ang deuh tho hian neih theih dan hi a awm dawn em aw tih hi kan Department lam leh kan Minister lam te pawhin min lo ngaihtuah chhunzawm sak sela. A tih chi ang a, Sorkar hna tih ang chi zawng hi chuan mamawh kan inphuhru zoin ka ring lo, Pu Speaker, ka lawm e.

**S P E A K E R :** Awle, sawihona hi induhtawk thei mai dawn tawhin a lang a. Phar kan awm tawh lovin ka hria a. 21 in kan sawi a. A lawmawm khawp mai. Kan thusawi pawh a hahdam tlangpuiin ka hria a. Lawmthu lam te pawh a inzep hnem viauin ka hria a, a changtu Minister te tan pawh a lawmawm lampang te pawh a ri nualin ka hria a .

Tunah chuanin, Pu P.C. Zoram Sangliana, wind up turin sawm ila, tin, pass rawn dil nghal sela.

**Pu P.C. ZORAM SANGLIANA, MINISTER :** Pu Speaker, ka Demand pathum te member hrang hrangin an sawi a, thahnem ngaihna aw hlir ngaihthlak chu nuam ka ti hle mai a. A neitu ber emaw tih tur ang veka kan Department Members ten an rawn sawi hi lawmawm ka ti a. Thahnem ngaihna a bial tan an han sawite kha a inthlahrun awm lo hlein ka hria a. Chungte chu kan sawi hmasa duh a.

Printing & Stationery bikah hian member 21 zing atangin n 13 ten an rawn sawi a, member ten an sawi point hrang hrang a kha, pawimawh nia ka hriat bakah hian kan Department a thawktu Secretariat lam a ni emaw Directorate lam a miten keiina ka chhinchhiah bakah hian min lo chhinchhiah pui a, Department danglete pawh an ntho a, chu chu Session zawahh hian. Khang kha engnge ni tiin

kan la thlir ho dawn a, Department Officer te nen, engnge ni kan tih theih kan tih theih loh te, vawiinniah hian a kimchanga ka chhang kim vek lo anih pawhin, chung hunah te pawh chuan engeni ta tia ngaihven theih kan ni ang tih hi kan sawi hmasa duh a ni.

A hmasa berah hei, Printing & Stationery han s awi ta ila, Pu Zothangliana, Lawnglai East bialtu zahawm tak khan, heta Department-in kan mu tan lai tak min rawn hriat sakin centralized chungchang kha tih vat a ngai a ni a rawn tih kha a lawmawm hle mai a. Hemi chungchang a sawi ka duh chu, Sorkar pawh hian Chief Secretary level-ah order vawi 4 lai sawrkar kalta leh tun sorkarah pawh an chhuah tawh chung hian department tam ber ten an la duh lova, chutih rual chuan chhuah reng chung si khan, kan sorkar mualphonaah ka ngai lova, han sawichian House-a kan duh a chu Secretary meeting thawtanni apianga Chief Secretary hova meeting ah hian vawithum tlawng mai hi decentralize tur hian an rawn rel thin a, kan lo hmu leh thin a ni. A dik tak chuan hemi meeting a an lo chhuah hian Cabinet meeting ai chuan Department Officer te hian an ngai thu tak zawk em ni a tih theih a. Kan Department chungchang an han rel dawn em tiin an lo ngaichang thap thin a ni a. Chutilai Department ina hemi centralize-na atan leh a dang develop chhoh zelna tur atan a hmasawn kan tum laia Secretary meeting-na a rel a ni thin (Policy matter leh nghet) hi a pawimawh hlein ka hria a. Tunah erawh chuan Note sheet ah department hmalak dan te chiang takin kan han ziak a, Cabinet Memorandum buatsaih nise an ti ta a. Chu chu nakinah Cabinet a sawi ho hunah pawh House-a member tam ber ten Centralise thatzia an rawn sawi kha kan hotuten min hriatsak ngei ang tih ka ring. Chu chu kan sawi tel hmasa duh a.

Tin, khawl changkang tak tak kan han neih chhoh takah hian sorkar kal ta a hmanraw neih thenkhatte kha tunah chuan Museum-ah kan dah tawh a. Tun sorkar thar hian hmanrua an lei thar chhohna atangin hma a rawn la chak ta hle a. Chu chu vawiinah phei chuan kan Governor-in a speech a a sawi para 46- ah phei chuan DoNER Ministry atangin he Printing Institute tih changtlunna tur atan hian vaibelchhe 8 leh nuai 75 finance tur a rem tih a ni tawh e, an rawn ti a. Hei hi nichinah member zahawm tak ten an sawi a. A va rei tawh ve, kan sawina kha a rei tawh a an ti a. Nia, DoNER Ministry hian tih sual palh an nei a. Hemi DPR kan zuk thawn tlak hian, Labour Ministry ah engzahnge labour ngai dawn, kan mamawh miah loh hi engzahnge ngai dawn in comment kan duh, an lo ti a. Central PWD ah engzahnge a building sak nan ngai dawn, engzahnge insenso ngai tur tih kha zawhna an lo pe a. Chumi avang chuan hengte hi a ngai tawh lo a ni tih kan zu hrilhfiah a, kan hrilhfiahna kha an pawn a. Chumi avang chuan vawiinniah DoNER Ministry atangin vaibelchhe 8 leh nuai 75 hi a rawn tleng dawn a Chutih lai chuan member tam ber tena kan han sawi, kan Calendar vai rama chhut, mahse, kan indaih lohna Pu Speaker, sawi tel ka'n duh chu, hemi Calendar kan siam a thil kan han tih reng reng binding hi a lo ngai thin a. Khata tan khan man power hi a lo ngai thin a, chuta tan chuan Man-power hi kan nei chau hle mai a. Chulai bikah erawh chuan duh anga kan thawh min tichak thei lo a ni, tih hi ka'n sawi duh a. Engemaw zat kha mihring tih a la ngai tho tho a. Heng Calendar te, zirlaibu chhut nan a vaibelchhe tel State pawn a kal thin pawh hi heng kan tih hlawhtlin hunah chuan kan State chhungah tih theihin a awm dawn

a. Member thenkhatin an han sawi, kan letter head te leh kan visiting card angah te pawh hian Ashoka Pillar te pawh kha Delhi kutchhuak ang zaih a, han ti tur te kha an awm thei tawh dawn a. Department dang sawinaah te pawh khan kan sawi duh tel a ni. Tin, Driving licence te leh thil dang tam tak MGI khawl kha he project ah hian a tel a, chumai bakah chuan Chawnpui vengah hun hmasa lamah khan ram kan lei tawh a, hmun dangah ram zau tawk tak kan nei bawk a, hmania Prime Minister in Rs. Twenty thousand crore hman tur a nih thu ngaihtuah tum pawh khan ka sawi tawh a, hengah te hian kan building hi min sawn thlak sak se ka duh a ni.

Kum kaltaa Budget Session ah pawh ka sawi tawh kha. Member ten min tuipui em avangin kan sawi nawn leh a ni e. Helai hmun hi parking atan te thlai thar zuartute tan te Market atan hian hmang ta zawk ila, keini Department min tlawhtute hi chu lirthei nei kha anni deuh vek a, chuvang chuan Luangmuala kan Ram leh Chawnpuia kan ram te khu a sakna tur building kha awmthei nisela, chutah chuanin heng kan problem tam tak hi solved in a awm dawn a ni tih hi kan sawi tel duh a ni.

Tin, Department atanga thil chhia awm fo thin hi pawi kan ti hle a. 2009 October thla Session ah pawh khan ka sawi tawh a. Thla hniih vel kalta atang khan indent hi kan ti tawp ta mai kan ti a nih kha. A chhan chu hei hi engnge kan tih chuan khatianga Chief Secretary atanga order awm reng pawhin Department-in an rawn lak tlat loh kha chuan keinin term kalta te tihdan a Indent kan tih zel chuan a chhe pung zel ringawt dawn a. A lehlamah chuan Party avangte leh Pathian, hotute zara heng a thu vete hi chu kan nihna angin kan Party workers mamawh ve tak tak te han pek ve te hi a chakawm a sin. Amaherawhchu, material lakkhawm ringawt a kha thil tul kan ti lova, keimahni level Ministry, Minister atang phei chuan hemi indent hi kan han titawp ta hmak kha a ni nghe nghe a, chutiang chuanin thil kal dan hi a ni a. Chuvang chuan, chutah kan han check ta a, keimah ngei pawn a hmunah kan tlawh ta a, chuta kan han hmuhchhuahah chuan cheng nuai sawmhnih leh paruk man hi chu ala hman tlak kan tih bak zawng nuai sawmhnih paruk man a kha, khawiah mah hian a hman tlak loh, a hmanna tur atana tih. Pu Speaker, mak em em mai chu, commode brush tih ang ringawt te hi feet 12 bial khat dawn hi zu lo awm a mawle, a mangan thlak a nia, mamawh tute hnena sem lehna tur lam ngaihtuah miah lova khatia indent lo pek pawp pawp a kha, ramhluizia kan ti a, sorkar tharah hi chuan kan han ti danglam ta a, khang ang chi a kha, vawiinah chuan, tlawm te te a tih a ngai a, nuai zahnih dawn man a kha vawiinniah a chhia te an han thliar hnu khan, nuai 26 man vel chu a la ni thei ang a, kan ti a, advertisement kan chhuah a, an rawn chhang a. Chumi a chhangtu ah pawh chuan a chhang sang ber hi i pe mai ang tiin, chumi Committee phei chuan an rawn recommend nghe nghe a ni tih te pawh hi kan sawi tel duh nghe nghe a ni.

Chuvang chuan heng ang chiah chiah hi, hemi bikah hian kan sawi tel duh deuh a, member ten an sawi a lawmawm ka ti em em mai chu, din chhan ang hian a hlawhtling lo a ni. A hmingah reng reng pawh, Department Directorate dang te chu a head kha director anni vek mai a ni a, head of Department hi, Printing & Stationery Department hi Controller tih a ni, chumi ina

a tih tur chu a chiang nghal em em chung hian control theih miah loh hi awm a, hmanni lawkah khan chanchinbuah te pawh kan lo hmu uaih uaih bawk a. Association chuan, ngaih loh lamah an ngai lo ang a, Stationery dealer association in kan Chief Minister hnena an thu thlenah khan point pakhat a awm a, chu chu, de-centralized an dil a ni. Chumi chu vawiinnia House-a member zahawm tak tak ten a tha lo zawk a ni tih min pawmpui a kha a lawmawm ka ti khawp mai. Chung ang chi a te chu vawiinnia kan discussion-ah hian a lo lang hi min ti lawm em em tu ani tih pawh kan sawi duh ani.

Tin, Aizawl South I bialtu MLA zahawm takin a sawi ang khan Private Farm te feed thei tur khawpa beiseina min rawn neih pui leh kan thil tum chiah mai private farm te kan feed dawn a ni tih min rawn hriatpui te hi lawmawm kan ti a, hetah hian a chhiatna chhan leh vang zawng zawng te pawh hi uluk taka han en chuan deport a hotu in a mamawh leh a dinhmun demand lo kal ang nilova heta tanga thu neituin a pek thin ang a bul an tanna ang hian hengte hi a kal tha ang tih kan ring tlat a ni. Chuvang chuan tuna an rawn duhsakna a an material supply atan nuaisawmgna zet dah pawh a tlem tham em a, 250 vaibelchhia lo kal tur vel hriat thawi atang hian pek ngei nise tih te kha a tak ram tleng sela kan lawm awm mang e tiin kan sawi tel bawk a ni.

Chutiang chuanin Pu Speaker, hmanniah kan sawi tawh a, engatinge Gazette te hi kan hmu zung zung ta lova, tih kha kan ngaithla a, helai chungchang a hi chiang deuh hleka han sawi thani ka hria a, Mizoram Department hrang hrang offical ten memorandum leh a government plate atanga chhut a ni a, RNI Registration No. 27000 ni 29 1972 a neih a ni. Chumi behchhan chuan Postal Registration no. NE 313 MZ neih a ni a, chu Postal Registration kha ni 31<sup>st</sup> 12. 2008 ah khan a lo tawp a ni.. Registration no. renew leh tumna chu tun tleng hian a tih theih, kan la hlawhtling tlat lo mai a, a chhan chu RNI Registration copy hi Information and Public Relation leh Printing and Stationery a 1986 kum a kan indan khan hmuh zawh ani ta tlat lo mai a. Kan indan khan, R.N. Registration copy tel lo chuan Director Postal Services Aizawl hian kan Postal Registration neih hi min release sak thei si lova. Chuvang chuan 2009 tawp lam atang khan a bik takin Official Gazette copy hi ninawm tham khawp ti ila, tawngkam mawi lo a ni lovang chu. Pocket 1200 vel hi Aizawl Dak Inah hian a tang ta a. Chumi hnua Gazette chhuak leh chu pocket 1800 aia tam Printing & Stationery Office ah hian thawn chhuah theih loh vin dah tan a ni bawk a. Official-in tunah hian kan Residential Commissioner Delhi pawh RNI duplicate copy min buaipui turin kan ngen a. A mi chhanna atang chuan rei lo teah hlawhtlin kan beisei a. Chumi anih chuan harsatna, a phek te te ni lova, a bu puia kan dawn thin anga kha dawn leh theih kan beisei a ni. Hetiang hi kan dinhmun anih reng avang hian Aizawl khawpui chhungah hian kan Dak runner te hmangin Mizoram Gazette hi a subscribe tu te zawng zawng hnenah kan sem ta ringawt mai a.

District Headquarter a subscribe tu te phei chu - Sumo te Maxi Cab te hetiang service ngam tlak tlak te hnenah hian kan thawn ta ringawt mai a. Postal Registration hi a fel ve leh a ngai tein subscribe tu ten in lo hmu leh vat ang tih kan beisei a ni.

DoNER Ministry hnuiai Printing Institute atan fund kan dil hi kan hmuh hunah phei chuan MLA tin ten nangmahni Office zahawm tak ina Lap top min pek vek atang khan a bu a siam ngai tawh lo khan Laptop atang khanin Internet atangin ti zawk ila a ni ang chu in lo click chhuak zung zung tawh mai dawn a ni. Tuna kan department hmalakna mek hi a ni bawk a. Hetia a sem a sem vak vak lovin in that hmunah in lo click chhuak zung zung tawh mai dawn a ni.

Pu Speaker, Printing & Stationery bikah hian nichina an rawn sawi thenkhat kha kan chhang nual ang a. Generator October thlaah khan kimchang takin kan wind up naah khan department hmalakna kha kan sawi tawh a. Vawiinah chuan chung duh thawnha angte chu kan han ngaithla kha ani ber a, chuvang chuan Pu Speaker, khalai bawrah kha chuan a tira ka sawi ang khan kan lo chhinchhiah vek bawk a, department Officer te nen kimchang taka sawi hi a tul loah ka ngai deuh mah mah a, amaherawhchu, pawimawh em em a ka hriat chu kan stock chhiatna chhan hi sawi ngaiin ka hria a, hei hi department in a lak huna an lak loh vang pakhat chu a ni phawt a. Engpawhin, mihring pawhin nun hun chhung nei kan ni a, chutiang bawkin kan material pawh nun hun chhung nei a ni a. Khati hun chhunga pek an ni emaw lak a nih loh chuan a lo chhe ta thin a ni tih hi ka sawi duh a. Chutiang anga tirh ve zung zung a nih theihna tur atan chuan kan han ngaihtuahnaah chuan tunlaia Computer te E government hmang tangkai a computerized turin kan inbuatsaih a, tichuan nichina ka han sawia kha a hlawhtlinna kan lo hmu dawn a ni. Hei hi ka Member pui te hi ka hnena information ang pawha ka hriatpui duh chu khatiang kan thil tum kha tih hlawhtlin a nih chuan kan member ngei ngei pawh hian Internet Connection atangin 99% hi helaia inzawh buai ngai lo hian in lo hre thei tawh dawn a, in en reng thei tawh dawn a ni tih kha ka sawi tel duh a. Hemi fully Centralized zawk supply Stationery article atan hian Department of Printing & Stationery hi kan inpeih a ni tih hi ka sawi duh a, tunhma centralized harsatna ber kha chu tunah chuan purchase and supply system hmangin computer lo thunsa hmang khan Department in a mamawh a ni emaw, engnge stock a an neih tih zawng zawnga kha an rawn thlir thei tawh ang a. Chutiang tur chuan kan inbuatsaihin DPR ah pawh kan han telh a ni. Tuna laklawh taka kan inbuatsaihnaah chuan 50% centralized theih loh thak a ni a. 100% fully centralized ilang chuan quality control mai bakah sum tam tak kan hmanna Stationery a hman ralna Computer hmangin vawi khat click ah a lang chhuak zel dawn a. Mi tam tak supply dil a buaipui thin te pawh kha department a intirh kual ngai lo khan Minister tan ngei pawh a bul a han click zeuh atang khan hei hi kan dinhmun a ni a, hei chu kan la ngah a, kan mamawh lo ani, nakinah kan la ngaihtuah dawn nia aw tih kha a theih dawn a ni.

Short colon machine leh image setter chungchang hi Mizoram Calendar pawh 2008 – 2009, 2010 ah hian copy 5000 chhut tir kan ni ve a. A copy chhut hi tun dinhmunah chuan atam lam kha kan harsatna a ni tawh lo va, binding hi nikhatah copy 500 chauh kan bind thei hi kan harsatna chu a ni a. Nikum 2009 November third week ah chhut tur min rawn pe chauh mai a. Kan hun leh kan man power khan a indaiah lo ani. A hma deuh hleka min rawn pek chu nise kan man power neih ang ang pawn tih theih tur ani a. Ministry hmasa plan kan ngaihthlak ang khan four colur machine hi tih a ni a. Hei hian 40% 50% hi mihring kut a innghat a ni tho a. Tuna kan Project DoNER Ministry atanga

sem an tih tawh ah chuan 100% kha mihring kutah ni lovin khawlah a inngat tawh dawn a. Chu chuan nasa takin min chhawk dawn a ni tih hi Pu Speaker, Printing & Stationery bikah khan kan sawi duh a ni.

Art & Culture Department bikah lut leh ilangin. Member 21 ah 17 lain an rawn sawi a. Heta sawitu tam ber tena kan Mizo hnam lam mawi tak mai Cheraw hmanga World Record kan thalai ten an siam, chutah keini department khuang vawtu kan lo ni ve mai a. Chumi hmanga siam a lo awm min lawmpui kha kan lawm tak zet zet a, kan lawm hle a ni tih ka sawi duh a. Sawi thin angin Chapchar Kut leh Cheraw World Record thuchah local leh Doordarshan, All India Radio ah te ka sawi angin leh member te sawi ang khan, Remna leh Muanna hnuaih lo hi chuan enganga Culture mawi leh Tradition mawi pawh hi nei ila a parchhuak thei lo a ni. He ram hian harsatna a tawk tawh thin a. Curfew emaw hlauh neihna hnuaih chuan nilai zan inkhawm dar vawtu tur kan inhmu zo lo thin a ni. Mahse, Remna leh Muanna hnuaih chuan, Remna atana dinhmun kiantu ngei Pu Lal Thanhawla, Chief Minister a rawn nih leh na, a sorkar kum khat leh thla 15 a kal meknaah hian kan hnam lam mawi tak, kan culture tih nunna tur a cultural resolution he ram, he hnam thalaite zinga a lo awm theihna tur atana kan thalaite NGO te, Institution a zirlaite leh hotute, khawtlang leh Department hotute an tha sente engamaha ngailo a hma an lakna a hlawhtlinna kan neih te hi lawmawm kan ti.

Hetiang Record siam tur hian hnam pakhat emaw, khawilai veng pakhat emaw a tih theih loh a. Hnam hrang hrang emaw tan an neih ang chi kha angai ta a. Mizo ten ‘Cheraw’ kan tih hi, Thai te Philipine leh China te, Korea te leh South East Asia, Cambodia ten hming hran an nei vek a. India hmar c hhak a mi ho tlang mi hrang hrang pawhin ‘Cheraw’ Mizo in a kan tih hi hming hranin, Mau hmanga lam angin sap in an sawi ang hian an nei ve ani. Sap hovin common name ah min hman sak a, ‘Bamboo dance’ an ti a. Khami khaikhawmna tel lo chuan registration a tih theih loh a ni.

Pu Speaker, tah hian vawiina i dinglama thute chauh hi he malsawmna atan a hmanrua a ni lova. Sorkar kaltaah khan registration hi an lo tifel vek a. Mahse, hemi attempt tur a department lam ten an rawtna a kha, an lo tih puithin sak thei lo a. Tunah keini kan lut chho a. Kan Chief Minister in kan sum dinhmun te hrerengin kan culture in pholan theihna tur atana sum leh pai min ruahman sak hi a bik takin kan Chief Minister, Finance changtu chungah pawh hian a department ang leh a changtu ang pawhin lawmthu kan sawi duh bawk a ni. Vawiinniah chuan internet hrang hrang hi han hawng ta ula Pu Speaker, Member zahawm tak te hawng thiam vek an nih ka ring a, internet tin mai hian March ni 12 thil thleng kha an rawn tarlang ta mai, kan Cheraw kan, nula lam leh tlangval khawng laite kha hmuh tur a lo awm ta a. Mizo thalai ten Mizo mipui leh Mizoram sorkarin sap tawng Bamboo Dance an tih Mizo tawng a Cheraw kan tih hmang hian World Record an siam ta ani tih Certificate Mizoram Art & Culture Minister in a dawng lai thla te hi tarlan a lo ni ta. Kan ngaihtlak ang khan Canadian Broadcasting Corporation an ti nge Commission phei chuan kar khat chhung teh meuh mai kan Cheraw lam leh Music ri kha Sound of the Week atan an lo hmang ta hial a ni, chubaka hnam a chianna hi a awm emaw ni le ka ti a ni.

Pu Speaker, kan culture leh traditional mawi tak hmanga khawvel a kan inpho chhuah hi hnam kan in chawikanna a ni a. Chumi ti tura mi tinreng mai an han phur te hi lawmawm ka ti. A bikin han sawichhuah ka duh chu St. Pauls High School in bu 28 ngawt mai an rawn thawhchhuah pui thei ani, a ropui hle mai. State pawn Churachanpur atangin YMA Branch an rawn thawk thla vang vang mai, Mizoram chhung bik chu dah tha ta ila. Chutih rualin Gelead Special School naupangte tawngtheilo, bengngawng ni bawk si ten khang music kha an hre miah lo chungin vawi khatmah tisual lovin anmahn hotute pawhin min lo ngaidam se kan ti teh ang he House zahawm takah hian sawi ka duh engatinge lammual chhungah khan kan lo dah loh aw! ka ti a ni. Kawng dungah khan an lo lam a ni. Khang angte tawng thei lo, bengngawng te lehnghal an ni a. Veng pakhata hruaituin min hrilh dan phei chuan kan nula tlangvalte sap hla bak sakna chang hre tawh lo ten vawiinah te chuan he music hmang hian an practice a, hawnah pawh pendrive ah an rawn thun a, khumahte hian music rem hian an lam tlut tlut a ni tih min hrilh a. Chutiang khawp chuan kan thalaite zingah culture revolution a thleng hi lawmawm ka ti a, chung angte member ten min han hriatpuinaah khan lawmawm ka tih rualin, a bik takin heta tan hi chuan chawimawina mai kan inpe dawn a nih chuan kan Chief Minsiter ngei hi chawimawi tur chu a ni tih hi vawiinniah a hmalakna ropui tak a ni tih kan theihngihlh ang tih ka hlau a, chu chu kan sawi tel talh duh bawk a ni.

Tin, chutiang chuan thil hlui vawn that chungchangah pawh vawiin hian harhna a lo thleng thar ta hle mai a, kan hnam incheina chi hrang hrangte chu Cheraw kan dawn leh kumin Chapchar Kut dawn karah khan Aizawl bazaar ah lei tur an awm ta lo a, a awm chhun pawh kha a hlu em tawh mai a. Zing dar sawma 150 man te kha dar khatah chuan zathum te a kai tawh a ni. Khati khawp khan kan hnam incheinate hi kan thalai ten an lo hlut ta a, a lawmawm hle mai. Chuvang chuan, hemi thil hi kan zavaia kan han hlimpui leh kan han sawichhuak hi lawmawm ka ti takmeuh meuh a. Thil hlui vawn that te hi kan Department ina kan hmalakna a ni a. Demand a kan pawisa neih zat leh tih te hi chu kan hmu.

Kan Department hian vanneihna tak kan neih chu NEZCC atang ten, tin, chumi bakah Raja Ram Mohan Roy te, Library Foundation, Kolkatta atangte Indian Museum atangte, Queen Victoria Memorial Hall atangte leh Ministry atang ten, he kan budget a awm mai ni lo, vawiina kan sawi mai nilo hi tam tak tih tur a awm a. Chung ang te hmang chuan, in biala hmun hrang hranga kan pipute sulhnu leh thil hlui humhalh kan rawn tumna kawngah khan Pu Speaker, i chair kaltlang hian member tin te kan ngen duh chu, min lo humhalh pui sauh sauh zel turin kan duh che u a.

Hei kum tharah pawh 13<sup>th</sup> Finance Commission-in heta tan khan an Finance Minister speech ah te pawh kan hmu a. Pawisa eng emawzat min pe a, chumi project chu siam hun lai tak a ni a, member te hemi kaltlang hian in biala in ngaihmawte kha kan thun vek theilo anih pawn, rawn thehluh hun lai tak ani tih te pawh kha kan sawi tel duh a ni. Chuvang chuan Pu Speaker, hemi ah pawh hian sawi tur tam tak awm mahsela khatiang zawng khan duh tawk mai ila a thain ka hria a.

Tin, pakhat sawi loh theih loh awm leh chu, heng ang hmun hlui leh thil kan han humhalh rual leh approach road te kan han siam rual hian, nichina Aizawl 'S' III bialtu MLA zahawm takin a rawn sawi ang khan a thawktute hahchawlhna hmun tur te thleng hian chung hmunah chuan sak theih a ni a. Kan member zahawm tak tak tena in han sawichhuah angle pawh kha kum tharah hian theih angin hma rawn lak chhoh zel kan tum a ni tih pawh hi kan sawi tel duh a ni. Pu Speaker, a ninawm loh nan ti chinah khan duhtawk leh mai ilang thain ka ring deuh a.

Transport-ah lut dawn ila, a tha ang e. In sawi zawng zawng kha kan chhinchhiah kim lovang tih kan hlau a. Transport Department ah phei chuan member 21 zinga 19 lain in rawn sawi a, a lawmawm hle mai a. He kan hmasawnna tam tak te hi helaia kan budget chhunga mi mai a ni lova, central atanga kan hmuhte a ni hlawm a. Chung te thlenga min rawn hriatpuia in rawn sawichhuak hi lawmawm kan ti a ni.

Nia, hun kal tawhah khan indemna lam ni lose, Pu Speaker, he Transport Department hi chu tihtawp tum zawng hian a kal emaw ni chu aw tih theih a ni. Bus 200 rual lai nei thin a kha 52 tlan thei cheng cheng, a then phei chu kum 16 a upa te, 54 bus kan neih zingah 40 chuang hi chu a Company te pawhin an siam dan anga tlan tawh lo tura an duh chin a ni. Amaherawhchu, keini Department kan tlan ve na thung erawh hi chu private tena an tlan duh lohna ani tlat mai a ni. Member zahawm tak tak ten Lawngtla West bialtu MLA zahawm takin a'n sawi ang khan a bialah te pawh khan kan han tlantir lauh lauh naa thlatin emaw a, quarterly emaw a report helai enkawltute hnen atanga kan han dawn hi chuan a changtu nih hi chuan, lu thak hiah vang vang hi a ngai thin a ni. Chutiang chuan kan District Capital pakhat pawimawh em em Saiha angle pawh kan han tlan tir thin a. A tlawm zawk tih hrereng chung hian, a mak khawp mai, private Sumo, Bus-ah emaw an kal leh thin a. Report quarterly emaw monthly emaw DTO ten min han pekah hi chuan hlohnna hlir mai hi a ni. Khang kha kan tlanna thin a ni tlat mai a ni. Chutihrual chuan insiamthat kan tum chho zel a, vawiinniah phei chuan heng kan driver te leh kan conductor te ngei ngei pawh hi driver an ni. Conductor an ni tih hriatna tur a tan uniform an ha anga, chumi bakah chuan an name plate te pawh an bel ve ang tih vel te pawh hma kan lakna ve ani a. Tun atanga reiloteah chuan, sorkar tawng nisela, heng kan driver te leh kan conductor te hian name plate belin uniform an rawn ha thei tawh dawn a ni tih te pawh hi kan sawi tel duh a ni.

Tin, Transport Directorate building hi Sorkar hmasa khan engemaw thlenga lo kalpuia an thiayah ISBT hmunah Chaltlangah Directorate pawh sawn chhoh a ni a. Tahchuan, khata DPR kha sorkar pawhin uluk takin an en a, tahchuan, duhthu a sam loh em avangin member tinrengin kan duhthusam tak hian tunah chuan P.W.D. lamah kan mithiam ten min ruahman sak ta a. Tuna min han ruahman sak dan chuan Temple level-ah sawn basement ah parking dah kan han tum a, amaherawhchu, chhak lam ko rem saw a rit lutuka kan mualpho kan hlau deuh a. Chuvang chuan ground floor saw parking a ni ang a. A chhawng hniih Office a ni ang a. Tin, khimi Vanapa Hall road level zawng khi parking a ni leh ang a open space a ni thung ang, khawhawina dip lovin, Office chhawng khat a awm leh anga a chung lehah central lampang atanga sum hmu reng kan nih avang hian,

khulam pang atanga sum hmuh awlsam deuh nan driving training hall a ni ang, chumi atan chuan hemi hi kan han earmark a, tuna kan han hmalakna a ni a, reilote ah hian hei pawh hi tan theih kan inbeisei tih kan sawi duh bawk a.

Tin, Mamit bialtu Dy. Speaker, zahawm takin a rawn sawi, Mamit D.T.O. Office tih thatna atan pawh hian budget-ah pawh pawisa kan dah a, amaherawhchu, a hmun a la fel lova, a bialtu a nihna ang pawhin, department pawhin kan duh lai tak mai leh D.C. hmasa, vawiina kan hnena awm tawh lo, Pu Z.Lalhmingliana'n a hmun a lo earmark ngei hmunah te pawh khan Office hmun kha min rawn pe thei sela, tahchuanin kan sa chhunzawm vat thei dawn a ni tih pawh hi ka'n sawi duh a. Chutiang zelin District capital danga kan member zahawm tak tak ten in han sawi pawh kha kan rawn hma chhoh zel mek te an ni tih kha ka'n sawi duh bawk a ni.

Tin, tunah hian Ministry lam, Delhi lampang thahnem ngaihna leh thil phalna zarah JNNURM hnuiah Bus 25 min peve a, khawpui chhung city a tlan tur ani a. Chumi 25 min peka chu bus lian pui pui ang khu a ni a. An mi rawn sanction tawh hnuah kan zu dil tha leh a. Tah chuan Mizoram tlang ram kawng mil deuhin 24 seater ang hian min phalsak ta a. Chumi 24 seater anga min phalsaknaah chuan 11 (sawm leh pakhat) 1<sup>st</sup> instalment-a a vawikhatna a lo thleng tura sum leh pai daih tura kan ngaihah khan 14 lai mai a daih thei ta a. Tun kar chhung hian a lo thlen loh pawhin, kar lehah chuan a lo thleng ngei ang. Kan Bus lei hi kan fimkhur em em mai a ni tih Pu Speaker ka sawi duh a. An sakna hmunah kan Officer ten an zu en a. Ministry duh dan leh keimahni duh dan Company te nena kan agreement bawhchhiain an tih chauh chuan rawn hawsan ang che u tih thu kan inchah a ni. Tiang chuan an zu en a, duh ang thlap chuan Guwahati ah Regional Centre ah, heta Guwahati hmuna an han siamthat engemaw lai te a han awm leh a. Chumi chu an en tha leh a. Chumi chu an zu en leh tawh a kan Officer te pawhin, kan technician ten. Chutah chuan Aizawl an agent te hnenah an rawn phur thleng a. Guwahati a an en dan te, khutah Jaipura an sakna hmun a hming ka sawi sual mai thei naa, chuta an sakna hmun atanga an thil hmuh ang kha ni lo anga a rawn thleng anih chuan kan reject dawn, kan pawm dawn lo a ni tih hi kan hriattir a ni. Chutiang chuan a ni a, hetah keimahni Directorate a a lo luh dawnah chuan keimahni Department leh kha Company inremna leh Ministry ina guide min siam ang thlap a tih hi kan tum nghe nghe ani tih te pawh kan han sawi tel talh talh duh a. He kan Budget Session neih chhung ngei hian Pu Speaker, heng kan bus te hi a lo thlen theih kan beisei a. Ministry min pe tu ten min pekna khawpui chhunga tlan tur a ni a. Chuvang chuan, heng kan University atan te, kan New Secretariat, Complex lama tlan tur te chutiang chuan 14 chu ruahman chhin a ni a. Hetah i bial lampangah te, Aizawl 'E' – I bialtu lamah te pawh tlan a pawimawh em em a ni tih kan hria. Vawiinah hian khang zawng zawng pawimawhna hmun kha a rawn cover kimlo anih pawhin 2<sup>nd</sup> Installment ah hian a aia tam zawk hi a rawn thleng leh dawn a, chumi hunah chuan khawpui chhung atan kan ti ang.

Tin, tun hnai lawk a Plan Discussion neih pawhin kan Secretary leh kan Director zuk kal te pawhin thil lawmawm deuh an rawn hawn tel chu Bus 12 lei na kan Department tan min rawn pe a, chung hunah chuan Zokhaw lam a

Bus hlui tak tak condemn ngai ngawih ngawih aiah te hian chung Bus te chu rawn tlan tir theih kan in beisei a ni tih hi kan sawi tel duh bawk ani. Tin, kan DTO ho Office tinreng hi Computerise a ni tawh a, an rawn sawi ang khan Aizawl khawpuia kan harsatna tawh chu kan Motor Register-na emaw, tax pekna emaw chungchangah hian Aizawl North – III bial chhunga Edenthalar-ah chauh khuan kan nei thin a ni. Motor lian, Motor te, Two wheeler zawng zawng an ti a. Chu chu February thla tan tir atangin Aizawl Vanapa Hall bul ah STA Office thin ah Counter Office pakhat hawngin kan Directorate building-ah kan hawng bawk a, Aizawl North – III bialtu zahawm takin a tuna inla luah lai hi chu min la luah sak zel rawh u tih kha a dil ang khan tih sak kan tum a ni tih pawh kan sawi duh a. A chhan chu, Motor lian te khan khawpui chhung an rawn tlan lut thei lova, Motor lian te lo en a, check-na hmun atan khan a pawimawh tho a, luah chhunzawm zel kan la tum a ni, chutih rual chuan Ch. Saprawnga Truck terminal hi Pu Speaker, Transport Department ta a nilova, UD & PA ta a ni a, chumi anih avangin khalai hman dan tur leh tihdan tur kha chu keini sawi tur ani lo ang tih ka ring a. Khalai bawr kha min hriathiam kan member te kan ngen bawk a ni.

Tin, Driving chungchang a harsatna kan tawh thin hi a Institution chungchang a sawina hun tha tak kan nei thei hi a lawmawm hle a. Pu Speaker, tunah hian Driving School hi Hlimenah pakhat kan nei a, Private Driving School hi Aizawlah pali a awm a, Lungleiah pathum a awm a. Champhaiah khian pakhat a awm a ni awm e. Mahse, khilai Officer ten an lo enpui a ni tih enquiry kan han lak atang hian kan hria a. Hetah sorkar a phalna rawn la a, rawn ti chu an ni miah lova a hlauhawm em em mai a ni. Kan hriat ve leh inquiry la turin Officer te kan tir a, chuta kan han hmuah chuan khilai kan District Officer-ten an lo enpui thin a ni tih kha kan han hria a. Chutiangah chuan helia hriat tur pawimawh chu keini department-a zirte hi chuan an zir hun chhunga hi thla hnih an zir a, Private-a zirte hi chuan thla khat an zir a ni. A course ah hian theory leh practical hi thla hnih chhung atan a ni a. Private-ah chuan thla khat chhung atan a ni.

Tin, Transport Department-ah hian hemi kan Driving School hi 2006 September ni 1 atanga tih tan kha ani a. Tunah chuan Instructor 4 leh Principal pakhat kan nei a. Heta motor kan neihte chu Light Vehicle 2 kan nei a, naupang 30 hetah hian kan zirtir thei bawk a ni.

Tin, chumi bakah chuan Syllabus hi keini department ina a enkawlah chuan Central Motor Vehicle Rules, 1989 kha kan Syllabus hman a ni a. Private te hmanah erawh hi chuanin Transport Department-ina validity a pek chhung kum khat atan nge kum hnih atan nge tih kha apek ang chi kum nga atan nge khatianga a pek ang hun chhung kha ani mai a. An Syllabus erawh chu Private-a Institution ah hi chuan kan Transport Department tena kan pek atanga chutiang chu tih a ni.

Vawiinniah hian Tuichawng bialtu zahawm tak Pu Nirupama khan a rawn sawi a. District Council ten CADC ten hei hi kan dil a, min forward sak vat se tih hi Ministry ah kan ngen e an ti a, kan lo hmu a kan lawm khawp mai, mahse, kan la forward lohna chhan chu hei technology thar zelah hian nikum atanga kan hmuhchhuah tawh a ni a, helai bawrah hian a la tang a reiloteah a fel mai kan

beisei a. Feet 30 bial lekah hian zirlai 30/40 hi zirtir theihna Driving Institution din theihna hi a lo awm reng tawh mai a. Stimulator hmangin a lo tih theih ta a. Tunah South Hlimen a kan ta pawh saw a tawi mah mah e kan tih thin laiah khan sawtiangah te saw chuan pali/panga lai mai dah theihna te a lo awm ta a. Chung man te chu to vak a ni lova. Tin, Ministry lamin, policy thar a rawn nei that mai a. Chu chu purely Central fund tur kha ani a. Chumi chu Planning Ministry lam pang atangin hei hi en that leh angai ani an tih avangin sanction hmu mai tura kan in ngaihah khan kan han hmuh theih loh tak avangin, hetah Chawngte tihna tura pawh kha Km 2/3 tal a driving test nan leh chung zir nan chuan a ngai a ni tih a specific a kan lo dah thin ngai lo tur zawk kha kan beisei pui avangin Pu Speaker, an DPR kha thawn thla lo kan ni a. Central Ministry atangin hemi hi kan lo ngaichang a, thil thar lawmawm tak hmuh thuai kan inbeisei ani tih hi kan sawi duh bawk a ni.

Tin, Pu Speaker, **(Pu LALDUHAWMA)** : Pu Speaker, mi tam tak Bus a chuang lova Taxi a an kal zawkna chhan hi a nghah chhung a rei vang a ni. Khawpui dangah chuan a lo thlenga a kal nghal zung zung a. Khatiang ni seng Bus-ah hian passenger an tam zawk ang. A bik takin Vaivakawn Bus stand ah khuan a loh a luatin a ding rei a ni. Bus a chuan tum pawh a tawpah taxi in an kal leh nge nge thin a. Area MUP Conference ah pawh hei hi NASA takin an sawi tawh a, an feel viau mai a. Hengte hi Bus Owner Association te nen mi rama service ang deuh hleka tih dan ngaihtuah ve chi a ni lawm ni tih remchang kan la a ni.) hei hritlangin min han bawh deuh hlek avangin ka'n khuh a, member ten min ngaihthiam ka beisei a. 21 sawitu zingah khan 19 Transport sawi kan awm a., Aizawl W-I bialtu zahawm takin a rawn sawi a kha, ka rawn sawichhuah tum tho a ni a.

License pek chungchangah te hian 60 cc chin hi kum 16 chin tan Driving Licence pek theih a ni a. Nichina Member zahawm tak tak ten an rawn sawi ang khan kan tanrual a ngai a ni tih an rawn sawi kha he House kaltlangin chhungtin te kan in ngenna pawh nise a thain ka ring a ni.

Aizawl City Bus an stand-a ding rei thin lutuk hi Pu Speaker, tumahin ngaih loh lamah min ngaih sak lo ula, In sawichhiat tumna lam a ni lo tih min hriat sak se, mihausate thuhnuiah hian sorkar hi alo kun rei tawh em mai a a ngam ngam inzep tur a ni lo. Minister chhungte kha Bus permit inpe leh tunah pawh route tha tinrenga tlan hi an ni ringawt mai a, khawpui chhungah pawh. Chhungte chhung leh chhawng makpa tih tenen lam khan. Kha ang kha Department te hian an ngam thin lova. Association-ah nisela department-in an sawipui fo a ni. Tun sorkar thar ah chuan tih danglam ngei ngei kan tum a. Department te nen pawh kan han sawi ho a, tin, chumi bakah Association tenen pawh kan sawiho. Anni Association te hlei hlei pawh a duhtu an ni. Chuvang chuan hengte hi Coupon system a ni emaw ticketing system tal hian ti ve rawh u. Hnamdang zawk nangni aia mawl turin a ticketing system a an tih kha nga tinge Mizo tlangvalin a tih theih loh ang, inzir tur a ni tih te hi Department atangin kan nawr reng ani. Tin, Stand a rei tak tak in din hian kawng in ti hnawk rei a. Chuvang chuan stand in thlen hmain chuan man in lo la zung zung ang a. A nih loh pawn a hmalamah in luh tir anga, a hnung lamah in chhuah tir ang a. Chutiang

chuan ti ve rawh u tih te hi kan inzirtir thin dan te chu a ni a. Tuna Aizawl West I bialtu ina rawn sawi chhuah tak pawh kha tuna kan wind up-na kaltlang te pawh hian Bus neitute ka ngen a. Hengah hian an Driver te, an Conductor te hi lo control ve hram hram tur pawhin kan ngen duh a ni. Lirthei chungchangah reng reng hian private neih theih nilo, public lirthei reng reng hi chu sorkar atanga phalna neia la te an ni a. Chumi phalna nei zawng zawng hian sorkara intiamkamna ‘ka tiem e’, ‘ka tiem e’, inti veka heng Motor te hi nei an ni a. Chumi chu Pu Speaker, House information atan ka sawi talh duh a ni. Sorkar intiam ang nilova an tih chiah a sorkar ina thupek angin ka tlan ang tih ang chi zawm lohna hian harsatna mipui teah hian a thlen thin a ni tih pawh hi he House zahawm tak kaltlang hian Mizo mipui te hnenah ka sawi duh a. Sorkarah intiam thlapin private motor ni lo public motor hi chuan permit nei an ni tih hi kan hriat atan kan sawi duh bawk a ni. Member te khan, a mal te tein ka rawn chhang si lova. Member ten min lo hrethiam ula, Officer te nen, kan demand zawng zawng hi kan lo chhinchhiah vek a, keimah pawhin ka chhinchhiah a, kan la en ho ang a, nangmahni pawn, Office lamah te pawh enge kha kha ni ta ti te pawhin rawn ngaihven ula, tin, record-ah proceeding-ah a awm vek dawn a. Khang zawng zawngte kha kan lo thlir zui a tan, niselangin Pu Speaker, sawi tur keimah pawn department hrang hrangte, han highlight chu ka chak hle nain kan highlight-ah ngai mai ila. Tuna mi ah khan duh tawk dawn ila a thain ka ring a. Chuvang chuan tukin zinga chawhma lama I phalna leh Governor recommend-na anga ka demand rawn pharh Demand No. 18, Printing & Stationery Rs. 10,04,34,000 leh Demand No. 23 Art & Culture Rs. 6,29,35,000/- Demand No. 42 Transport Department Rs. 25,79,43,000/- avaiin Rs. 42,13,12,000/- te hi he House hian min pass pui turin ka rawn dil a ni e. Ka lawm e.

**S P E A K E R :** Minister zahawm tak, Pu P.C.Zoram Sangliana'n a Demand te sawifiahin pass a rawn dil a. Demand No. 18-na Printing & Stationery Rs. 10,04,34,000, Demand No. 23- Art & Culture Rs. 6,29,35,000, Demand No. 42 - Transport Rs. 25,79,43,000 avaiin Rs. 42,13,12,000/- hi pass remti apiangin ‘Remti’ ti rawh ule. (Member te : Remti) remti lo kan awm em? Remtilo kan awm lova. Awle, Pu P.C.Zoram Sangliana, Minister zahawm tak Demand No. 18-na Printing & Stationery Rs. 10,04,34,000. Demand No. 23-na Art & Culture Rs.6,29,35,000. Demand No. 42-na Transport Rs. 25,79,43,000 avaiin Rs. 42,13,12,000 hi House-in lungrial takin a passed ta a ni.

**Pu P.C. ZORAM SANGLIANA, MINISTER :** Pu Speaker, ka lawm e.

**S P E A K E R :** Tunah chuan Pu J.H. Rothuama, Minister wind up turin kan sawm ang a, passed rawn dil nghal sela a tha ang e.

**Pu J.H. ROTHUAMA, MINISTER :** Pu Speaker, hei vawiinniah ka Demand chhawp chhuah tak te kan sawi hova. Taima takin kan Member ten an rawn sawi kha lawmawm ka ti a. Tin, an taima satliah mai nilovin,

kan Department kha min rawn ngaihtuah pui hle a. An rilru tak takin a tul leh pawimawh an tih te insawiselna lam nilovin, a infuih zawngin, a tha lam zawngin an rawn sawi thliah thliah a. A lawmawm ka ti a, an thusawi kha ka note vek a, a mal te te a chhan chuan hun a duh rei dawn in ka hria a. A tlangpuiin kan khaikhawm mai dawn a ni a.

A hmasain Revenue chungchanghuah hian, kan ram ina Revenue system kan lo kalpui dan a hi kan Member zahawm tak tak ten an rawn sawi ang khan ennawn ngai, siamthat ngai hi a tam khawp mai a. A changtlung lo lai te District Council atanga lo ruahman tawh kha tam tak vawiinni thlengin District Council khan an lo ti tha zawk viau mai a. Kan han ring chhova, amaherawhchu, mihring kan changkang a, tunhma thingtlang khuain a leipui an han nei a, chu chu an duh tawk mai thin. Pa taima zualin huan zim deuh an neih chuan an duh tawk mai thin a. Vawiinniah chuan chutiang chu kan ni tawh lo a, kan lo neih bakah hian ram kan duh deuh vek tawh mai a. Chuvang chuan tunhmaa kan problem kan neih loh ang kha, tunah chuan thingtlang khaw kilkhawr ber ber thleng pawhin kan nei chho tawh a ni a. Chuvang chuan ram kan enkawl dan turah hian ngaihtuahna ngun thluk tak neia fimkhur taka kan kalpui hi a hun tak meuh meuh tawh a.

Tin, ram chungchangah hian, pass te kan han pe a. Sum tlemte kum hnih khat leka lo lut thei tur anih chuan, kan venga kan ram kha department ah hian zau pui pui kan pe duai duai mai a. Chungte chu vawiinniah hian a department ina humhalh sak ni lovin leh a ram ri te pawh siam tha chuang lem lo khan a neitu chan changin a awm mai mai a. Khangte pawh kha enfiah a tul tawh a.

Tin, Department lo pawh hi kan sawi tawh thin a. Thil kal dan pawh kan ti chhuak a. Department atangin mahni ram nei theuh ho a hi School a ni emaw, thingtlangah Department hrang hrangin ram kan neihte hi lease a nih loh pawhin pass fel tak kan nei tur a ni. Chuti anih loh chuan tunlai hian ramah kan duham kan tih tawh kha. Thingtlang khuaah pawh, a khawpui lian ve deuhah te pawh sorkar building leh ram hi hmun ualau leh laili deuhte a lo ni zel a. Chu chu lease emaw pass emaw tha taka dah a nih loh kha chuan mipuiin kan nek tan a ni. In chhan a har khawp mai a, helai hi Department tinte pawh kan inchah nawn leh duh a.

Tin, tunah hian Department ho ina kan buaipui reng tawh a chu ‘reform’ kan mamawh a. Chu chu sorkar hmasa atang tawh khan bill buatsaihin engemaw chen an lo kalpui tawh a ni. Mahse, ennawn leh ngai tam tak a awm avangin fimkhur takin kan ennawn chho a. Expert Committee kan din a. Chutah chuan kan IAS Pension tawh, State hran hrana experience tha tak lo nei tawh te, tin, Mizoram Revenue a lo thawk tawh te, hun rei tak Mizoram chanchin hre tak, Department a kan Commissioner Secretary te, Law Department lam leh Bar Association a mite, keimahni department a mite, kan Director te kan dah a ni.

Chu chuan ngun takin vawi 2/3 an thlir tawh a. Chutah chuan kan MLA Pu John Siamkunga hi Vice Chairman a ni a. Dan hremi te leh expert hote khan an ngaihtuah a, khami reform a kha. A reform mai pawh ni lovin a infrastructure restructuring, department kalphung nen siamthat kha a tul an ti a.

Chungte chu hma chho vekin an ngaiantuah a. Tunah hian Final Stage ah a awm tawh a. Chu chu Consultative Committee te leh khami bik Committee ten an en leh hnuah Cabinet ah chhawp chhuah turin hun rei vak lo chhung hian buatsaih chhoh theih kan tum a ni.

Chutiang chuan hma kan la a, a hahthlak ang reng khawp a, ram siam na tak tak tur mitinin kan mamawh, In sakna turin ram kan mamawh a, eizawna tur ram kan mamawh bawk si a. Chung zawng zawng chu engtinng Mizoram mipuite hian kan inseem rual theih ang tih ngaiantuah a ngai a ni. Hei kan House Leader in a sawi thin leh a duh dan chuan Mizoram mipui zawng zawng ram leilung fa dik tak, Mizo hnathlak, ram leilung fa dik tak te chu In leh ram an eizawna tur pek vek theih a ni a. Chuvang chuan heng atan hianin hma kan han la chho zel bawk a, khawpuiah kan tan lo thei lova, thingtlangah chuan chutiang taka ngaiantuah a la ngai lova. Khawi lai laiah emaw, V/C ten an pe thei lo anih pawhin an lo inkhawr ve mai a, tuman kan sawisel lem lova. Amaherawhchu, heng khawpui chhungah In leh lo nei lo mi In hnuai lúaht tam tak an awm a In leh lo nei lo, chungte chu ram kan pek ve theihna tur khan Champhai ah te, Serchhipah te, Kolasib ah te, Lunglei lamah te, khatiang khanin khawpui lian deuh hrang hrangah te Aizawl khawpui dai hrang hrangah te ram kan zawng a.

Ram awl awm ang apiang te kha Surveyor ten emaw mi an kawhhmu a, an inseem a, an chhungte an kawhhmu zel ang chi kha kan in khap a, hotuten thahnem an ngai a, tan an la a, land base a dah lut turin khatiang khan kan infuih tawh a, chu chu nakinah a mamawh te hnena pek turin, veng hrang hrangah House site allotment kan tih theihna turin hma kan la a ni, chung chu tunah hian a tam zawka hi chu Government approved turin an la rawn thehluh loh avanga la sem theih lo mai a ni a. Chuvang chuan hei hi hun rei lo te chhungin an rawn thehluh kan beisei a, kha kha chak zawka kalpui kan duh a.

Tin, kan Revenue collection hi kan hmu tha lo ang reng khawp mai a. A department hi kan sawi tawh a, tunah kan indaih lo a ni. Kan member zahawm tak tak ten Surveyor 2 tal dah nise tih te an han sawi a. Tunah hi chuan kan dinhmun hian kha kha chu a la phak lo hle mai a. Hemi restructuring kan din atang hian V.C ah, District ah, khatiang anga a kalphung pangngai anga kan kal thei anih chuan kha kha chu kan hnaih chho deuhin a rinawm a.

Revenue Department hian Staff te pawh NASA takin kan mamawh belh dawn a ni tih kha kan hotute pawhin min lo hriat sak ka duh a. Kan Ram hi a bul atanga kan siamthat dawn chuan Land Revenue leh Reforms atang hian a bul kan tan angai a ni. Hemi ti thei tur hi chuan kan indaih deuh a, sum te pawh kan neih a ngai a. Vawiinah chuan kan bial Champhai lamah te District chhungah hma an han la a, teh tur ten hma an han la a. Mahse, Motor pakhat pawh tlan thei an nei si lova, hma lak chak a har a. A staff indaih loh mai bakah khan kan duh ang a hma kan lak theih lohna chhan te pawh a ni.

Hmanni lawkah khan kan Minister zahawm tak Pu P.C. Lalthanliana'n min hawn sak a, chu chu Launching of Land Revenue Management and Information System tih a ni a. Hei hian a record a mamawh a. Hemi hi kan

tihputlin theih chuan tax kan va khawn te leh khami kan record zawng zawng atanga chhiah pe leh pe lo te, mimal ram neih ang chi te kan hre vek thei dawn a. Nikuma pe, kumina pe ta lo te, khang kha tam tak an awm a, kan ramah hian chhiah pek hi kan ngaihsak vak lova. Chu chu tute nge pe a, pe lo tih hriat pawh hi staff indaih loh nen a har a ni. Awlsam zawka Revenue Department pawhin sorkar a sum a chhunluh tam zawkna turin hei hi buatsah a ni a. Hei hian NASA takin min tanpui kan ring ani.

Tin, records hi a pawimawh a, a survey a pawimawh a, chu survey chu kan bei tawh a. Tunah hian cadastral survey hi Lunglei leh Aizawl veng thenkhatah hian tih mek a ni a. Chu chu cadastral lamah chuan kumin chhunga hma kan lakna a ni a. Heng hian cadastral survey kan neih tawh ve ah hi chuan record nen inkawpa fel thlapa dah theih tura ngaih a ni a. Tunah hian chu chu kan buaipui mek a, kan la tih zawh loh avangin a record lam hi kan la ti changtlung thei rih lo a.

Amaherawhchu, vawiinniah hian kan ram hi, chhungtin hian ram eng angin nge kan neih? Kan ngaihthlak tak ang khan kawngpui dung zawng zawng hi thlaichin loh pawh nise, ‘ka ram’ kan ti vek tawh mai a. Khangte kha tute nge? Engtia tih nge a nih tih hi kan hriatchian angai a ni. Chumi titur chuan tunah hian Family Land record hi kan neih a ngai a. Chu chu a survey tan tur hian tunah central YMA leh V.C. hote nen, chhungkaw tinin ram kan neih ang te kha record siam kan tum a ni. Chumi a nein an lo khung duh lo a nih chuan an zep a nih chuan, nakinah an mahni chhungkua khan an buaipui ang a, sorkarin ram neilo angte pawhin a la ngaihsak dawn emaw a ni ang a, report hunchhung kha chuan tha t ak a in report a ngai dawn a ni.

Revenue Department chu kan hria a, a hnawk kan ti thin a. Tin, Department khirkhan pawh a ni a; nitin thubuai kan ngaihtuah ani deuh ber a. Rorelna judgement a kha kan chhakchhuah zat zat thei si loh, fimkhur a ngai. Kan tihsual a lehlam Court akal mai thei a nih avangin fimkhur a ngai hle a. Chuti chung chuan kan department hotute kan Director hovin thahnem an ngai a, an taima a, dan lam te an hriat avangin tunah chuan kan dinhmun kan hlang changkang chho hle tawh a, kan dinhmun hi kan sang chho zelah kan ngai a. Thubuai leh eng engemaw chungchang thuah pawh hianin inring tak chungin a department hi kan kal chho mek a ni. Chuti lamah chuan vawiina kan mamawh leh kan ramin a mamawh kan hmalakna lian ber chu kan han sawi tak ang khan, a reform atan leh a structure tha kha a ni a Chumi tur chuanin tunah hianin chak takin hma kan la chho mek a ni tih kha ka han sawi duh a. Chu chu a tlangpuuin kan han sawi theih ni ta selangan, Revenue ah chuan sawi tur a tam a. **(SPEAKER)** : Ngawi rawh aw, Memberte khan an District-a Patta ve theih dan tih kha an ngaimawh riauvan ka hria a.) Kha kha ka chhang tawhin ka hria a. A chhan chu, tuna infrastructure-a kha kan tih that chuan hetah Civil SDO atangin D.C. ah tin, Court-ah pawh khan D.C. kha District-ah chuanin, khami District chhungah kha chuanin Revenue Court-ah pawh khan hotu tur a ni mai a. Khalaiah khan engemaw chen chu thuneihna an nei ang a, amaherawhchu, engemaw chen hi chu centralized angai ani. A chhan chu khawi lai lai emaw a hetianga kan centralized chung pawha pass dik

lo siam hi a la tam em em a ni. Chuvang chuan kan thlah zel ngam lutuk lova, helai hi chu min lo hriathiam pui ka duh a.

**S P E A K E R** : Pu Lalduhawma.

**Pu LALDUHAWMA** : Pu Speaker, kum 40 chuang chuang chhungkua 40/50 tun thlenga la awm chungchang hi engemaw ti zawnga kalpui dan kha ram neitute tan pawh kan zangkhai theih deuh dan ka han sawi chhuaha kha, khawngaihtakin han react se mawle ?

**Pu J.H. ROTHUAMA, MINISTER** : Pu Speaker, kan Member zahawm tak sawi kha Sairang khu a nih ka ring a. Sairangah rei tak ka lo awm tawh a, kei pawh. Grouping anih khanin mi ram kan luah bawrh bawrh mai a, sipai khan an han dahkhawm a. Kha kha vawiinni thlengin compensation pawh la pek chuan si loh, la luah reng si, a neitute han hnawhchhuah dawn a, in tha tak tak lo ding ve khup tawh si ang kha khu laiah khuanin a awm a ni. Hmun dangah te pawh grouping dangah te pawh awm mai thei a, ka hre lova. Chung chu problem lo lut leh engemaw ah a la awm rih lo anih ka ring a. Thil dang hi a tam bawk avangin, hei hi chu a dik tak chuanin, a bika ngaihtuahna kan la nei lova, amaherawhchu, kan member zahawm takin a rawn sawi rik takah chuan, he House-ah kal hmang turte kan la ngaihtuah chho ang a, kawng kan lo dap dawn nia.

Co-operative-ah hian lut ta ilangin, hei Co-operative hi Mizoramah chuan department hmasa ber pawl a ni mai awm mang e aw, ka ti a. 1949 ah khanin, a hming chuan a lo awm tawh a. Rambuai hma pawh khan kan nei tawh a, amaherawhchu, rambuai atang khanin, Co-operative Department hi a langsar loh bakah hianin kan ngaihtuah vak lova, remna a lo awm hnu 1986, 87 atang khanin mi te rilruah a rawn thar leh a. Tichuan, Co-operative Department hi changtlung zawkin a lo kal chho zel a, tunah chuanin thingtlang khua, village kan han tih a mi te nen hian Co-operative Society hi Primary Society te nen 1368 Mizoramah hian a awm mek a ni. Tin, member pawh hi 42286 an awm a ni. Amaherawhchu, engatinge Mizoramah hian Co-operative hmanga kal hi Mizo fate hian kan thiam tawk lo tih hi ka ngaihtuah thin a, Mizoram hi kan kalphung hi a dang ve khawp mai a, Kohhran sum kan kawl chuanin, kan kawl him vek mai a ni, mitin hian kan Kohhran upate pawhin, amaherawhchu, sorkar sum kan kawl hi chuan kan ngaihtuah awm leh viau tho mai a, khatiang hnam kha kan nih vang nge Co-operation a huhova kan thil neih te pawh hi a bik a neih kan duh vang, Co-operation hmang a sumdawnna te chak zawka han kalpui hi a harsa hi kan ti fo mai a. Amaherawhchu, vawiinniah chuan nasa takin hemi a department ah leh kan member te hi a improve pawhin ka hria a, hei hi thil lawmawm tak a ni a.

Tin, Co-operation Department hi NLUP ah a la tel ve love ti khan kan member zahawm tak tak te khan an rawn sawi a, a lawmawm khawp mai a. hei hi la telh turah ka ngai a, tin, kan inthlan dawn a kan manifesto a kan dah Co-operative bik atana Council pawh hi kan la din chiah lova, hei hi la kalpui zel tur a

ni a. Tin, thil leikhawm, lakkhawm khatiang a hmanraw pawimawh tur kha anih avangin Co-operation Department bik hi chu nakinah NLUP te pawh hi a lo hlawhtlin tak tak chuan hman loh theih loh, thingtlang hmun tin a awm kan ni a, kan la hmang ngei ngei ang tih hi ka ring a.

Tin, chubakah chuan Co-operation in a tum a hi Co-operative Society hrang hrangte hi va sumdawnna hausak thur thur ani ringawt lova, Mizoram pumpuiah hianin ei leh bar thil a kan mamawh te bungrua nitina kan mamawh em em ang chi te a man in ang khat deuh a khawpui man te nena rualkhai deuha kan lo hmuh theihna tura heng Co-operative Society te pawh hi ding an ni a. Chutiang chuan tunah hian Consumer Society fel tak tak, tha tak tak sorkar lam atanga tanpuina kan pek theih loh pawh a anmahni a ng het taka lo ding, lo inpei pung ve zel, thil man a san pawha san ve chuang lo, hmun dang atang pawha an va pur tlak hi eng emaw zat Society hi kan nei a ni. Chungte chu chhuanawm kan ti a, chungte hnenah chuan Grant tam zawk dah theih a pek theih te hi kan chak em em ani.

Tin, kan Department Co-operative bikah hian, a ruangam kha member zahawm tak te khan duhthawh takin kan sawi a, a lawmawm ka ti a, a ni taka, hei RCS te hi State lianah chuan an pawimawh khawp mai a. Tin, Maharastra ah te phei khu chuanin Co-operation Department te phei hi chu Minister ten an chan chak ber ani a. Chutiang chuan hmun hrang hrangah (State ah te) a nihna hmun a awm a. Chung hmun atan ah te chuanin RCS te tana, IAS (Cadre) post an daha an thu hi chu a awm khawp mai a. Mifel tak tak IAS senior tak tak te pawhin a an that chak ngawih ngawihna a ni. Amaherawhchu, Mizoramah hi chuanin a RCS ringawt a hna dang nena kawp miah lo tur phei chuan tlawmngai pakhat mah kan hmuh hi kan IAS te zingah hian ka ring lo ani. Chuvang chuan, helai pawh hi, kan han ngaihtlak tak ang khanin ngaihtuah nguna a chinfel dan kawng zawn hi chu a tha khawp mai a. Engtinne kan hotuten an ngaih tih te hi la sawihi tur chi a nih ka ring a.

Tin, a hnuai zela a indawt danah te pawh hian zone RCS pakhat kan han nei a. Tin, District kan manned danah reng reng pawh hianin, keini ho hi chu District ah hianin Dy. RCS pawh kan dah lova, Asst. RCS hovin District hi an manned a ni. Chuvang chuanin anmahni pawh hi puipun nikhua a kalkhawm naah pawh hianin District ah staff te, Officer han kalkhawm te pawh hi nuamlo an ti deuh thin a. Hei te pawh hi kan ngaihtuah chhoh a ngai khawpin ka hria a. Chung chu kan staff kan mamawh ngawih ngawih ang chi te hi chu sorkar pawh hian min han pe thei sela kan duh tak meuh meuh a.

Tin, kumin March ni 9 – 11 ah khanin Mizoroma kan la neih ngai loh Co-operative exhibition - cum- fair kan nei a. Chu chu Co-operation Department kum 60 a nihna lawm pahin sawtah Millenium Centre chungah sawn kan nei a ni, store pawh 60 lai an rawn hawng a. Chungah chuan Co-operative Department ina an thilsiam te a bikin hei MAHCO kan tih te, ZOHANCO lam atang te leh thil dang dang atang te pawhin dawr te an rawn siam a, hlawk kan ti khawp mai, chhunzawm zel tlak pawh niin kan hria, a lawmawm em em a ni.

Tunah hian State Level Co-operative hi 11 kan nei a, vawiinnia kan inchhuan ve deuhna chu sorkar corporation ho reng reng hi chu vawiinniah hian intodelh hi an awm miah lovin ka hria. A hloh lampang vekein kan kal a. Co-operative-ah erawh hi chuanin kan sum neihte a tlem a, a hlep pawh a tam vak thei lo nachungin profit kan la siam hram hram te hi a lawmawm tak meuh meuhin ka hria a. Hei hi a thawktute thawhrim rah a ni a, an inpekna asan avang a ni a.

Tin, helaiah hian nghenchhan kan nei lo thei lova, Department dangte nen pangang vulh lampang pawh Co-operative-a kan hotute, hemi bikah hi chuanin department kha kan va nghenchhan lo thei lova. Tin, PIGFED lamah te pawh khan ranchaw te nei tur chuanin Supply Department te nena wheat vai chungchangah te siam rema a induat te kha angai a. Khatiang zel khan department hrang hrang te nghenchhan lo thei lo ah hian kan awm avangin chung zawng zawngte pawh chu heng department kan va nghenchhan te pawh hian min hrethiama, mipui chanvo Mizoram pumpuia tha zawka sem darh theihna tur leh ruahman vek pawh kha rualkhai deuha pek zel a nih theihna tur khan he kan Co-operative hoten department ah an rawn dil thin ang te, khang ang te pawh kha khawngaih taka min lo tih hlawhtlin sak turin kan ngen bawk che u ani.

Awle, vawiinia hian tam tak sawi tur a awm ang a, mahse, kan duh tawk dawn tawh mai anga, he kan department chan thahnem ngai taka rawn sawi te, thurawn min petu zawng zawng leh duhsak taka kan kal kawng tur te min rawn ruahman pui tute zawng zawng te chungah khan lawmthu ka sawi a. Pu Speaker, heng ka demand No. 6-na Land Revenue & Reforms 14,71,29,000 leh Demand No. 37 na Co-operation 10,87,65,000 total 25,58,94,000 te hi he House zahawm takah hian min pass pui turin ka dil e.

**S P E A K E R :** Pu J. H. Rothuama'n rawn wind up in a demand te pass a rawn dil a. Demand No. 6 – na Land Revenue & Reforms cheng 14,71,29,000 demand No. 37 na Co-operation 10,87,65,000 a vaiin Rs. 25,58,94,000 hi pass remti apiangin remti ti rawh ule, remti lo kan awm chuan remti lo ti rawh ule, awm lo maw? Awle, Pu J.H. Rothuama, Minister zahawm tak demand No. 6 na Land Revenue & Reforms cheng 14,71,29,000 leh demand No. 37 na Co-operation 10,87,65,000/- avaiin Rs. 25,58,94,000 chu House in lungrial takin a pass ta e.

**S P E A K E R :** Tunah chuan Pu Nihar Kanti Chakma, Minister zahawm takin a chanpual rawn wind up sela, pass pawh rawn dil nghal sela.

**Pu NIHAR KANTI, MINISTER :** Pu Speaker, ka lawm e. Member zahawm tak tak ten thahnemngai taka ka department min sawi pui avangin a hmasain lawmthu ka sawi a ni. Ka department chan 3, Disaster Management & Rehabilitation ah mi 10, Animal Husbandry ah mi 12, Sericulture ah 6 in an sawi a ni.

Pu Speaker, a hmasa berin Demand No. 30-na Disaster Management & Rehabilitation sawi ta ila. Nichinah member thenkhat ten Disaster Department hi Silpaulin semtu Department tih ang zawngin an sawi chhuak a. Amaherawhchu, Disaster Management & Rehabilitation Department hi department hrang hrang zingah department pawimawh tak a ni. A chhan chu mipui nunna khawih thei a ni a. Chu lo lehah chuan ram tih chhiat thei a ni, chu chu a pawimawhna a ni. Pu Speaker, kan hriat tawh angin disaster lakah hian kan indang thei lova. Amaherawhchu, kan fimkhur erawh chuan, disaster erawh chu tihtlem theih a ni. English-in sawi ta ila, ‘Disaster can struck you at any time, anywhere & any place’ Chuvangin, disaster hi tunlai khawvel kalchho zelah hian ram tinah a pawimawh thin a ni. Chuvangin, Pu Speaker, House zahawm tak kaltlangin Mizoram mipuite disaster laka fimkhur turin ka chah duh a ni. Pu Speaker, kan hriat tawh angin kan Department, hmalak nate tam tak a awm a, a thawkute pawhin thahnem ngai takin an thawk a. Chuvangin kan Department chak takin a kal chho zel a. Kan hriat angin disaster te pawh mi zawng zawng chungah a thleng thei a. Engtikah nge a thlen ang tih tuman kan sawi lawk thei lo a ni. Mahse, member zahawm tak tak hnena ka sawi duh chu kan fimkhur a ngai a ni tih hi ka chah duh a ni. Disaster hi a pawimawh a. He House zahawm taka thil lawmawm tak ka sawi duh chu hei hi a ni. 13<sup>th</sup> Finance Commission chuan Mizoram State Disaster Relief Fund atan kum 2010 – 2015 chhung a hman turin Rs. 47.26 crores a recommend a, hei hi 12<sup>th</sup> Finance Commission recommend aini cheng vaibelchhe 12 in a tam zawk ani, min ngaih pawimawhna chhan sawi ka duh a, Government of India chuan State share 25% ni thin chu 10% ah a tihhiam bawk a, hei hi Central Sorkarin Mizoram State Special Category a min duh sak vang a ni a, a lawmawm em em a ni. Pu Speaker, Disaster a pawimawh avangin Mizoram Police Officer pahnih Coimbatore ah Response Force a master trainers turin training pek mek an ni a, hei hi kan House zahawm takin kan hria em le? Kan Home Minister zahawm tak te pawhin an sawi tawh angin Mizoram State Disaster Response Force Battalion 4 lai a ding chho tawh a. Training chhuah veleh heng mi pahnih te hian Battalion-ah training pechhuaktu tur an ni.

Tin, CTI Sesawngah pawh State Disaster Respond Training centre atan tihfel a ni tawh bawk. Training hmanrua pawh UNDP Funding kal tlangin Disaster Management & Rehabilitation ` Department ina ngaiantuah tawh a ni. Pu Speaker, Hachhek bialtu zahawm tak khan Earthquake chungchang a sawi a, a lawmawm khawp mai. Kum 2010 March ni 5 khan School safety programme, Pilot Project on earthquake pickermen chu Disaster Management & Rehabilitation Department chuan National Disaster Management Authority nen tang kawpin huaihawt a ni. Aizawl chhungah Higher Secondary School 20 atangin Principal leh Teachers 20 vel koh khawm a ni a. Earthquake lo thlen huna awmdan tur zirtirna leh training pek an ni.

Pu Speaker, zirtirtute chu Master Training pek an nih angin Master trainers angin kan hmang ta a. An zirtirtu puite hnenah training pe chhawng zel tura beisei an ni. March 8 – 10 2010 khan YMA member tam tak hnenah Practical Training on Search & Rescue and First Aid’ Central YMA Hall-ah buatsaih ani a. Training hi National Disaster Response Force, Guwahati ten an pe a ni.

Pu Speaker, kan hriat tawh angin thil lawmawm tak sawi ka duh chu National Disaster Management Authority, Government of India chuan National Earthquake Risk Mitigation Project hnuiah Aizawl Civil Hospital chu Retrofitting turin an thlang a, Hmanniah Structural Drawing pawh Delhi ah kan thawn tawh a, reiloteah sanction order hmuh kan beisei a ni. National Disaster Management Authority te nen tangkawpin Mob drill neih leh tum a ni.

Pu Speaker, Disaster Management Act, 2005 in a sawi angin State Government hnuiah State Plan fund neih turin hma lak mek a ni bawk. Kan hriat tawh angin tunah Disaster Management ah fund kan nei lo a, duh angin hna hi kan thawk thei lo a ni. A tawp berah chuan Pu Speaker, ka sawi duh chu, nichinah hachhek bialtu zahawm takin a sawi kha, Mizoram hi Earthquake hlauhawmna zone panga zinga awm a ni a. Chuvangin mipuite hi fimkhur viau a ngai a ni. Chuvangin he Earthquake te hi Pathianin kan ramah thlen tir lo hram se tih hi kan tawngtaina a ni. Pu Speaker, chu zawng chu Disaster Management chungchanga ka sawi duh chu nise.

A pahnihna Demand No. 32 - Animal Husbandry chungchang sawi ta ila. Department achievement Pu Lalduhawma'n a bial chungchang a sawi chhuah kha tawi tein react ka duh a. Piggery Model Village chungchang a sawi chhuak a, lawmawm ka ti khawp mai a. Model Piggery Village Kawkulh – II Sairang a ni a. Model Piggery Village hi sorkar hmasa hunlaia din a ni a. Project pawisa erawh chu vaibelchhe khat aia tam, an hmangral vek a. Amaherawhchu, Project duh dan angin a hlawhtling lo hi pawi ka ti khawp mai a. Ngun takin Consultative Committee naah kan sawiho a. Hemi chungchang hi one time grant anih avangin maintain sum hi kan nei tlat lova. Amaherawhchu, bialtu hian min ngaih pawimawh avangin NLUP ah thun theih dan a awm em? tih chu Consultative Committee a sawi khawm hnuah Judiciously decision chu lo lak kan tum ang e.

Pu Speaker, kan hriat tawh angin Mizo mipuite hi sa ei chi kan ni a, sa kan duhin kan ei tam em em a ni. Sa tel lo chuan thenkhat chuan chaw kan ei tui lo ani. Chuvangin AH & Vety. Department hi Department pawimawh tak a ni a. Sa thienglim mipuiin kan ei theih nan Department-in NASA takin hma kan la mek a. Member zahawm tak tak ten an bialchhunga Rural Animal Husbandry Centre te, thil hrang hrang te kan sawi nual a, kan department a sum harsat vangin duh angin hna hi a kal chak thei lo a ni. A pawi ka ti khawp mai a.

Kan hriat tawh angin kan Chief Minister zahawm tak in a sawi a. Kan flagship programme NLUP hmangin Mizo mipuite dinhmun chhanchhuahna programme ah hian NLUP pawh chak takin hma an la mek a ni. Ran vulh trade thlangtu chhungkua an tam em em avangin harsatna kan tawk hial a ni. Pu Speaker, a lawmawm em em a ni. NLUP Scheme atang hian chhungkaw tam takin Bawng, Sial, Vawk, Ar te an vulh ang a, eizawnna nghet nei thei turin NASA takin hma an la mek a ni.

AH & Vety. Department hi Mizoram chhunga District 8-ah District Office neiin hna an thawk mek a. Hei bakah hian ran hriselna atan Vety. Hospital te, Dispensary te, Rural Animal Health Centre te kalpuin Vety Doctor

leh VFA te ran damlo enkawlna hna tha takin an thawk a ni. Ram pawn atangin ran natna lut tur danna Surveillance Office te border area ah te siamin, ran lo lut tur hriselna endik thin a ni.

Tunah hian Hospital – 5, Dispensary – 36 leh Rural Animal Health Centre 105 a nei a. Bawng vulhna 7, Vawk vulhna – 10, Ar vulhna te, Turkey, Varak leh Kel Farm pakhat theuh bakah Fodder Farm cum – seed production 7, kalpui mek a ni.

Tin, Disease investigation Laborary 6, leh Feed Andytical Laboratories changtlung tak pahnih kan nei bawk ani. Pu Speaker, November, leh December, 2009 khan, Mizoramah Ran thi Swine fever (Vawk pul hri) leh Food & Mouth Disease (ran kena) hri a leng a. Mahse, thawktute tan lakna a vangin heng ran natna te hi tihbo a ni a, a lawmawm em em a ni.

Tin, Development lamah pawh nasa takin hma lak a ni bawk a. Sum tam tak senga Modern Slaughter House sak chu cheng nuai sawmhnhii leh pariat senga tichangtlun mek a ni. Hei bakah hian Modern Slaugter House, Dry Rendering Plant and Lairage siamna atan NABARD atangin cheng nuai 250 lain hmalak mek a ni. Pu Speaker, chung zawng zawng chu Vety Department a ka sawi theih ni sela.

A hnuhnung berah chuan Sericulture Department sawi ta ila – Department achievement sawi hmain Member zahawm tak Pu H.Zothangliana, Lawngtla East bialtu-in Cocoon rate chungchang a sawi atang khan a rate chhiat zia a sawi chhuah kha a dik a. Grade I A, B, C, D ah te then a ni a. Tunah hian a rate hi tih san tawh a ni a. Hetiangan :-

<b>Grade</b>	<b>Rate hlui</b>	<b>Rate thar</b>
'A'	Rs. 120/-	Rs. 180/-
'B'	Rs. 100	Rs. 150/-
'C'	Rs. 90/-	Rs. 120

Pu Speaker, Sericulture Department hi kum 1985 a din a ni a. Tunah hian kum 25 a lo tling ta a ni. Kum 25 chhung hian Sericulture Department hian kawng tam takah hma a sawn a. Chumi karah chuan thawktu indaih loh avang tein harsatna kan tawk thin a. Member zahawm tak takte pawhin an rawn sawi chhuak a, lawmawm ka ti a. Tunah hian farm te sum indaih lohna avangin enkawl theih loh a ni a. Hei hian Farmers te tan harsatna tam tak a thlen a ni. Chuvangin kan sorkar hian farmers te hamthatna turin sum tam zawk min pek theih chuan a lawmawm hle ang.

Tin, hetiang harsatna karah hian Department in nasa takin farmers te hamthatna tur a thawk reng a. Kan sorkar pawhin tun aia nasa zawkin he Department hi a enkawl a ni. Kum 2009 – 2010 atan NLUP programme-ah pawh Sericulture chu Department pawimawhte zingah telh a ni.

Chhungkaw tam takin Pangang an vulh a, thawktu department an indaihlo NASA hle a, post ruak 39 lai kan nei a. Hei hi NLUP a hlawhtlin theih nan leh Pangang vulhtute hamthat nan filled up ni thei se a lawmawm hle ang.

Pu Speaker, Pangang vulh hi eizawnna tha a nih avangin Mizoram hmun hrang hrangah Pangang vulh tuma theihmu siam an pung zel a. Kum 2010 – 2011 chhung hian chhungkaw 2000 in theihmu phun tumin hma an la mek a ni.

Sericulture Department hian kum 2010 – 2011 chhungin hmalak tur pawimawh tak tak a nei a. A pawimawh zual te chu hengte hi a ni :-

1. Theihmu tang phun tur zat nuai 80
2. Chhungkaw theihmu phun tur zat 2000 (families)
3. District Office Champhaiah sak tum a ni.
4. Staff quarters hmun hrang hrang a sak leh repair tum a ni.
5. Zobawkah Pangang siamna In (Grainage House) sak tum a ni bawk.
6. Champhai ah pangang chi siam tan tum a ni.
7. Farmers 2000 leh in-service person 30 te training pek tum a ni.
8. Pangang chi 4,50,000 Cocoon 65,000 kgs leh silk la 6,5000 kgs siam tum a ni.
9. Seed Multiplication Centres pasarih ah te sum dinhmun a zirin Scientific Rearing Houses sak tum a ni.
10. NLUP implement dawn avangin Sericulture Training Institute hi Farmers te training nan hman tangkai lehzual tum a ni.
11. Sericulture hi NLUP implement tur zinga mi a ni a. Kum 2010-2011 chhungin chhungkaw 2000 huam tura ruahman a ni.

Awle, Pu Speaker, ka Department hrang hrang Demand No. 30 Disaster Management & Rehabilitation – Rs. 10,70,45,000/- Demand No. 34 Animal Husbandry & Veterinary - Rs. 34,77,88,000/- leh Demand No. 41 Sericulture Rs.8,86,67,000/- Avaiin Rs. 54,35,00,000/- hi he House zahawm tak hian min pass sak turin ka rawn ngen a ni. Ka lawm e.

**S P E A K E R** : Minister zahawm tak Pu Nihar Kanti in a Demand te sawifiahin pass a rawn dil a, Demand No. 30 na Disaster Management 7 Rehabilitation vaibelchhe 10 nuai 70 singli leh sangnga, Demand No. 34 na Animal Husbandry & Vety. Rs. 34, crore, 77 lakhs sing 8 leh sang 8 Demand No. 41 Sericulture Rs. 8 crore nuai 88, sing 6 leh sang 7, avaiin Rs. 54 crore, nuai 35 hi pass remti in ‘remti’ ti ang u. (Memberte ‘remti’). Remtilo in ‘remtilo’ ti ila. Awle, remtilo kan awmlo.

Awle, Pu Nihar Kanti, Minister Demand, Demand No. 30 – Disaster Management and Rehabilitation Rs. 10 crore, nuai 70, sing 4 sang 5, Demand No. 35 – Animal Husbandry & Vety. Rs. 34 crore, nuai 77, sing 8 sang 8. Demand No. 41 - Sericulture - Rs. 8 crore, nuai 86, sing 6 leh sang 7 avaiin Rs. 54 crore, nuai 35 chu House in lungrual takin a pass ta a ni.

**Pu NIHAR KANTI, MINISTER :** Pu Speaker, ka lawm e.

**S P E A K E R :** Kan Minister ten Demand an rawn wind-up a, beisei aiin hun an rawn hmang reilo zawka hei, kan fihlim hma a, a lawmawm khawp a. Naktuk zan lam turte pawh an thiam zel turah ngai ila. Awle, vawiin kan business chu kan zo ta a, kan chawl tawh ang a, Naktuk ni 25.3.2010 Ningani zing dar 10:30 ah kan thukhawm leh dawn nia.

Sitting is adjourn. At 7:15 P.M.